





皇朝通商文續編目錄

卷一百十五洋務十五商務三

咨行通商各口募用外國人幫辦稅務章程通商約章續纂

擬購挖土機船銀兩新式輪機片

核減香煙出口稅片

籌設盛開餉需擬借周洋款疏

關平煤出口稅擬請議案減定片

請開兩廣鹽務疏

由英烟土會商條款第三端之一及三端之二三端之七通商約章續纂

照會法公使恭恩當商務專款十條 總署王大臣

覆陳維持招商局事宜疏 戶部

派員查明南洋華民商務情形擬設領事並籌計一切經費疏 附片

洋關征收稅鈔分項籌款表 光緒通商列表

卷一百十六洋務十六商務四

利權一

利權二

利權三

利權四

上會條陳第四則

擬免商務十條

論天津直設官牙恭行洋務管見六條之一

論稅務

沈葆楨

沈葆楨

沈葆楨

李鴻章

張之洞

張之洞

楊椿

薛福成

薛福成

薛福成

薛福成

薛福成

薛福成

薛福成

薛福成

論商務

論借款

卷一百一十七洋務十七 國圖上

英舊約第三條通商約章類纂

受璦成俄約第一條通商約章類纂

俄約第九條

中俄黑龍江定界記文 附交界道路記文及碑文

中俄塔城議定記約首段通商約章類纂

中俄塔城議定記約第一條

中俄塔城議定記約第二條

中俄塔城議定記約第三條

中俄塔城議定記約第四條

中俄塔城議定記約第五條

中俄塔城議定記約第六條

中俄塔城議定記約第七條

中俄塔城議定記約第八條

中俄塔城議定記約第九條

中俄塔城議定記約第十條

俄續約第一條通商約章類纂

俄續約第二條

俄續約第三條

塔爾巴哈臺界約首段通商約章類纂

李東沅  
李東沅



塔爾巴哈臺界約第一條

塔爾巴哈臺界約第二條

塔爾巴哈臺界約第三條

目布多界約首段通商約章類纂

科布多界約第一條

科布多界約第二條

科布多界約第三條

烏里雅蘇臺首段通商約章類纂

烏里雅蘇臺第一條

烏里雅蘇臺第二條 附烏里雅蘇臺界約紀略

中俄改訂約條第一條 通商約章類纂

中俄改訂約條第五條

中俄改訂約條第七條

中俄改訂約條第八條

中俄改訂約條第九條 附光緒七年中俄卡倫單

美續約第一條 通商約章類纂

中法會訂越南新約第一款 通商約章類纂

中法會訂越南新約第三款

卷一百十八 洋務十八 固圉中

復總署論控吳淞張沙書

籌邊論三

贈朝鮮人李秉輝歸國序

李宗義

姚文棟

姚文棟

保護朝鮮議邊防備述

上吳清卿師

恭報會同俄員勘界立碑繪圖補記遵

旨畫押各日期疏光緒十二年

會勘倭那二牌應照圖約更正疏

俄羅斯屬地西卑利亞新造鐵路圖說

卷一百一十九洋務十九 圖圍下

論今南洋各島國

五印度形勢

騰越邊徽

西域形勢

恭報撤師日期並調度劉軍安置越民情形疏

英緬兵爭現擬籌布邊防疏

籌議廣西邊防請移駐提督添設鎮道各緣由疏

會奏移設裁改邊要各缺疏

照會法使恭思當文 附請議界務專條四款 總署王大臣

澳門租界改歸葡國永遠居住立約尚宜妥議緩定疏

卷一百二十洋務二十 培才

采西學議

酌議同文館章程疏總署王大臣

擬選聰穎子弟出洋習藝疏

派員攜帶幼童出洋並應辦事宜疏 附出洋應辦事宜六條

選派閩廠生徒出洋習藝並酌議章程 附選派船政學生章程七條

胡傳

吳大澂

吳大澂

姚文棟

吳曾英

黃楫材

黃楫材

黃楫材

岑毓英

岑毓英

張之洞

張之洞

李鴻章

張之洞

馮桂芬

馮桂芬

曾國藩

李鴻章

李鴻章

沈葆楨

續選閣殿生徒出洋疏

條議一則

文法舉隅序

與葛子源書

上曾侯條陳摘錄二則

救時刻言四則 上南皮張制軍

論考試 附論洋學

議覆謝祖源奏請練習洋務人才疏 總署王大臣

會議算學取士疏 總署王大臣

粵省創設水陸師學堂以儲羣材

請設廣方言館疏

李鴻章

薛福成

曾紀澤

姚文棟

張煥綸

張煥綸

李東沅

張之洞

吳大澂

李鴻章

洋務十五商務二

咨行通商各口莫用外國人幫辦稅務章程通商約章類纂

總理衙門咨同治三年七月十二日據總稅務司赫德呈報查通商各口除瓊州外現有口岸十四處均設有稅務司會同各關監督辦理稅務惟稅司之下有幫辦人等在公事房辦理事件又有打子手在船驗貨及稽查偷漏等事目下統計各關之人幫辦者有八十餘人打子手亦有三百名之多若不定立章程俾知遵守無以昭畫一而示勸懲茲擬章程二十六條呈請酌核等因前來本衙門查各關事務紛繁幫辦人及打子手等為數亦復不少必須定立章程庶各關稅務司辦理不致參差而核幫辦打子手等亦得所遵循該稅司所請不為無見其所定章程二十六條經本衙門詳加核刪改增添共成二十七條劉知該總稅務司遵辦內第十九條內載若無總稅務司及本關監督文書不准僱用洋商船隻作為巡船一節查此條係為預防守各關所用外國人任便為中國僱覓洋船起見總稅務司及該關監督行文稅務司備備巡船其催價由稅務司於該關議定經費項下支發如未經總稅務司及監督行文稅務司擅行催備應不准其開銷至該關監督如有自用巡船之處船由該監督自行催備即由監督調遣所需經費亦由該關自行籌辦不得動用各關稅務司經費之款除劉知赫總稅務司照辦外相應將本衙門改定章程二十七條鈔錄一紙咨行查照並將此項章程照錄通行各該關監督一體遵照辦理同治三年七月咨各省

一總稅務司凡有應申陳本衙門事件及更換各口稅務司務節隨時申報本衙門查核仍一面分別申陳南北洋通商大臣並知會各本關監督

一總稅務司係總理衙門所派至各口稅務司及各項辦公之外國人等中國不能知其好及如有不妥惟該總稅務司是問一各關所有外國人幫辦稅務事宜均由總稅務司稟請調派其薪水如何增減其調往各口以及應行撤退均由總稅司作主若某關稅務司及各項幫辦人內如有辦理不妥之人即應由該關監督一面詳報通商大臣及總理衙門一面行文總稅務司查辦

一各關雖係征收洋商之稅然其事實中國之公事所用之人雖非中國人其所辦係中國之事其薪水亦中國所發應較中

國人格外盡心辦公其與中國官民有交涉事件尤須格外以禮相待彼此不可猜疑傲慢

一各關所用之人以各人分內應辦之事為第一緊要務當盡心盡力至泰西所有各項新法大有便益於日用常行為中國所未有者若與地方官民相處決洽則可議論試行雖屬同仁之善然究為餘事總以分內應辦之事為主不可因此而誤公彼此不可勉強以必行

一各口稅務司係總稅務司所派之員倘手下之人有懈怠誤公者惟該稅務司是問各該稅務司於各口收稅章程各國通商條約並外國商情本應熟悉且於中國情形較各項洋人尤為透徹辦理稅務一切事宜務求妥協若有任性偏執或與監督會商並不悉心陳說以致誤會辦事乖謬進退兩難是該稅務司才不勝任之據定即撤退

一各口稅務司如有其才不勝任及辦事錯誤者係惟總稅務司是問至通商各口辦理收稅事宜如有不妥均係各關監督責成是以凡有公事自應歸監督作主如此則稅務司所辦之事即監督手下之事惟稅務司係總稅務司所派之人非監督屬員可比然不得因非其所屬遇事招搖攪權有礙公事以致監督難專其責

一各口稅務司於各國所派領事官常有交涉事件若領事官非作買賣稅務司與之交好自於公事有益惟當論事辦事之間愈當以凡事均係監督責成不可稍存侵權見好之心致罹咎讎

一各口稅務司人等逐日在關與商民交涉均應設法重稅課順商情查各口章程分兩項一條禁止作弊以重稅課一條將稅務各事曉諭各商以順商情是以各口稅司除嚴行防堵走私偷漏外應每日在關察看所用之人是否盡心辦公隨時體恤各商有無刁難之處且買賣為稅課之本若令人為難不順其情不免與稅有礙應由各該稅務司細心斟酌地方情形多便貿易以期多收稅餉但不可與章程條約相背

一各口稅務司手下之人內有日後可勝司稅之任應由現任稅務司為之表率令其妥悉稅務並應留心學習漢文漢語以期日後可用

一各口派稅務司係專為幫辦稅務起見其稅務外地方各事與之無涉本不應干預惟稅務司與地方官民相處熟悉遇有外國人與地方交涉之事從中調處兩受其益原不在禁止之例然須將所處之事及來往信件均須報知總稅務司若處置乖方以致別生事端總稅務司不能代任其咎亦必將其懲儆

一各口稅務司本口界外概不准管理別口稅務及干預別口地方公事茲將各口稅務司應管界址註明於後以便遵守

自香港至海南其中沿海歸粵海關稅務司稽查 自香港至潮州北之海島名拉碼礁斯歸潮州關稅務司稽查 自拉碼礁斯至泉州府之海灣歸廈門關稅務司稽查 自泉州府海灣至北關海灣歸閩海關稅務司稽查 自北關海灣至乍浦歸浙海關稅務司稽查 自乍浦沿海至黃河老口以及沿江至狼山歸江海關稅務司稽查 自黃河老口至大清河歸東海關稅務司稽查 自大清河至山海關歸天津關稅務司稽查 自山海關至大連灣歸牛莊關稅務司稽查 長江自狼山至江甯歸鎮江關稅務司稽查 自江甯至武穴歸九江關稅務司稽查 自武穴至岳州歸江漢關稅務司稽查 臺灣西北沿海各處歸淡水關稅務司稽查 臺灣西南各處歸臺灣關稅務司稽查

一各口稅務司內有代理人員與署理無異代理署理人員均與實任無異其來往文書均用平移不得自為高下  
一各口稅務司若無總稅務司明文准行不得出駐紮之府界擅離職守如有緊要事件必須親往應一面具文申報總稅務司並先行知會該關監督其關上公事應交妥人接手照料不得有誤其所管沿海各處有隨時稽查之事准其派本關人稽查

一各關所有總辦幫辦杆子手通事頭目四項人等應領薪水不得由該關稅務司增減亦不得任意撤退若內有不受之人即准停薪水不令赴關辦事一面申報總稅務司示遵如此四項人內有自行辭退者亦隨時具報總稅務司以便其另行選派

一通事之外各關所用之中國人以及外國杆子手人等如有不受即由該口稅務司立刻撤退如係書辦應知照監督如係杆子手應報明總稅務司

一各關所用如中國人月領銀在十兩以上外國人月領銀在六十兩以上者不得由該關稅務司自行增添薪水

一各關所用之外國人除杆子手外若非總稅務司派來之人概不准在關上干預公事

一若無總稅務司及本關監督文書不准僱用洋商船隻作為巡船

一若有在關上阻撓公事生端擾害之人如係中國人即請由監督懲辦如係外國人應請監督行文該國領事官查辦若領事不肯秉公辦理即將情由申報總稅務司並請監督及總稅務司申詳總理衙門各口稅司均不得擅自究斷

一各口稅務司每逢結底將結內收支罰三項各款照前式摺報及遇事隨時具報外每於月底須將該口買賣收稅各情形簡明報知均須端楷盡寫漢文報摺不得挖補



一遇有別口發來單照內有錯誤或探聞別口界內有偷漏情弊應行文該口稅務司查照該口稅務司即行查辦並一面知照該關監督

一各口收稅除載在條約者無可更改外其日行詳細章程亦應永遠遵辦如其中實有因時制宜必須隨時更改者務當先期申請酌核不得擅自更改

按所謂日行詳細章程即後列之進出口上下貨稅司簡明章程

一稅務司總辦幫辦打子手頭目俟過五年後准告一年之假領一半薪俸回國休息須先三個月請假以便擇人更換通事每三年准告假三個月領全薪俸均由議定各關稅務司經費項下支給

一各口稅務司總辦幫辦打子手頭目四項若有不妥由總稅務司一人作主撤退或前期三個月諭知起身回國時即不另發銀兩若立時撤退者發給三個月俸銀飭令起身若慮過五年自行因病回國並非因事撤退者給予半年薪俸慮過十年者賞給一年二十年者賞給二年亦均由議定各關稅務司經費項下支給其各關稅務司如有更動總稅務司隨時知照該關監督

一凡稅務司與該口監督來往日行事件除尋常事件毋庸鈔錄外如有緊要之事鈔報總稅務司查核若與地方官有不得已行文者無論是否有關稅務均須鈔錄具報倘有應行申呈總理衙門事件必須開具節略蓋印畫押呈送總稅務司轉呈

一總稅務司所請在各關公事房內辦事之外國人分為六等一稅務司一總辦一頭等幫辦一二等幫辦一三等幫辦一四等幫辦內如有告假回國派以次之人接辦准支本身薪俸一半署缺薪俸一半亦均由議定各關稅務司經費項下支給以上共章程二十七款各口稅務司務須一一遵守如有違背立卽撤退

擬購挖土機船鐵骨新式輪機片 同治十三年十二月 沈葆楨

船工現已續辦臣等查應亟購備者尚有三端一曰大挖土機船一曰船上鐵骨一曰新式輪機船廠江濱年來泥沙日淤雖用挖土機船設法開濬無如地寬器小旋挖旋積倘江流日浚新船下水無由廠地便因而廢聞外國有極大挖土機船計一點鐘可挖土五十方尺當人工一千餘擔之多果得此船刷除積淤廠地乃可無虞此挖土機船之購所以不容緩也船骨必需天然彎木內地無之向運諸暹羅仰光等處聞該處近來此木亦少所以西洋船易鐵骨以濟其窮聞廠前者皆用木骨通來十六號開工木骨大形竭蹶勉強湊集尚不敷一船之用後繼尤難罪亦改鐵骨不為功惟此項工程本廠匠徒未嘗素習不得不取式於外洋此鐵骨之購所以又不容緩也舊式輪機用煤過費外國近又制新式臥機以為兵船取其機器與水面



平可以避礙也。枋新式立機，以為商船取其機器所佔艙位無多，可多裝客貨也。煤較省而機較靈，非各購一副而來。俾匠徒仿造拙巧懸殊，造船之功亦難於精進。此新式輪機之購，所以又不容緩也。惟此三項之費，自定購以及保險包紮護送，合攏計非二三十萬金不可。使惜一時之勞費，後日之遠圖，因小失大，又非良策。臣等再四思維，似難中較合無仰懇。天恩俯准乘此防務已鬆，飭日價格先赴廈門打電線出洋探悉三項實價。然後令其歸國先辦大挖土機船一隻，迅駛來工以保廠地。一面在法國定造鐵船，全副帶匠二人前來。關合並教匠徒，打造約限一年成功而歸。一面往英國定造新式臥機立機各一副，帶匠二三人前來。合攏並教匠徒鑄造，亦約限一年成功而歸。鐵會必取法國者，以閩船皆法匠所造，其尺寸乃符新機。必取英國者，以英船向稱堅緻，其制度無弊也。至議定製鐵甲船，未知底細，下手殊難。亦擬令日價格順途細訪詳悉，開單寄歸，以便他日斟酌舉辦。

核減臺煤出口稅片 光緒元年

沈葆楨

臣等伏思臺灣病於土曠土曠之病，由於人稀。重洋遠隔，必利市三倍而後內地食力之眾不召而來。望田之利微，不若煤礦之利鉅。墾田之利緩，不若煤礦之利速。全臺之利以煤礦為始基，而煤礦之利又以暢銷為出路。南北各省，按日以煤炊爨，入冬以煤禦寒。若出口暢旺，煤價必昂於民間，不無窒礙。臺地則炊爨禦寒均無藉於煤，除出口外，別無銷路。其煤質脆鬆，不敵西洋所產，而與東洋之煤尚相去不遠。然臺煤雖當年來開採，仍不甚旺，其所以不旺之故，則由於滯銷。西洋產煤，金山最夥。從前夾板船隻皆繞金山而來，貨物而外，以煤壓載，煤佳而價平。此固非臺煤所能敵。自埃及紅海開通以後，洋船無須繞道金山。金山之煤遂稀，其價亦日昂。而臺煤仍不暢銷，必將臺煤減稅以廣招徠。以後稅則雖減，而總計稅入仍不懸殊於民生。計富有起色。至船局所用臺煤，向係免稅，不在定則之內。今擬請將出口煤每噸減為稅銀一錢如蒙天恩允准，伏懇飭下總理衙門，飭行總稅務司，明言臺煤無關民間日用，為洋船所必需，是以減稅惠商。南北洋各口均不得援以為例。謹附片覆陳。

籌議出關餉需擬難借用洋款疏

兩江總督沈葆楨

竊臣等奉准軍機大臣字寄，光緒二年正月初七日奉 上諭：左宗棠因出關餉需緊迫，擬借洋款一十萬兩，事非得已。若不准如所請，誠恐該大臣無所措手。於西陲大局殊有關係。著沈葆楨即照左宗棠所奏，妥速籌議，奏明辦理。等因。欽此。仰見朝廷軫念西陲，救民水火之至意。查左宗棠原奏，派陳餉源枯竭，萬不得已而議借洋款。在該督臣愛心焦思，獨以危局撫士

卒於饑波創病之餘善餽進於雲海冰天之界仔肩艱鉅冠絕一時臣等忝任封圻誰均休戚如果於事有濟曷敢稍存推諉况上洋為洋商精華會萃之地關道所屬多洞悉洋情之員以利招之一呼百諾江南自兵燹後宜修舉廢墜刻不容緩者殊多特以度支置於轉輸則致遲延歲月關隴暫有巨款支拄協濟稍鬆江南交是時為自顧之謀計亦誠便而臣等夙夜不寐反覆再四竊思此舉有病於國關係甚大即西陲軍事稍紓目前之急更貽日後之憂不敢不將實在情形為 皇太后皇上縷晰陳之伏惟國債之說徧行於西洋而西洋各國受利受病相去懸絕則以舉債之故不同而所舉之債亦不同也夫開礦造路控河巨費也而西洋各國不惜稱貸以應之者蓋刻期集事謀稅出馬本息之外尚有奇贏所謂以輕利博重利故英美等國有國債而不失為富強若以國用難支姑為騰挪之計後此息無所出且將借本銀以還息銀歲額所入盡行漏厄目下如西班牙土耳其皆將以債傾國日本亦駭駭予蹈其覆轍矣此舉債之故之不同也英美舉債於本國之商國雖病而富藏於民有急尚可同患若西班牙等國輸息於鄰封一去不能復返此所舉之債之不同也昔歲臺灣之役本省羅掘一空外省無絲毫可以協濟急何能擇出此下策然以新疆較之局面之廣狹事體之難易相懸更覺霄壤臺地東西二三百里南北千有餘里日本貿貿然深入絕地雖有必死之志而無可久之資堅與相持情見勢屈倘照原議借款六百萬則善役之事以次備臺煤礦茶山所出漸足餽軍一借斷無須再借嗣因借過二百萬倭事業已定局部議飭令停止臣稜楨即不敢再申前議新疆廣袤數萬里戈壁參半回部本其土著根深蒂固既無盡剿之理又無乞撫之情似非一二年間所能就緒即使事機至順逆回弭首諸城盡復與俄為鄰互市設防正重煩 朝廷摩畫而非放牛歸馬之時也洋人肯以巨款借我者恃有海關坐扣如取如攜也洋人取之海關海關仍待濟於各省向日各省僅善協餉已催解不前今令兼善協餉之息能如期以應乎協餉愆期而海關病海關無可彌補不得不虧解部之款而部庫病雖日取各省督撫藩司而効之餉項祇有此數此盈則彼絀朝則取暮濶坐待嚴謹而無可如何前屆左宗棠借洋款三百萬計息蓋七十萬若以此七十萬供西征之餉未必不少有裨補今以一千萬照臺灣成按八釐起息十年清還計之耗息約近六百萬不幾虛擲一年之餉乎若照數乘除則西征僅得四百餘萬實餉耳前屆之三百萬至光緒四年始清而續借之一千萬今年即須起息明年即須還本海關應接不暇而西陲之士飽馬騰不及兩年濶可立待進兵愈遠轉運愈艱需餉亦愈鉅將半途而廢乎勢必不可將責各省於還債之外另籌解濟乎勢又不能將再借洋款乎海關更無坐扣之資呼亦不應徒令中興元老困於絕域事豈及焉者此臣等所以反覆再四而不敢為孤注之一擲者也夫以出關之急左宗棠善借洋款本有成按不遽奉旨徑向洋人定議而謀之於 臣稜楨

諭旨又飭臣葆楨受連籌議奏明辦理則萬難盡善之處已在 聖明洞鑒二三老成獨照數計之中如臣等博不分畛域之名罔顧事後之無可收束於心竊有所未安然謂西征可停則臣等又斷斷以為不可何者我退則敵進關隴且因而不靖徒棄 祖宗辛苦艱難締造之地而列戍防秋勞費亦復相等顧臣等竊以為左宗棠此行不當致霍去病之掃穴草庭而當師赴充國之養成負重將帥無赫赫之功 國家受萬全之福誠能扼其衝要擊聲清野開水利廣屯田考畜牧關外多一分之產關內即省一分之運反客為主脅從者稽首歸命渠魁則亦束手就縛較之糜血肉於堅城之下求萬有一然之勝其得失可同日語即夫甘餉之鉅困於餽運耳餽運者則一年之餉可支兩年目前不能不飭各省勉力籌濟臣請 朝廷發贖代之 德音以內庫為之倡 皇太后 皇上躬行節儉度越尋常豈復有不急之需可以議裁議減者然其數不在多但得

明詔數言足以激將士敵愾之心而生疆吏同仇之感左宗棠原奏深言甘餉為海防所佔惟江浙兩省尚能力顧大局查海防專款奉撥聯將經年 葆楨恐分之則為數愈微咨請各省儘解北洋冀可藉資集事而去歲所報解者亦僅江西十萬浙江十萬他省涓滴俱無可見各省非有所偏倚於其間限於力耳此時各省未必尚有留存巨款以待添撥各省原撥陝甘甘之款有解不及半者雖添撥亦徒擁虛名應懇 敕下部臣孰權緩急將有著之款移稍緩者於最急之區庶幾各省關可以勉強從事如江蘇協甘之款內有每月一萬歸陝西撫臣收放竊計陝西肅清多年本省防軍不難自籌一萬此款似應歸之西征江西派協雲貴之兵餉勇餉為數頗鉅夫雲貴未嘗不急然較之西征則緩矣凡類此者似宜由部臣通盤比較酌量均撥至遣使之舉已有成議然數道並出則所費不貲應請降已奉 諭旨者准行外其餘且作緩圖俾部庫得以周轉軍興以來各路軍營亦殊難得滿餉如果即撥之款能解至八成以上以左宗棠之恩義捐輸之大局必不至決裂臣等總總慮何當機宜竊欲以責難之忱上籲 君父而以共濟之念求諒大臣降將兩江協甘餉項彙核數目另行附片陳奏外所有遵 旨籌議出關餉需礙難借用洋款緣由恭摺由驛五百里馳陳

開平煤出口稅擬請援按減定片 光緒七年

北洋大臣李鴻章

據候選道唐廷樞稟稱開辦礦局以來購備機器延訂洋匠工司及買地築路挑河經費成本既重煤價亦因之而昂若再加現定之稅額其勢必不能暢銷而關稅亦鮮有實獲與其稅重而少所收不若減輕而多所納以煤斤而論洋煤每噸稅銀五分土煤每担稅銀四分合之一噸實有六錢七分二釐若加復進口半稅已合每噸銀一兩有奇盈絀懸殊前兩江總督臣沈葆楨於臺灣基隆開煤時奏准土煤每噸徵稅一錢較洋煤業已加重嗣湖北用機器開採亦奉 諭旨准照臺灣稅則在案

從前嚴定土煤稅意或恐煤稅減輕則土煤出口日多內地煤價必長故特重其稅以示限制惟是土法採煤只能售於近地若從陸路車運出口脚價太重斷不合算况其所採浮面之煤實不足供船輪製造等用如直隸山西等處煤產專濟京城內外之需並無轉運來津者是其明證似多運出口一節本可無慮今開平煤礦全用西法每日出至五六百噸之多據洋礦師測量足供六十年採取除運往要口分供各局及中外輪船之用並可兼顧內地民間日用刻下運道疏通脚價既省若再將稅則減輕煤之售價必廉可以暢銷無滯而運售於各局者不致再用洋商昂貴之煤具有裨於公款不少等情前來臣復飭津海關查明歷年洋煤土煤進口數目開具清摺自同治十年起至光緒六年止洋煤進口計八萬一千五百餘噸土煤進口僅五千五百餘噸而出口土煤則天津向所未有蓋由稅則厚薄不一土煤壅滯難銷若不變通設法更定章程殊非通籌理財之大計合無仰懇 天恩俯准開平出口煤斤仍援照臺灣湖北之例每担徵稅銀一錢以恤華商而敵洋煤庶風氣日開利源日旺而關稅亦必有起色矣

請開兩廣鐵禁疏 光緒十三年

兩廣總督張之洞

竊據兩廣鹽運使王毓藻會同廣東布政使高崇基詳稱各省鐵斤鐵器定例不准下海所以預防移濬洋盜也海禁既開今昔情形迥異每歲外洋鋼鐵入口不下數千萬斤所售槍砲器具不下數百萬件銷銀不止數百萬兩有來無往理殊不平近年來各省講求礦務率以煤鐵為大宗粵鐵尤屬精良而銷路不廣即欲行銷沿海各口陸運脚費既煩海運又冒法網徒使洋鐵到處通流大利盡為所奪廣東現在礦政局鼓舞商民應請將兩廣鐵斤鐵器免禁出洋至出口之處一體照例完納稅釐詳請具奏前來臣查粵鐵出產素饒行銷不廣聽其頓滯一區不惟洋鐵偷行漏卮難塞即粵鐵盈積私販亦難盡絕徒令礦法多一窒礙工商少一營生伏查光緒九年十二月臣在山西巡撫任內會同北洋大臣李鴻章奏請將山西鐵斤准由天津出口轉運各處奉 旨着照所請欽此現在晉鐵由津出海轉運奉天省久已欽遵辦理廣東廣西事同一律且廣東現在開辦礦政該司道等所請援按免禁出洋條為利民通商起見相應據情奏懇 天恩俯准兩廣鐵斤鐵器海運出洋銷售以興礦務而惠商民

中英煙臺會議條款第三端之一及三端之三三端之七

通商約章類纂

一所有現在通商各口岸按前定各條約有不應抽收洋貨釐金之界茲由威大臣請議本國准以各口租界作為免收洋貨釐金之處俾免漫無限制隨由中國議准在於湖北宜昌安徽蕪湖浙江温州廣東北海四處添開通商口岸作為領事官駐

禁處所又四川重慶府可由英國派員駐寓查看川省英商事宜輪船未抵重慶以前英國商民不得在彼居住開設行棧俟輪船能上駛後再行議辦至沿江安徽之大通安慶江西之湖口湖廣之武穴陸溪口沙市等處均係內地處所並非通商口岸按長江統共章程應不准洋商私自起下貨物今議通融辦法輪船准暫泊停上下客商貨物皆用民船起卸仍照內地定章辦理除洋貨半稅單照章查驗免釐其有報單之土貨口准上船不准卸賣外其餘應完稅釐由地方官自行一律妥辦外國商民不准在該處居住開設行棧

一洋約一宗威大臣議請本國准為另定辦法與他項洋貨有別令英商於販運洋藥入口時由新關派人稽查封存棧房或蓋船俟售賣時洋商照則完稅並令買客一並在新關輸納釐稅以免偷漏其應抽釐稅若干由各督察勘情形酌辦

一以上議准添開通商各口岸及沿江六處准起卸貨物一節應由李大臣奏奉 旨准於半年期限開辦各口租界免洋貨釐金及洋藥在新關併納釐稅兩節俟英國會商各國再行定期開辦

照會法公使恭思當商務專款十條  
光緒十三年  
總署王大臣

### 第一條

除今約所改之款外光緒十二年三月二十二日在天津所定之和約換約後仍即逐款切實施行

### 第二條

按照光緒十二年三月二十二日所定和約第一款兩國指定通商處所廣西則開龍州雲南則開蒙自緣因蠻耗係保勝至蒙自水道必由之處所以中國允開該處通商與龍州蒙自無異又允法國任派在蒙自法國領事官屬下一員在蠻耗駐紮

### 第三條

現因中國北圻來往商務必須設法作速振興所有光緒十二年二月二十二日和約第六七款內所訂稅則今暫行改定凡由北圻入中國滇海通商處所之洋貨即按照中國通商海關稅則減十分之三收納正稅其出口至北圻之中國土貨即按照中國通商海關稅則減十分之四收納正稅

### 第四條

中國土貨按照光緒十二年三月二十二日和約第十一款第一節完納進口稅後過北圻到越南海口者除中國之外如係前往他國者則出口之時應照法越稅則納出口之稅

第五條

中國允准中國土藥由陸路北界出口入北圻此土藥應完納出口正稅銀二十兩一担確一法國人及法國保護之人只能在龍州蒙自營耗三處可以購買此項土藥中國商人所應納內地釐金等費亦不過二十兩一擔之數中國商人由內地運土藥者將此土藥交與所買之人即與收釐憑單而所買土藥之人完納出口稅時將憑單到關呈驗繳消再此項土藥不許由陸路邊界通海口再入中國作為復進口之貨物

第六條

除兵船及運載兵丁軍械之船外所有法國船隻從諒山至高平復由高平至諒山經過龍州至高平並高平至龍州之河此河一名松亭一名高平河此次船隻每次路過即每噸納鈔銀五分惟船內所載貨物一概免稅運入中國貨物可運此二河其貨物并可由旱路諒山至龍州之官道俟中國在邊界設關之時此項經過陸路之貨物在龍州必須完稅後方准銷售

第七條

日後若中國因中國南境西南境之事與最優待之友國立定通商交涉之和約條款章程等項無論何等益處及所有通商利益施於該友國此等約一施行則法國無庸再議無不一體遵辦

第八條

右各條經會同商定後 大清國 欽派王大臣及大法官民主國欽派大臣將此約條款原文譯出漢字畫押用印二分

第九條

此次續約並光緒十二年三月二十二日通商和約經兩國 欽差王大臣互換後此續約與該通商和約一體施行

第十條

此約現由 大清國 大皇帝批准及大法國大伯爵璽天德批准後即在中國京城互換

覆陳維持招商局事宜疏 光緒十二年

北洋通商大臣大學士李鴻章等奏遵議招商局事宜以保中國權利一摺光緒十二年正月二十四日軍機大臣奉 旨戶部知道欽此由軍機處抄交到部據原奏內稱欽奉光緒十一年九月十二日 寄諭順天府代遞道員葉廷眷條陳扶持招商局一條等因欽此竊謂輪船招商局之設原因各口通商以來中國江海之利盡為外國商輪侵佔故設法招集華股特創此



局以與洋商爭衡惟船核碼頭成本甚重分攬客貨所得水脚無多洋商屢次跌價傾擠上年又遭法兵之擾海船難行遂致局本層折不得不暫借洋債以應急需當此局勢岌岌之際必須官為維持乃可日就起色葉廷眷所陳各節裝運鄂鹽展緩運漕期限兩條不無窒礙應毋庸議其運漕局船同空照沙船免稅一條查運漕沙船同空凡在北洋三口裝載豆貨雜糧等項向准全免出口稅嗣後商局輪船運漕同空請免北洋三口出口稅一成如原來裝米一千石同空時免出口貨稅二百石較沙船少免八成以示區別以湖北帽合茶一條向由鄂豫內地運赴張家口蒙古地方粗枝大葉價值甚輕嗣後華商由鄂附搭商局輪船出口請照磚茶之例每百斤減為出口稅銀六錢並免復出口半稅其由津北運張家口外仍照完沿途內地稅釐以上兩條應請自本年開辦起另將執照保單及稽核章程核定分飭遵照惟總計所沾利益每年不過核銀二萬兩左右局累既深實不足以資補救查該局奏定章程原藉運漕水脚以補攬載客貨之不足每石實銀五錢六分零上年美商英商承運漕糧減為三錢五分實則支用不敷現在沙船運漕水脚石應支銀四銀三分一釐零所有本屆商局輪船運漕應請照沙船現領之款支給不再區分扣減亦不扣海運局公費以資津貼又該局原存官本及光緒二年買併旗昌船棧案內奏撥官本未還銀一百七十八萬餘兩由運漕水脚項下分年扣還並湖北軍需扣款尚應還銀七十七萬餘兩應請暫緩撥還免扣水脚各項以示體恤俟商局洋債歸結後即責令籌繳官本不准短少該局商困藉可少紓至該局自去秋向旗昌收回後遠派道員盛宣懷等認真整頓經理嚴定章程力除弊習語臣等伏查輪船招商局之設創始於同治十一年當時如何招商集股有無借撥官款部中無案可稽光緒二年前兩江總督沈葆楨奏美國旗昌公司歸併招商局請撥浙江等省官款通力合作是為招商局報部之初案此後行之十年官本之盈虧商情之衰旺該局從未報部部中均無從查悉惟據沈葆楨原議奏稱不可失者時也有可憑者理也論時則人謀務盡適赴借定主之機論理則天道好還足真轉弱為強之始等語是招商局一舉實通商以來之要務今據李鴻章等奏稱當此局勢岌岌之際必須官為維持乃可日有起色自係實在之情形查原奏同空免稅一條臣部查歷屆海運章程內開沙船領運官糧至津交清後向南販運北地貨物並准循照奏案全行免稅如往天津牛莊奉天山東各口販運仍由津局查明承運米石全清後方准填給免稅印照持赴各關呈驗放行倘有交米不清之船一概不准給照如在各口帶有洋藥應令查照新章完稅等因今該督請嗣後商局輪船運漕同空請免北洋三口出口稅一成原來裝米一千石同空時免出口貨稅二百石係按照沙船成按辦理仍較沙船少免八成應議准行該船如帶有洋藥仍應照章納稅字樣以防包私偷漏又原奏湖北帽合茶一條臣部查俄國條約內載磚茶每百斤收



正稅銀六錢半稅銀三錢等因今該督請嗣後如華商附搭商局輪船運帽合茶出口請照磚茶之例每百斤減為出口正稅六錢並免復進口半稅係為商船多得水脚起見且稱減稅甚微亦應准行惟帽合茶一項原運張家口各處每百斤收正稅若干半稅若干部中無按可稽應由該大臣轉飭查明報部又原奏漕運水脚一條臣部查本年二月間兩江總督曾國荃等奏蘇省海運章程內開上屆加給沙輪船隻修脩每石一錢五分上年經戶部奏准沙船減去一錢每石准給五分輪船永遠停給今屆自應遵辦又沙船每石應支正項水脚四錢之內扣發三分輪船招商局業已收回仍歸華商經理似與洋商有間是否循照向來華輪之數支給抑照上年暫准洋輪數目核給請 敕部核復遵辦等因經臣部議復本屆招商局承運江浙漕糧除每石修脩一錢五分照按永遠停給其應領水脚神福等項准其循照向來招商局華輪之數支給以示體恤其應扣回一分及三分等銀照章提扣行知直隸兩江總督查照在案查向來華輪之數較之上屆運外國輪船水脚每石多支銀三分零也足以示體恤應令仍照臣部前議辦理湖南湖北採辦漕米如由該局承運亦即援照江浙現支之數支給以昭畫一俟該局官本清還運脚應否議減再由臣部酌核辦理又原奏官本暫緩撥還一條臣部查光緒二年兩江總督沈葆楨所奏歸併旗昌輪船請撥官本銀一百萬兩內江藩司十萬兩江安糧道二十萬兩江海關道二十萬兩浙江省二十萬兩江西省二十萬兩湖北省十萬兩光緒三年直隸總督李鴻章咨撥濟招商局生息銀十萬兩內天津道五萬兩津海關五萬兩此招商局官款之報部有按者也光緒六年三月李鴻章奏各省撥存該局官款自光緒六年起勻作五年撥還由承運漕糧水脚按年抵扣六年六月又據李鴻章奏定購美國鐵甲船一隻提用招商局二屆漕脚還款一百萬兩此招商局撥還官款之報部有按者也復查二年沈葆楨摺內有本年北洋又酌撥官帑以濟之語六年三月李鴻章摺內有存官本原平銀一百九十萬八千兩除撥還東海關十二萬六千五百兩尚存一百七十八萬一千五百兩之語是招商局官本不止部中有按之一百一十萬兩按還官本亦不止部中有按之一百萬兩又查光緒三年南北洋大臣李鴻章等會奏整頓招商局摺內稱歷年撥存該局官帑一百九十萬八千兩均與緩息三年俟光緒六年起緩息按本均分五期每年繳還一期無論如何為難不得再求展緩統計八年官本全清其緩收息款以後或作官股或陸續常繳屆期察看情形再議等因令據該督奏稱該局官本計歷年扣還並湖北軍需扣款業已過半外尚應還銀七十七萬餘兩等語前後奏摺頗有參差且歷年所緩息銀作何結算亦未聲敘臣部職司度支既為官帑攸關即無論正款閒款均應詳細稽核以慎出入相應請 旨飭下北洋大臣李鴻章南洋大臣曾國荃將招商局撥借官款某年由某省某項動撥若干某年於某棧內撥還抵還某省銀若干現在 未還條欠某

省銀若干併查明前後八年所緩息銀若干共計曾否陸續繳還抑係作為官股生息應於某年起息每年息銀若干詳細開單奏報以備考核至所請應還官本七十七萬餘兩俟洋債歸結後分年籌繳未免漫無限制所有招商局未還官本除本年免與拔還應自光緒十三年起分作五年清繳每年只責令繳還十餘萬兩商力亦不至竭蹶所繳銀兩即令提解部庫以備餉需抑臣等更有請者三代之治法貴本而抑末重農而賤商從古商務未嘗議於朝廷海上互市以來論者乃競言商政編謂商者逐什一之利以厚居積權子母為事者也厚居積必月計之有餘權子母必求倍入之息若計成本則日虧問子母則無着甚且稱貧乞假以補不足猶號於眾曰此吾致富之術也有是理乎嘗見富商大賈必擇忠信之人以主會計其入有經其出有節守餘三餘一之法核實厚積乃能久遠若主計不得人生之者寡食之者眾取之無度用之無節不旋踵而終棄用人理財之道與致通矣前者李鴻章沈葆楨創立此局謀深慮遠實為經國宏謨固為收江海之利以與洋商爭衡轉貧為富轉弱為強之機盡在此舉惟洋人之通商中國斷不為折閱而來乃招商局十餘年來不特本息不增而官款洋債欠負疊疊豈謀之不臧哉臣等稽之按牘證之人言知所謂利權上不在國下不在商盡歸於中飽之員紳如唐廷樞未其昂之被參於前徐潤張鴻祿之敗露於後皆其明證主計之不得其人出入之經不能講求樽節又安得以局本虧折諉之於海上用兵耶臣等公同商酌該局既撥有官款又津貼以漕運水脚減免其稅其歲入歲出之款即應官為稽察擬請 旨飭下南北洋大臣欽遵光緒十一年八月十七日 諭旨澈底清查認真經理並將該局現存行海輪船幾隻行江輪船幾隻碼頭幾處船隻名號碼頭處所及總局分局委員商董銜名詳造細冊送部備考其每年承運官漕民貨所得運腳若干開支員董薪水輪船經費若干自本年每屆年終核造四柱清冊報部存核該局總辦由該大臣會商遴派嗣後派辦之員再有如徐潤張鴻祿之虧欠局款其原保及失察之大臣即應請 旨交部議處以昭慎重

派員查明南洋商務情形擬設領事並籌計一切經費疏光緒十三年附片

張之洞

竊臣於光緒十二年二月二十五日遵 旨會同出使大臣張蔭桓具奏籌議外洋各埠捐船護商情形當經奏派總兵銜兩江儘先副將王榮和鹽運使銜候選知府余瑞先赴南洋有名諸島詳慎周歷飭將設官造船兩事一併密加商度以憑籌定切實辦法等因奉 旨該衙門知道欽此當經總理衙門電致英荷日使臣稟報頗為詳悉本年七月各回粵東臣復面加考詢大抵設立領事一節事甚切 勢亦可行謹據其大要為我 皇太后 皇上陳之查該委員等所慮南洋計二十餘埠先至小呂宋為日斯巴尼亞國屬次新加坡次麻六甲次檳榔嶼次仰江皆英國屬次日裏次日裏各附單次加拉巴各附單

次加拉巴次三寶瓏次三寶瓏各附單次泗里末皆荷蘭屬次新金山之鉢打穩次雪梨次美利濱次亞都律省各埠附次  
司倫次麥司倫各附單皆英國屬及其抵小呂宋也華民分訴日人虐害情形懇請派官保護自籌經費緣該處華民五萬餘  
人貿易最盛受害亦最深該委員等詳查被害各按或狹鎖故殺或圍搶故燒甚至官兵徇私巡差訛詐暴橫征顯違條約  
當經擇要照會日官查辦時值土人聯名擬逐內地華工該委員等到呂其議遂擬核情形非設總領事不可具分設正副  
各領事既駐劄處所由總領事因地制宜擇員稟委以期多洽其抵新加坡也與原設領事左秉隆往見坡督各官禮意尚洽  
該處華民十五萬人富甲各處除衙舍公廨外所有營業華人居其八洋人僅得其二每年往來華工又最多茲設華民政務  
司專理其事立法高稱允惟不向中國領事衙門報名情意既不聯絡而目擊招工客館作奸欺瞞無從禁止亦失保護之  
旨似應並由中國領事官稽查以重事權而免流弊至麻六甲檳榔嶼兩處與新加坡相連華商居多生意繁盛又附屬石郎  
阿國之吉隆埠卑力國之鑄埠均尚知保護華土華人開採錫礦者十餘萬富至百萬者數人服飾禮儀一如故鄉無所改換  
檳榔嶼一埠人才聰敏有為諸埠之冠宜添設副領事一員與駐坡領事相助為理益可以收後效其抵緬甸之仰江也該處  
華人三萬餘眾設有寧陽會館及各公司該員備加訪察出產以米石為大宗寶石牛皮等物次之自英據其地收餉設成密  
通騰越為中國隱患此處宜設副領事聯絡商情必於邊事有益其抵日裏也該處為原奏所未及華工亦萬餘眾來自汕頭  
等處先由客頭帶至新加坡檳榔嶼經英官查過自願傭工者訂立華文合同往日稟為傭所業種煙禁煙勤奮者年中可餘  
番銀百餘元否則不足餬口工頭以賄傾其資繼以稱貸第一二年復須留工則返鄉無日查荷官洋文章程內載工人有過准  
園主送官訊辦不得私自鞭撻做工不得過三年之期限滿後無論有無虧欠園主皆應給予川資不得再留等語而園主陽  
奉陰違於華文合同內並不敘明任意虐待該委員等告知荷官始尤為設法整頓此處宜設副領事以資保護其抵加拉  
巴也該處華民七萬餘眾荷人捐稅繁多賭風尤熾甚至迫令入彼國籍其附近之波哥內埠文丁內埠皆有華人聚處又有  
三寶瓏與疏羅及麥里芬及泗里末及惹加等處皆荷蘭屬地華人二十餘萬眾荷官橫肆暴虐該委員等接見華商備言  
其苦中國如善保護小呂宋而外當以加拉巴為先該處宜設總領事兼三寶瓏等處事務於荷屬各埠華人加以恩義數十  
萬之眾皆可內附其分設副領事一切與小呂宋同其抵新金山之鉢打穩埠也華工三千餘眾雪利附近華人萬餘眾美利  
濱埠旺加拉埠打必活埠以拉辣埠紐加士埠市丹塔埠均屬新金山以外埠惟庇釐市檳埠係麥司倫之省城又有湯市  
噠路埠波得忌利士埠及谷當埠每處華人自數百至千餘不等該委員皆勤加撫慰查新金山印英屬澳士地利為五大洲

之一地方遼瀾物產繁富多五金礦產華人至者頗多茲欲阻之特立收人稅之法每人納金英十磅方准登岸間有收至三十磅者似可援照美國總領事章程在雪利大埠派設總領事一員總理雪利及美利濱亞都律表司倫各埠並紐討蘭島華人商務則華工得所此倚謀生益覺有資其各埠副領事可即令商人兼辦無須發給薪幣此該委員等先後稟報籌辦及回粵後面加詢考之大略情形也臣查委員王榮和等于役南洋海程五萬餘里各埠商民觀漢官之威儀仰 堯天之覆幬莫不歡呼迎謁感頌 皇仁其懇求保護之情極為迫切查出洋華民數百餘萬中國生齒日繁藉此消納不少近年各國漸知妒忌苛虐驅迫接踵效尤若海上不安其居即歸內地沿海驟增此無數游民何以處之故保護之舉實所以弭近憂而非以勤遠略也儻蒙 朝廷設立領事加以撫循則人心自然固結為南洋無形之保障所益匪淺該委員等所到之處各該國洋官款接照料禮意甚優英屬尤為周至商及保護等事亦俱和平承允其議設領事一節英屬最為欣力勸速辦俾知約束荷日限於公法亦皆無辭相拒查小呂宋拒中國最近華民望切切懇必須先設總領事駐劄其地以收遠近之心以伸華商之氣經臣電商張蔭桓擬派兵街兩江儘先補用副將王榮和為駐劄小呂宋總領事緣該處閩人最多王榮和籍隸福建穩練精詳究心洋務素為閩人所信服此次出差南洋親歷小呂宋各埠熟習情形深得覈要以之充當總領事人地實屬相宜應由該大臣先向日國商定發給憑照事宜再行奏明辦理隨准該大臣咨稱業經照會外部概允照辦而藩部以土人騎斃為詞法設官之後喧賓奪主礙其溢征是以至今延宕臣查各國通例凡立約通使之後即可派領事駐劄其地保護商人古巴等處中國早經設官小呂宋同為日屬何獨不應請 旨飭下總理衙門與日使會商催令該國速發憑照不容推宕一面由臣咨會張蔭桓催促外部速辦此外商務較繁之埠應如何添設正副領事應俟小呂宋辦有規模再行推廣至英荷各屬或苛待華工或暴征身稅亦應次第設官申理容待般鳥各島一律訪查之後由臣分別咨商駐英荷法使臣酌度奏明辦理所有總領事繙譯隨員等官新俸前經奏請明由 中朝籌給本年六月十二日承准總理衙門咨開此次小呂宋設新領事新俸經費應由何項撥給應給若干由臣妥籌辦法等因臣體察所稟情形各該島其願自籌力亦能辦將來小呂宋總領事派定後應在出使經費項下將第一年經費先行核給較為得體並照總理衙門奏復新加坡成按飭令該領事將歲收冊照各費報明抵還第二年後便可不費公帑餘者作為造船公款稟俟撥用其總領事等署中一切辦公雜用應准於所收冊照等費內動支開報毋庸另請公款一年後重報核定數目且設領事之處就其餘款酌撥若干量設書院一所亦先從小呂宋辦起由臣捐資倡助並購置經書發給存儲令各該領事紳董選擇流寓儒士以為之師隨時為華人子弟謹授使其習

聞聖人之教 中國禮義彝倫之正則聰明志氣之用得以擴充而愈開水源木本之思益將深固而不解從此輟轉傳播凡有血氣未必無觀感之思查各埠入款以每年注冊及進出口船牌之費最為名正言順誠使事機順利不致別有阻礙屈計該處此兩項所入不少除抵支領事公費外尚可逐漸積存一款以備購致護商兵船之用一切收檢章程應俟設官之後再行飭令核擬如所收冊照船牌等費不敷開銷擬懇 恩准由粵省勸諭各該埠商量力指資獎以虛銜 封典翎枝專充領事經費永不提用各埠旺淡不等挹彼注茲必可敷用所有查過南洋各埠華民商務情形並請催設小呂宋總領事暨籌計經費各緣由除將該委員原稟分咨總理衙門暨北洋大臣外理合恭摺具奏

再上年奏派總兵銜副將王榮和鹽運使銜知府余瑞周歷南洋有名諸島往返程期約須八閱月所有月薪公費每月統共需銀一千三百八十兩請由粵海關歲撥出使經費項下就近劃給均經奏明在按現據該委員等稟稱自上年七月起程至本年七月初四日由新金山折回粵省止已逾期四月有餘所至各埠如日裏柔佛庇釐市濱亞都律大金山叭拉辣旺加拉打必活谷當等九處皆原按未及備載而華民眾多商務緊要不得不順道一往以致往返稽時未能如期歲事先經稟准展期六個月綜核支用不敷已多重洋未克隨時請領當由新金山折回現擬續請經費再往般烏西貢海防暹羅各處查看等情臣查王榮和等祇以遠隔重洋跋涉不辭勞瘁所查各埠情形甚為詳細般烏一島地方廣濶距中華洋面不遠至暹羅西貢海防等處南洋近地華民極多尤應體訪明確自應將前案未歷各埠仍由該委員等一律訪查以竟全局當經咨會粵海關監督官臣長有在於出使經費項下續撥六個月經費銀八千二百八十兩發給該委員等收領以便進行理合附片陳明

洋關征收稅鈔分項總數表

補錄通商列表

楊楷

國家財賦出入之數歲有常經自設關通商以後華洋稅額驟增一千數百餘萬迨至今日凡京餉協餉出使外國南北洋海防經費及稅關洋人辛俸一切支銷之款靡不取給於是自同治壬申平回之役及前歲中法之戰先後貸洋人銀二千餘萬皆從各關按年加息分還於是關稅不支日以告疲邇者 朝廷整練海軍首善鉅餉當事始議加捐洋藥適英以法取越南恐法獨擅西南通商之利也急謀從事緬甸以通海道又以俄進兵阿富汗並有窺伺印度之意也欲結中國之援俾國無東顧之憂而得以全力抗俄於是持允中國加抽洋藥釐金復益知所抽之數仍加於中國吸食之人而其利不因而稍減且可以示德於中國計洋藥每箱稅釐並征銀一百十兩核與並常稅值百抽二十之數相等然洋藥有害民生法所當禁專恃此為餉源名既不順况從違之權操之洋人則情更難恃此蓋一時權宜之計而未可為根本之圖者也按西洋各國稅額大率



值百取二十取四十為多有多至值百取百者更有兩國有釐故重釐稅至值百取二百者皆視其事之損益以時定稅之重  
 輕所以自護其權利於條約本無關也中國以值百抽五定稅則載在條約然並無不准加稅之文是在人為之何如耳中國  
 稅額若照英值百抽二十之數歲可溢銀三千餘萬如洋藥等項雖值百抽百亦可即永遠禁止亦無不可此事當今未可遽  
 行富俟歐洲有釐而為之變通於條約之中而與公法絕不相背固非拘守約章者所能知也若夫滇桂陸路通商事係創始  
 稅則一切為條約所未載與海關事體迥別滇省礦產之富甲於天下若英法於緬甸越南各開鐵路以達於滇滇中百貨將  
 盡趨於彼而內地由川入江之路益閉不通彼且居我之貨由海道運入各關貿易重利此中國之大患也為吾計者必令彼  
 由海運入之貨與吾內地由江運出之貨成本多寡相等庶可保全權利而使滇省永受通商之益前歲中法立約第六條有  
 減輕稅則之文此事既誤於前矣當籌補救之法查中西稅額輕重攸殊今若於議約時申明兩國立一公平出入稅則務使  
 輕重相同以昭平允如得不肯減輕其稅則必無辭以拒我之加稅而前約不廢而自廢矣稅則大致仍照西例值百抽二十  
 為斷而時輕重之西人視我之辦事合彼西法雖始必迎距而實未有不服者在立約之始堅忍持之而已萬一事勢尚有  
 難行或議停內地半稅單而於邊關第一子口重抽釐金抵彼稅額必相當乃止是亦救時之中策乎英取緬甸法取越南暹  
 羅介兩大之間國勢日衰若英更取暹羅則自印度以東由緬甸暹羅屬於新加坡利蓋南海根底磐石日益強大亦法之所  
 深忌也中國宜於英法立約公同保護暹羅仍不准妨其自主之權割緬甸怒江以東之地開中國邊界與暹相接英既滅緬  
 甸喜於通商之利驟無大志或可就我範圍更仿朝鮮之例與暹羅立約通商厚結其意暹羅怯英法之偏必親睦於我如吾  
 海軍既治舟師入七洲洋借暹羅為東道主足以張示中國形勢亦善利國之一道也

正稅	進口	正稅	出口	稅	後進	船鈔	內地	半稅	共計
				口半					

光緒元年

三百九十萬四千三百九十九兩

六百九十三萬一千九百八十四兩

六十四萬五千九百六十一兩

二十三萬六千九百九十四兩

二十四萬九千三百一十一兩

一千一百九十八萬九千一百九十九兩

二年

四百六十三萬五千八百一十二兩

六百九十九萬五千五百九十九兩

六十一萬四千三百一十兩

二十三萬四千三百四十四兩

二十四萬八千二百六十六兩

一千二百五十九萬二千一百一十一兩

三年

四百七十七萬五千七百五十九兩

六百八十四萬三千七百六十三兩

五十七萬二千二百一十一兩

二十二萬四千三百四十四兩

二十五萬九千八百五十九兩

一千二百七十八萬七千七百八十九兩

四年

四百八十八萬九千九百一十九兩

七百七十九萬六千三百一十九兩

六十五萬三千五百九十九兩

二十六萬三千一百一十九兩

二十七萬三千一百一十九兩

一千二百八十八萬九千九百一十九兩



八 年	七 年	六 年	五 年
四百六十八萬 四千七兩	五百二十萬 一兩	四百六十一萬 七千七百七十兩	四百八十四萬 二千五百四十兩
八百六十八萬 四千三百十五兩	八百三十二萬 九千六百八十兩	八百二十六萬 八千六百八十兩	七百三十八萬 五千七十兩
七十四萬 八兩	七十三萬 一兩	七十八萬 一千一百九十六兩	七十一萬 四千四百七十兩
二十七萬 九千七百九十兩	二十三萬 五千五百七十四兩	二十四萬 九千五百一十一兩	二十四萬 七千八百三十三兩
三十一萬 三千三百五十三兩	三十四萬 九千八百八十兩	二十三萬 六千三百一十一兩	三十萬 二千七百九十六兩
一千四百 八萬五千七百二十兩	一千四百 六十五萬八千一百六十二兩	一千四百 二十五萬八千五百八十三兩	一千三百 五十一萬三千六百七十兩

十年	九十年
四百三十七萬五千三百七十兩	四百四十一萬一千四百一十兩
七百七十八萬八千六百一十兩	七百五十五萬四千三百七兩
七十四萬五千五百八十兩	六十九萬七千四百八十五兩
二十七萬九千四百兩	二十八萬四千四百兩
三十三萬八千六百一十二兩	三十四萬九千五百一十兩
一千三百五十七兩	一千三百八十七兩

洋貨進口土貨出口每值百兩皆抽銀五兩為進口正稅出口正稅土貨轉運別口每百兩抽銀二兩五錢為復進口半稅洋貨轉運別口在三十六個月內給發免單逾期照完正稅為復進口正稅洋商運洋貨入內地及入內地購土貨皆每值百兩抽銀二兩五錢為內地半稅凡火輪夾板等船一百五十噸以上每噸納銀四錢一百五十噸以下每噸納銀一錢為船鈔四月納鈔一次

洋務十六 商務四

利權一

薛福成

上海萬士濬子派輯

自來有天下者取諸民以制國用即量所入以治民事此古今不易之通義也孟子論取民之法準乎什一以為輕乎此與重乎此舉非堯舜之道蓋必如是而後用可足用足則事治事治則民治也後世幅員日廣道路之轉輸有費官吏之徵調有費往往取之甚輕而民之所供已至數倍況地之肥磽民之勤惰萬有不齊於是取民之制不得不務從其儉以恤民艱我朝承明代加賦之後悉除一切無名賦額厚澤深仁曠古未有通計一歲取諸民者惟江浙腴壤於什一為近此外由內地推之邊省又推之甌脫荒遠之區有數十而取一者有數百而取一者并有羈縻勿絕一無所取者蓋地曠民貧不得不薄賦以示緜懷相承久矣然其當治之事當設之防或更倍於內地又不能以取之者微而置之不理故合計天下地丁正賦約二千餘萬僅足供綠營兵餉之用而其餘出款尚繁入款有限即令無偏災無大復猶且汲汲不遑迨稍值事變不得已而議開捐例議減俸廉議令州縣攤捐各款所得甚隘而其弊不可勝窮也所節甚微而其耗不可勝言也曩者專孽構難一時名臣謀士創為權傾抽釐之法誠以有寇不能不募兵有兵不能不籌餉自然之勢也明之晚季軍餉皆出於加賦一絲一粟必取之力田之農農之謀食也艱積奪其事畜之資即已流亡失業所以流寇愈熾馴至事不可為若夫釐金悉取諸商商有餘資以營貿易莫不自顧身家且所抽之釐仍加諸所售之貨之價則於商並無所損而其利實取之眾人所以積少成多而民無大怨各有釐金最旺之時通計歲收不下二十萬今亦有一千四百萬所以能剷除羣寇想成中興之業者職是故也夫明之貽誤與今之成功其得失較然明矣通者軍事漸平而經理釐務之人或失其初意不無病民之事於是論時務者莫不扼腕抵掌欲去釐金而洋人亦遂執洋貨免釐之說以繼其後夫釐金果不便於民俟中國財用充足徐圖裁減可也外人而撓我自主之權不可也中國豐筋釐金之弊嚴杜中飽俾商民樂業可也予洋人以壟斷之柄不可也何也洋貨既免釐必旋及於土貨洋商之運貨免釐必更攬庇華商之頂釐金之利豈不盡失耶且今軍事雖平而各路防營尚不可撤各省田賦尚未復額一切城解倉獄善後之工尚未盡修莫不恃釐金為挹注苟或去之則拘學貧弱百務俱廢莫其日彼乘我無備求減洋稅將何以應之且華商因避釐金之故競買稅單而洋稅因之稍旺釐金既去則洋稅必多偷漏是洋稅隨釐金而減者又自然之

皇朝經世文續編

洋務十六

商務四

勢也萬國公法有之曰凡欲廣其貿易增其年稅或致他國難以自主他國同此利權者可扼之以自護也又曰若於他國之主權征稅人民內治有所妨害則不行今各國商商人無厭之請欲有妨於中國其理之曲直不待辨而明矣

利權二

薛福成

凡兩國交涉之事條約所及者依約而行條約所不及者據理而斷中外各國所以敦睦誼於不敵也按舊約各領納稅後即准由中國商人徧運天下路過稅關不得加重稅則只可按估價則例每兩加稅不得過若干分此約立於道光二十二年維時海內無事田賦足額尚無釐金名目當事又不知中國稅額較之地球各國有輕至四五倍七八倍者故與洋人立約如此耳厥後天下多故餉無所出始創為抽釐之法蓋西國通例量出為入一歲中有額外用度輒加派於各項之中或有兵事亦由眾商捐集鉅餉殆與中國抽釐名異實同而於例定之商稅則迥不相涉也夫中國有自主之權軍餉善之中國非各國所能干預創辦釐捐之物洋商之債亦在各子口抽課均無異辭迨咸豐八年十一年訂立條約與各口通共章程始議定洋債土債倘願一次納稅免各子口徵收紛繁每百兩征銀二兩五錢給予半稅單為他子口毫不另征之據其不領稅單者仍應逢關納稅過卡抽釐斯乃格外通融之法體恤洋商已無微不至彼洋商運洋債以子口半稅抵內地釐捐其獲利過於華商遠矣然而商人無譽之求廢所底止往歲滇案未結英國威使復徇奸商之請藉端要挾所欲甚奢日久相持始立烟臺條約定於租界內不抽洋債釐金又洋債運入內地不交華商洋商均可請領半稅單是又格外通融之法所以優待洋商流通洋債者至矣蓋矣踐以加矣聞各國議院於中國釐金一事本不以為非戊寅八月新聞紙英之大臣以烟臺條約未遽核准並有慮中國之責其食言者威使徘徊觀望其理既絀其氣自衰彼之本計不過俟德法諸國條約之後坐享其成其或從中播弄或隱為主謀均未可知然各國所據以爭者舊約之說也蓋嘗細譯舊約之意當時既并無釐金則內地祇有常關耳常關稅額較輕於洋關其日路過稅關不得加重稅則者譬如江海關納稅復過蘇關浙海關納稅復過杭關均不再按值百抽五之例納稅耳然該關之稅仍有當完故後此議定不領稅單者有逢關納稅之款而各商無不遵行至釐卡收捐專為善餉而設名之曰捐則非稅可知名之曰卡則非關可知二者既不能相混則條約固無不得抽釐之文彼西人將何說之辭且查同治元二年間上海洋商屢請領事阻止租界抽釐英國卜公使批劄駁斥法美兩使亦意見相同乙亥七月新聞紙錄字林新報有同治二年英使批上海英領事稟并英國外務大臣復英公使之語均言租界應由華官抽收華商之捐夫租界且如此況在租界之外舉是以折之而彼當無詞也洋人之債一入華人之手聽其或留或售或不用洋人不得過而問焉則華

人以名義所在自捐公家之餉亦固其所西洋諸國無物不征無人無事不征即如商賈既稅之於合夥又稅之於出入貨物又稅之於發收銀錢又稅之於每歲所贏之利其徵斂之繁十倍中國設使中國欲減其稅項以便華僑之暢行彼能允之乎舉是以折之而彼當無詞也洋人之說動謂以釐金之故致洋債阻滯不行致近年進口洋債每歲值銀至八十萬兩以外較之十數年前幾逾一倍可謂年盛一年矣而猶云貿易不暢其將誰欺舉是以折之而彼又當無詞也總之洋商於已得之利則習而忘之未得之利則變幻百出以圖之充其無窮之慾望雖盡去商稅猶未以為足也深商日聒之領事領事日唆之公使公使非不知事之難行姑肆其恫喝以嘗試中國幸而得請可以要舉市恩萬一中國不能允彼亦有詞以謝深商矣然則應之者在洞燭其情始終勿為所搖而已

利權三

薛福成

間嘗聞西人為持平之論者曰洋商之求免釐金非敢干中國之政特以中國釐卡林立收數互有異同運債者不能約定成本恐多折閱耳審如是則加洋稅免釐金之說也昔者日耳曼未一統之時小邦棋布關稅繁苛百債不能流通自普人稱雄始集各邦議立統關入口債但征稅一次稅亦視前加重以各邦幅員之大小按月均分近者德相畢士麻克又在其國議如進口稅令裁撤釐金之議德使巴蘭德頗主之若知中國不能允彼或以統關之說進然中國之形勢與德國異中國之地以開方道里積募贏於德國者幾及二十倍各省各口所設釐卡皆有必不可緩之用待以支銷今洋關加稅少中國萬不數用如稅多洋人又未必願也則惟有堅持舊章與之駁辯而已且中國所需之物祇有此數即去釐金資民不必因之多用洋債其販運在數百里內者抽課本微即或道路綿遠納釐較多獲利亦較厚且數輒加之債債之內而華民亦不因此少用洋債是釐金并無損於洋商也中國之讓商旅也陸路則有防勇水路則有水師皆恃釐金以給巨餉去釐金必去水陸各營盜賊之起何以彈壓洋債土債皆將阻滯不行是釐金大有益於洋商也夫無損如彼有益如此然而巴使拾威使之緒餘起而相爭彼自謂天下強國德猶出英之上故凡英所不能行於中國者欲競而得之以示豪傑然竊以為誤矣巴使於約章之原委釐務之要實未究心徒受威使之愚弄而不自知今以洋船貿易論英商居十之七美德法及東西洋各國共居十之三就令爭而獲利亦不過英取其十而德取其一威使自知無可置喙乃喙巴使於修約之時強中國以所難行事成則英商坐享其利不成則德人且以不諳公法為笑於天下威使為英計則得矣何英之智而德之愚耶德之君相素以豪傑成名一聞此中曲折亦必不以巴使為然也或曰中國加洋約之稅罷洋債之釐以相抵可乎曰抽釐則利權在我加稅則利權在彼即

今倍加洋藥之稅與釐金若足相抵然洋藥在中國例本當禁專恃此為利源名已不順萬一異日有可禁之機必以礙於帶項而中止是使中國留終古之毒也且洋藥之為物輕微易蔽在於把握若加稅過重偷漏必多仍無補於國計而釐金之利則一去不可返矣咸巴諸使每舉關卡一二小節以為要挾罷釐之詞不知此等乃通商常有之事就案理清則可藉為要挾之資則不可而況彼之所曉潰者又各有一是非也然則洋債加稅之說可行乎曰必不得已如所加之數達於釐金之數又於立約之時善防其弊則固未嘗不可行西洋各國稅額大較以值百取二十取四十為衡又多則有值百取六十者有值百取百者又有通行免關稅者蓋於軒輊之中各寓自私之計不若中國之大公無我出入一體今酌中定論自洋藥而外均以值百取二十為斷或於釐金所失之數稍足相償乎

#### 利權四

薛福成

自巨寇竊發以來軍餉告匱始立權釐之法古之人有行之者漢之弄縉唐之除官錢宋之頭子錢其意皆相同也救時之方則為此策而軍餉賴以支持者逾二十年滿者群寇削平洋人頗知軍事起則抽釐以助餉軍事定宜免釐以恤商不謂此說似是而實非者也蓋自各國通商而洋債之販運洋人之運歷日益繁多不能無水陸各營以資保護不能無船政機器諸廠以精製造不能無江海各隘礮臺以固藩籬凡若此類雖實之洋人必皆謂當為之事而歲出之經費亦十倍於前日是故通商之事既不可費即各項經費一日難減即各省釐課一日難停也夫中國於釐務尚持之甚堅洋人或出於加稅之一說萬一所加之數竟如中國所需之數則其中又有利有弊何也當子口稅章初定之時洋商以半稅而免內地釐金其利本優於華商華商之巧者不免與洋商狼狽相倚誇張為幻於是代華商領半稅單而取其規費有用運照庇送無運照之土債有用洋船代華商攜帶洋藥各債有憑運照免稅釐金未到子口之先已將土債銷受是洋稅與釐金均受其病也是使守分之華商不能獲利也是驅守分之華商不得不為奸商也今定稅例華商洋商一律凡進口之洋債納稅於海濱之通商正口凡出口之土債納稅於內地之第一子口各釐卡量如裁併論其大勢宜密於近海而疏於內地用新定稅額一征之後任其所之不復重征是舉前此弊端一舉而清之也不必立防弊章程而弊自絕矣內地各省祇須於最要之口設立總卡既可搏節浮費而華債販運較近者並無所征則小民咸受其益此皆中國之利也然而猶有慮者釐金取之華民中國有自主之權今既盡歸之洋稅設洋人於下次修約復以稅重為言勢必致固有之利權動為洋人所牽制是算於立約時聲明加稅與停釐相抵如異日酌減稅額亦宜酌復釐金以昭平允永杜洋人之藉口此一端也中國既權釐金所入盡歸之洋稅其或華人有



在內地販運土貨者免其征稅既恐洋商隱附於華商以滋弊混若偶經一卡而亦用值百抽二十之制勢必有所難行是宜明定章程核定道里之遠近如某處至海口須經幾卡則稅值亦可作幾次分繳如是則華人不以苛斂為苦而所經各卡即節稽征洋稅不能偷漏此又一端也二端既立乃可祛其弊而收其利矣然則中國既得其利洋商獨無利乎曰有洋商運貨入中國可豫定成本若干贏餘若干操券而來必如願而返利一也關稅交納之後運入內地無守候驗貨之煩無運卡停留之苦行運既速成本較輕利二也洋商一次納稅雖若稍重然隱加之售價之內仍取償於華民華民但知洋貨之不復納稅也無不樂於販運或益從此暢銷利三也利之所在顯然易明洋人何憚而不為然竊料洋人昧於遠圖而溺於近利加稅一說勢固不我從也則惟有堅持舊章與之駁辯而已

上曾侯條陳第四則

張煥綸

機器利鈍價值貴賤宜隨時探訪以免欺偽中國開采煤鐵鼓鑄船礮等事在在需用機器往年購買或廢敗不合用或價值浮濫及與理論往往恃強胡賴耗費不貲縱立合同視為具文為今之計宜於隨員中奏派一人專司訪察再訪稅務司吏選一西人輔之機器之製成易月新隨事紀錄設欲購買即責令擔保工匠教習亦令選擇器有不合用匠有不稱職惟彼是問西人重利恤名既居其任必不欺負此事雖小益國甚大

擴充商務十條 上南皮張制軍

鍾天緯

一曰設商會竊凡中國經商之道心思未嘗不敏營運未嘗不動而獲利終不達西商者良以彼則官為護持此則官多抑勒耳查西洋政治事事必順人情惟商務則一切操以壟斷彼國家非特不禁反從而庇之俾其獲利此無他西國以商稅為歲入之大宗故視工商為國家之命脈各埠均設商會京都且設總會而延爵紳為之領袖其權足與議院相抗每有屈抑許經懇諸巴力門衙門故商人得恃無恐貿易咸而國勢日強中國則不然目商賈為市儈薄工藝為細民平日抑勒百端有事視為魚肉故其勢渙散而不能自立更何能與洋商頡頏即如關稅洋人僅完釐半而華人則勒索數成盤查則洋人不敢誰何華船則百般恫喝以致華商人人短氣而有不能自保之勢矣誠能仿外洋領事之法許各業推舉紳董優以體制假以事權遇有商務許其直達有司凡有益於中國商業聽其設法保護而不以成法挽之如與中百工廣聚商販肩摩地窄人稠生計困苦尚為振興內以裕小民衣食之源外以杜洋人侵牟之害大足開天下風氣之先斯亦轉移之妙術也竊慨粵東縉紳巨族每與長吏抗衡若禮貌之加捨被就此其亦古人式怒蛙之見乎



二曰合公司當觀西洋軍餉全出於商稅商人經商萬里涉歷重洋牟境外之利以養其本國之民故國日富而兵亦日強華商則僅需服於本國楚弓楚得利害維均此豈材力聰明有不逮哉由於華商勢分則力薄本做不能經營遠略西人勢合則本大力厚而無往不前所謂獨力難成眾擊易舉則公司是已乃中國近年開礦爭設公司去歲滬市傾倒銀號多家十室九空均受其累至今視為厲階再欲糾集資慮無不掩耳而走此其故由於華人不善效鑿徒慕公司之名不考公司之實不知西國每立公司必稟請國家由商部派員查勘事實可獲利亦操券始准開辦每一公司由各股東公保董事十二人由眾董事再推總辦正副各一而每人亦必有多股於中總辦受成於各股東上下箝制耳目昭著自然弊無由生乃中國適與之相反糾股者只須稟請大憲給示招徠刊一章程繪一圖說海市蜃樓全憑臆造各股東亦不究其確在何處礦質若何本無置產業貽子孫之心不過以股票低昂為居奇之計賣買空盤究同賭博宜其一敗塗地也今若概廢其良法美意則未免因咽廢食而後來重大工程斷難開辦矣為今之計宜查照西洋成法凡立公司必經商會派人查攷酌定其章程務使總辦不能獨操其權而悉以各股東公論為斷則凡鐵路電報開礦製船諸務皆可藉眾力以成矣外國設公司律法本有成書苟斟酌折衷垂為令甲庶中國公司足與洋人相埒而能馳域外之觀矣

三曰借國債查國債之法創自歐洲實開千古未有之局不敢謂永無弊端而終覺其有大利而無大弊何則古來國用不足無非加派於民或算緡錢或權酒酷或稅關架頭會其效無非取濟一時甚或搜括富民鬻賣官爵極矣然倘歲比不登內訌外寇則此苟且不終日之計亦終有時而窮窮勝國未造加派練餉民不聊生至午宮中聽用以抵餉而譁潰時聞明社卒屋此無他強括民之脂膏而不予以應得之利則小民安肯毀家紓難以濟國用哉乃觀西洋每有大工大役必告貸民財而復予以操券之意按期應付甚刻不爽倘有兵事不必強民捐輸而百萬之餉咄嗟立辦而從未有延誤抵賴者若一經爽約則將來雖有急需民皆袖手而自蹈驪山烽火之覆轍故不敢也今中國自與洋人交接海防軍費百倍從前斷非內地賦稅所能供全恃徵收洋稅為一綫來源一有兵爭海口全封洋稅告絕斷非枵腹所能支持勢必出重利以借洋債渴飲醜酒所弗計矣倘適與其國構釁則并告貸無門此坐斃之道也即此一端其後患莫堪設想若早開國債之例俾閭閻慣用深信不疑留後日告急之途亦未雨綢繆之說也今之洋債其息為百分之九與其本國幾為加倍而我中國未嘗無財何必受其盤剝而歲輸重息於外洋若自借本國之國債每年償利若干由各海關經理刊給餉票以抵現銀而即由海關付息庶商民取信盡出紙銀以年什一之利則市面流通經商易於獲利萬一有閉關絕市之時而民皆肯傾囊以

獻不當取之宮中當安危呼吸之際而始收其效故曰有大利而無大弊也

四曰鑄銀幣人情莫不喜簡而惡繁趨輕而避重順人情而行之則下令於流水之源而公私受其益今之錢法亦祿濫極矣京師行當十大錢一出國門乃不能易一醉外省私鑄充斥康雍朝大錢已不獲一而人情乃相率而喜用外國銀錢初用西班牙老板繼用墨西哥新板近且並法美德均鑄銀錢流入中國而日本起而效尤嚴鑄小銀錢屢入市肆每年不下數十萬計價亦日昂論其銀質不值所準之錢而取信於其國家之官鑄所謂銀幣也乃中國不自鼓鑄坐使外人得操國法之輕重而利遂為其所獨擅欲設法禁之而人情所趨卒亦無如何也論其行駛之便一曰成色定二曰分兩准三曰交易便四曰取攜輕五曰價值不易低昂六曰花紋不易假造較之元寶紋銀傾銷之耗蝕兌換之侵欺扣短秤而攪偽銀者不可同年而語矣欲收其利權莫如中國奏明設局購用機器自行鼓鑄三品之錢每副機器小者不過五萬元吉林機局曾購一具凡鑄金銀之錢均須稍攙雜質方能堅結而擊之有聲核其贏餘足敷爐火人工鼓鑄之費即使無餘而商務已大受其益矣但須國家頒定律法定名等之價并相準之數每數至若干即須用何種之錢如英制銅錢滿十二即須用小銀錢一元銀錢滿二十即須用金錢一元而金銀銅既有搭用之例價值相準則凡錢糧關稅釐金之料則悉依此而定使徵者解者收者發者莫不皆准此數無平色之高低無兌換之扣勒自無浮收侵蝕之弊矣市肆之價不能因時為軒輕捉搦刁難則賈買空盟之弊亦自絕矣

五曰廣輪船日本之與洋人立約也許其在海口通商而不准其駛入內地侵其本國自有之利故日人自造輪船駛行內海江河以與洋人爭利中國與各國立約乃許其輪船駛入長江又聽其沿海置船往來如天津上海寧波福州香港汕頭等埠向有怡和禪臣旗昌三家按期輪船往來奪我華人分內之利是以李鴻章創開招商局思與之並駕爭衡而其勢常苦不逮乃主持局務者復悞以重價買併旗昌一家仍不能獨收壟斷之利而財力反為之披破謀稅救中國之商務莫如廣造小輪船通行內地彼洋船祇能抵通商口岸而小輪船駛入內河據其上游爭攬載貨如近日茶市盛於漢口倘小輪船駛入湘漢二江直至蕪陽長沙一帶貿易攬載則茶商爭思捷足先售自無不樂載小輪倘我徑赴上海亦可省換船過駁之繁即可由該輪船一手交卸則洋輪船之生意大減矣推而至於天津由運河以抵通州烟臺由黃河以抵濟南九江由鄱陽以抵南昌安慶由巢湖以抵蘄州鎮江由運河則可南抵蘇常北可抵濟甯上海則可由黃浦以抵蘇松杭嘉湖數府至於粵東西江水深溜緩上司駛至廣西之梧州如此力據上游爭其攬載則洋人瞠視而為之奪氣而我商務必大有起

色矣且輪船愈多則司機駕駛之人材愈出推而行駛大洋直一轉移間而不必借材異國英國兵船管駕例必由商船選拔而中國水師生徒乃欲一蹴而幾其誤不可以道里計矣聞嘗私論以為中國必先設商船學堂練習駕船管機之舵工水手方可為練習水師之基蓋末有不嫻駕駛商船而能駕駛兵船者也

六曰設民履國家設科取士若不勸民家弦戶誦而徒恃序序學校以培養一斷無文教如斯之盛觀此而知國家崇尚機器而但設官廠者其取徑迥而收效遠矣西洋製造船礮槍械子藥皆取辦於民廠為多即有一二官廠亦悉用包工之法與民廠無異所以無冗工濫食計工授食而工作以精今中國各省設立船政機器子藥等局矣每年動用正款以數百萬計而所成之物若經由外洋購買或由洋匠承包費可減半然欲為華人開風氣不計也但官廠之與工匠浮濫且督執業以嬉而賞罰不行勤惰無別亦誰肯含逸就勞以千眾嫉每製成一器價比外洋尤昂而後單率不精形模徒具往往取笑洋人旋生狎侮如此雖百年終無生色惟有仿照洋廠之法一切包工承辦責令匠目逐件分包或准其携歸私製則匠工有一分之本須即食一分之薪資奏一分之工程即給一分之價值循名責實務使費國幣一錢即須造成一錢之物而器皆精實價不虛浮則工匠無不爭奮矣今福州天津江甯杭州山東各廠局皆由官辦未免積習相沿誠不敢矯舉其弊惟粵東軍火機器等局用包工之法能以泰西之工藝開民廠之規模且修理輪船船機括無不估工包價如仿其法令民間多開私廠或即以官廠租給商人每年收取租息以抵製造之費如國家需用器具責成該廠儘先趕辦以其餘力聽其為民製造機器輪船及救火水龍并一切開礦挖河抽水磨麥紡紗織布各機器以收其利如此則風氣大開人才日出工藝日益精進不煩國家之提倡矣

七曰頒牙帖泰西工藝之精甲於天下而致其致此全由國家鼓舞而成猶中國誘之科舉利祿之途也其道何由則在於頒給牙帖即西語所謂不登也不登者如士人考得新理新法工商創成一技一藝即獻諸國家由商部考驗上者錫以爵祿中者酬以寶星下次亦准其擅為專門之藝或傳為世業或專利數年國家給以文憑以杜通國工商勦襲仿造即國家欲仿其新法者亦與本人商購償以重資如創造汽機輪車紡織機器諸人各國無不頒賜爵秩廬以終身至今榮名永世是以西人無論仕宦縉紳農工商賈無不夢寐思得新法為取富貴貽子孫名利兩全之計寢食俱忘不惜傾家試驗西人因此享大名獲巨富者不勝俚指每年美國發給牙帖數萬張其通商工藝之精根概全由於此彼其言曰所貴乎士者非徒高尚其志而已也必須創立新法有益於國有利於民斯不愧為四民之首故西國之儒者不徒抱詩書談仁義而已也有

商中之士有工中之士有農中之士皆著書立說自成一家日出其新法中國誠能採用其意不必驅天下儒者而盡出於一途各聽其天資所造不論農工商賈考求新理新法以利國利民每省由督撫考驗給以牙帖以能自出心裁者受上賞變通西制者受中賞步趨成法者受下賞准其一家專擅其利以酬勞不准他人仿造以奪其利甚或破格奏獎榮以功名但得一省督撫倡之即他省推行自易矣軍實之下而無勇夫斯未之信也

八曰保海險外國經商商務不外兩端有公司而力量姑厚有保險而意外無虞而商務乃有恃而無恐保險之法非真能保危險也特遇險而災事則照數賠償耳其法維何假如有海船出洋報明其船貨資本值銀百萬則保險行不必查其果值此價與否但即抽其百分之一以為費而給以保單萬一遭風遇礁意外失事即照百萬之本如數償之不居功無吝色也一歲之中所保千艘而船之沉溺傾之漂失者恒不過千中遇一除賠償百萬外尚有九百萬悉飽已憂其保險家不費一錢徒手而得九百萬之贏餘也斯亦可謂天壤間第一貿易矣在船商重洋涉險僅費萬金即可高枕無憂永無折閱之慮何樂不為若華商之高海船生理者每遇風濤終夜傍徨難擁資千萬一夕可以赤貧由於獨力為之而無保險之法也自有此法而洋人放胆經營無遠勿屆而華商則畏風畏礁偏促一偶不能牟他國之利而中外商務遂天淵之判矣且外洋保險不但保海險已也凡房屋則保其火險輪車則保其碰撞甚至人身則保其病險如限內人死則家屬得領賠款而寡婦孤兒藉有以養不致流離失所矣惟關稅服毒之人例不賠償則人皆惜命而無自戕之妄作矣此蓋以白鴿票射標之法用之以濟困扶危真衛商便民之善術也誠能令華商糾設公司仿行保險一切變通其法則每年各海口保險之費不致流入外洋矣

九曰設信局西人頗能留心中國政務每謂中國度支有出入兩大款可省而不知省當取而不知取殊為司國計者一憾可省者即各省每年開支驛站經費幾耗天下錢糧十分之一可取者即設立公信局而徵收其稅以西法言之公私信函合為一局國家特設信部官為經理之量路之遠近行函之輕重徵收信費每封黏以印花隨處可收無遠弗屆通國編設支局若網在網有條不紊遞送境內之函一日而達若遞出境外就歐羅巴一洲從無滯滯至三日者每年除去車輪牲馬人夫房屋薪工雜費尚有贏餘為入款一大宗即如英國於光緒九年信部經費用銀三百四十萬磅而徵取信資至七百萬磅幾抵中國銀一千萬兩而日本仿行信局亦大獲其利現已刊出華字清單人盡知之既無中國驛站提塘馬號鋪遞各項經費而凡出使使使計偕按部之員需索馬夫供應揀寫行館之供張酒饌之餽遺舉地方州縣賠累不堪者一洗而空

每年節省度支不知凡幾而并可為國家開一絕大利源今北省議開鐵路將來附輪而行自可操券惟官為經理頭緒太繁不如開設信局招商承辦大商包一省小商包一縣推之各口各埠皆設支局如身使臂一氣呵成水通輪舟陸通快馬偏僻處只用專差一切走卒脚夫皆受餼於官以自食其力凡摺奏公牘仍派委員司之以專責成無論公私信函一律秤封給值不必駁裁驛站錢糧以恤其私僅就私信一項言之已足出入相抵而遞送迅速商人莫不使之信實且大可減此亦有益於國帑商務一大政也今上海天津已設文報局矣若粵東擬設仿設俾措差航海赴京其亦公信局之嚆矢乎

十曰賽工藝天下事有租觀類游戲而實隱寓富強之意者其西人之賽珍會早賽珍會者聚五州之物產羅各國之珍奇而品評其優劣高下以行其賞賚或得金牌或得寶星於焉增識見廣見聞作商賈之南車為工藝之龜鑑亦猶文士角藝於名場也一經品題聲價十倍而論者病其勞費不貲笑為過舉而自西人觀之則固用意深而取效遠為歐洲振興商務之一大關鍵也乃華商未明其益而每遇西國設會亦樂以珍物輩致其中西人笑為如盲人觀劇聽旁觀撫掌而亦歎賞不置其妙處初未賞領略也每賽一次中國亦必費數十萬金誠不如自行賽會以導華人之先路而開富國之基誠能就南方之賽會迎神北方之廟集趕墟變通其法令百工商賈各行各業自賽其物產下至家用什物亦羅列於會場兼行交易拳紳董為之經理而不必託諸神道設教僧尼之輩鼓鑿巫覡之荒唐一轉移間舉閭閻所欲燒香供佛演劇放燈之費悉用諸通商惠工之實際仍不失歲晚務闕萬民行樂之意則游戲也而至理存焉矣曠邑則準其按年一賽府州準其三年一賽省會準其五年一賽每越十年則集通國之菁英物產古玩奇珍千蹄萬輪八方輩致而品鑑其高下以分觀最焉如某處物產最高每處製造極細某物為洋人所喜而貿易可興某匠為本國之冠而工藝最妙一一登記於簿獎以金牌為之延譽彼工商得一獎帖榮於泥金斯益留心於製造矣

論天津宜設官牙行 洋務管見六條之一

俄商來天津貿易攜帶皮貨等物皆中國所自有幸利甚微窺其意不在求售土貨以購買茶葉為主彼國之嗜茶葉每日必需不可闕缺從前中國大黃茶葉出口稽查極為認真乾隆時因俄國收納我叛人兩次閉關并嚴禁私販出界俄即畏服乞恩是此兩物實有駁俄之微權其時中俄交易只有恰克圖一處華商裝茶出口易於檢查今俄人自來天津購買相載北還既入其手而欲於出口時分別放留必多支節天津茶商大小不一皆與俄人自相交易散漫無可稽查上年中俄幾致釁端而俄商照常任天津買茶彼意無所顧懾故愈益縱恣蒙謂宜於天津嘉峪關等通商地方分設牙行數家選立行首經理責

姚文棟



茶令於年終各將一年售出數目報官存查無牙帖者不得私賣將來遇有俄人要挾尋釁之時一面戒嚴防邊一面傳諭各牙行停止貿易如此則操縱在官而仍不病商似亦中俄交涉一大關鍵或疑中國即無茶葉出口俄可向泰西轉買不知泰西路遠不如中國之近且價則中國廉而泰西昂值則中國多而泰西少俄必大有不便也

論稅務洋務要訣

李東沅

昔夏禹有會計之紀周官著理財之條誠以有天下者準乎什一之法取諸民以供國用而藉治百事也中國自開海禁與各國通商由道光二十二年中西立約以洋人各領進口納稅之後即準由華商販運各地過關祇按估價值每兩加稅不得過若干分維時當事不知中國稅額較之各國有輕至四五倍七八倍者故立約如此也迨後天下多事徵兵募勇始創權債抽釐之制藉給軍資夫商賈以販運為生若賊匪未靖道路不通銷債必遲故莫不情殷報效且所抽之釐仍增值於所售之貨實則取之眾人積少成多是以民派怨咨商無虧損最旺之時通計海內歲收不下二千萬今雖稍減亦有一千五百萬故得以削平群寇共慶昇平膏頰此耳無如釐卡委員或辦理不善或因兵燹時設卡過多洋人遂執洋債免釐之說以為要挾顯違條約欲挽我中國自主之權即使釐捐果累商民亦須俟國用稍裕時自行酌裁漸次停免斷非局外人所得而干預也今軍務雖平而防營尚不可撤田賦猶未復原一切善後事宜高須布置即置造輪船槍炮悉藉釐金彌補去之則半籌莫展百事俱弛且華商因避釐捐稅買稅單故洋稅因之而旺倘釐捐停止則洋稅必多偷漏有減無增此自然之勢也查初辦釐捐時洋人之債亦在各子口征課尚無異說迨咸豐八年十一月中西重訂條約始定洋債土債釐一次納稅可免各口征收者每百兩徵銀二兩五錢給半稅單為憑無論運往何地他子口不得再徵其無半稅單者逢關過卡仍照例納稅抽釐斯乃體恤洋商恩施格外較之華商其獲利厚矣故華人之黠者每每串通洋人互相蒙蔽有代華商領半稅單而取費者有代洋商用洋船裝運洋藥各貨者有代用護照包送無違照之土貨者譁張為幻流弊滋多洋稅釐全交受其困而華商之守分者不能獲利多依附洋人而變為奸商反不如裁撤釐金倍增關稅其販運別口者仍納半稅則洋人無所藉口而華商不致向隅況查洋人所轄之香港澳門無徵收釐稅之例商賈多抵其地以期貨平易售免出稅釐故香港澳門之貨物日多中國各埠之空漚日澹貽隣邦之藐視擴洋島之財源又如粵東蘭姓捐輸其數甚鉅本屬病民傷化惟不能杜其弊過其流而奸商遂運往澳門仍行開廠廣收綜計三年捐銀五十萬兩利歸洋人此所謂為淵駸魚為叢駸爵也曾考泰西各國稅額大致以值百取二十或取四十為制最多更有值百取百者又有全不取稅者蓋以輕重之中各寓自便之計即如烟酒外洋稅極



重在中國開洋酒店者尚需納規領牌而每年進口之呂宋烟洋酒其數甚鉅竟充伙食概不納稅泰西俱無此例尤屬不公今宜重訂新章仿照各國稅則加徵進口之債並重稅烟酒鴉片虛費等物以昭平允又如珠玉錦繡珍玩非民生日用飲食所必需雖倍稅如釐無損於貧民無傷於富室且統計我國之所無者則輕稅以廣來源有者則重稅以遏去路權其輕重衡我商民倘慮率爾更易齟齬必多惟於期滿換約之時重定稅則據理力爭務使之就我範圍而後已耳

論商務洋務提要

李東沅

原夫歐洲各邦以通商為大經以製造為本務蓋納稅於債而寓兵於商也其未通商之始割疆自守不相往來今則百債流通各商雲集設此國之則竟任滔滔而去彼國之利不能源源而來算塞漏卮久將坐困故泰西各國舉凡利之所在趨之如狂而傳教者則非惟欲服中國之人心兼為洋商之偵探也查英國運口之債稅較出口倍重而本國之船鈔比他國稍廉便商家而暢銷路惟嚴核各商所盈之利約八十分取一略如中國戶稅所賜商賈實星及他表記湖之用器以為光榮其歲入有常三百磅以下不稅如有關於商務者必使議政院官商議務務期妥協而後施行並設商務大臣專理其事是以利權獨擅日臻富強所有商埠要區俱設公使領事屯泊水師兵船以資護衛而壯聲威遇有事端恃為挾制或請開口岸或勒免釐捐誅求無厭必遂其大欲而後已初英國在印度等處租地開埠志在通商其後觀釐併吞倚為外府而富強遂冠於歐洲無如中國商民株守故鄉乏於遠志求如洋人之設公司集鉅款涉洋貿易者迄今尚鮮其人去歛日多來源日絀竊慮他日民窮財竭補救殊難然既不能禁止通商維有自理商務核其出入與之抗衡以期互相抵厄而已中國出洋之債以絲茶為最大宗今印度等處皆植桑茶所出與中國相仿洋人悉往購辦故年來中土之債未能暢銷復或并此而失之中國之利源不幾竭乎宜令地方官廣勸農民於山谷閒地徧種桑茶勤加經理其繅絲製茶之法尤須刻意推求如有勝於尋常者優加獎賞務使野無曠土農不失時則出數愈多其價可減酌為銷售用廣招徠將不特國課可增而民財亦可阜矣況中國東南各省多種棉花西北廣牧牲畜若用機器以製造洋布羽毛呢絨等物則一夫可抵百夫之力又省往返運費其價較外洋倍賤而獲利倍豐或疑用機以代人工恐操小民之利不知洋布呢羽本出外洋無碍民業仿而行之本以分彼之利權耳今閩粵人之賈於星加坡舊金山各處者不下八十萬人其中或佳經二百餘年或隸入英美等籍皆皆奉大清之正朔服本朝之冠裳足徵聲教重敷靡乎英外矣倘中朝亦簡派領事人員顯示撫循隱資控制則華人有恃無恐善盡工舉凡外洋之債我華人自營運之中土之債我華人自經理之擴其遠圖擅其利藪則洋人進口日見其衰而華人出洋日微其威將富

國裕民之效可操券而得焉所慮者志無洋人之堅貞財避洋人之豐厚倘有盈絀便思改圖惟賴在上者扼其利權神其鼓舞凡中西可共之利思何以善之中國自有之利思何以擴之西人獨攬之利思何以分之扼此三端則利權可復矣惟西人多財善實利之所在必爭趨之若華人亦設公司造商船力與爭雄媚商減價折折資本勢必彼此虧絀無俾大局欲救其弊須開其源按公法例載凡長江內河如歐羅巴之來因河多拿江盡人皆得開設船行以其分屬於各國也美國之米西昔比江帆船之利土者擅之以專屬於一國也他如巴西之阿麻沈江雖發源於秘魯入巴西支分派別兼注依爪耳耳國委內瑞拉國以貫注巴西數千里之逆昔有客請立船行而執政拒之嗣因商旅蕭條差除前禁以廣招徠操縱之權仍自掌之不以假人也若夫中國之長江西導岷峨東注滄海源遠流長如美國之米西昔比江絕非巴西可比今長江二千數百里有奇洋船往來實獲厚利暗竇每主殊抱杞憂宜俟中西約滿之時更換舊約另議新章凡西人之長江輪船一乘給價收回所有載貨水脚因爭俄而遞減者酌復其舊則西人固敢異詞更於長江上下遊間日開行輪船以報市價如是則長江商船之利悉歸中國獨擅利權當道其有意乎為國為民胥於是乎在矣

論借款洋務摘要

李東沅

中土向無國債之名有之自泰西各國凡興建大役軍務重情國用不敷可向民間告貸動輒千萬或每年僅取子金或分數年連本交還隱寓藏富於民之義如本國無款可借則轉貸於隣封習以為常殊不之異中國自同治六年間左伯相以西征需餉始借洋款係滬上銀行經理由八釐至一分五釐行息將各海關洋稅撥抵分年本利清還該銀行分售中外商人每股計銀百磅歲納息銀八釐況其借也以彼國之磅數折我之兩數其還也又以我之兩數折彼之磅數暗中折缺喫虧甚多經手者大獲厚利實以軍餉緊急於無可如何之時為萬不得已之舉耳致英法德美諸大國借貸行息多不過五六釐而土耳其波斯等國則因公債過重行息過多致利權為他人所挾持國勢凌形貧弱我中國與圖之富礦產之饒關稅之盛遠勝泰西帑藏多而借貸少不必出八釐重利即可借得鉅款聞中國之股分借券中外人爭購之十不得一每股九十五磅至九十磅漲至一百零四磅珍重收載由是觀之中國雖少出于金仍能應手從前籌借洋款固由辦理不善利息過多嗣後即有要需應向英國勞士齋乃德博令等大銀行籌商自臻妥協此兩行專管各國挪借銀錢事業素有名望人皆信服常能以微息而借鉅資他處銀行萬不能及且聞洋人詳言此事如中國願借銀一百萬兩不過到匯豐麗如等銀行說明所借之數所給之息指明某數口關稅償還本利分作若干結於若干年內付清云云銀行屢允借銀收存文契即將銀數如充交此向求

籌借洋款之局面也。該銀行如果鉅富有款可貸，則此種辦法尚屬可行。無如僅能擔承實非東主中國既與銀行議定銀行即湊集允借之數，出具百兩券票一萬張，從一號編至萬號，而買股者遂察看借銀事務虛實，或買一張，或買百張，迨頭緒結還，款到期，何人之銀先收，何人之銀後付，不可預知其故，何也？蓋券票之軟強無定，券票軟則本錢恐缺，人思速還，券票強則利息依期，人思久借，爰創拈閣之法，定還債之期，免銀行袒護之謗。此等辦法雖極公平，然而多股之人必受破碎本錢之累，誠以是否收回全數，或收回半數，非到拈閣之日無從預知，斷不能料理於先。收回本錢復入股分大為不便，倘將來再善借款，須設法補救，此失始易通融，太凡借債於人，必先將不便諸事通盤籌算，稍有妨礙，勢必增長利息，備受其虧。策萬全嚴有二法：一曰立法借銀，限定不移之年月，一次全還；一曰按結歸款，先於券內載明第一結歸還，或第二第三結歸還，俾東主得早為料理。且放債者每樂聞每國借錢，建造鐵路，電線開闢，治河一切富國之政，以其出息大而券票強，甚不願出資以作耗財之事。尤惡借銀以用兵，將銀錢變作火藥彈丸，散於槍砲之口，不復能返則債主不但失利，成本將虧，其言可深長思也。我國家量入為出，本有常經，前時借債外洋，不過剝肉醫創，聊紓眉結，永行停止，固屬有裨。即偶爾急需，而別款可竭力彌縫，仍以不借為上。萬一羅掘俱窮，司農仰屋而嗟，疆臣束手無措，不得不出此下策，稍濟目前，尤須全局統籌，周詳審慎，不必託中國銀行經手，銀轉國利，須先將從前流弊一洗而空，用昭大信。朝廷惟諭飭駐英公使，逕向勞士濟乃德博令等大銀行熟商，則行息不過五六釐，可籌巨款，況中國素來守信，洋人自必樂從，倘重給子金，非特耗財，反令洋人疑中國難以清償諸事，轉多棘手矣。

高政編詳

薛福成

昔商君之論富強也，以耕戰為務，而西人之謀富強也，以工商為先。耕戰植其基，工商擴其用也。然論西人致富之術，非工不足以開商之源，則工又為其基，而商為其用。通者英人經營國事，上下一心，殫精竭慮，工商之務蒸蒸日上，其富強甲於地球。諸國諸國從而效之，迭起爭雄，泰西強盛之勢遂為亘古所未有。夫商務未興之時，各國閉關而治，享其地利而有餘，及天下既以此為務，設或此衰彼旺，則此國之利源源而往，彼國之利不能源源而來，無久而不貧之理。所以地球各國居今日而競事通商，亦勢有不得已也。今以各國商船論其於中國，每歲進出口價值銀在二萬萬兩上下，約計洋商所贏之利，當不下三千萬。以十年計之，則三萬萬，此皆中國之利，有往而無來者也。無怪近日民窮財盡，有岌岌不終日之勢矣。然則為中國計者，既不能禁各國之通商，惟有自理其商務而已。商務之興，敏要有三：一曰販運之利，自各口通商而洋人以輪船運華貨，不特

擅中西交易之利抑且奪內地懸遷之利自中國設輪船招商局而洋商與我爭衡始則減價以求勝繼因折閱而改圖彼之古我利權者雖尚有十之四我之收回利權者已不啻五之三通計七八年間所得運費將二千萬雖局中商息未見贏餘而利之少入於外洋者已二十萬矣所慮者一局之政主持不過數人控制二十七埠之遠精力已難遍及又有歸併旗昌之後官本較多萬一稍有蹉跌其勢難圖再舉夫事之艱於謀始者理也而人之篤於私計者情也今夫市廛之內商旅非無折閱而挾貲而往者踵相接也以人人之欲濟其私也惟人人欲濟其私則無損公家之帑項而終為公家之大利為今之計雖難用眾建少力之法驟分數局他日如必有變通之勢或即用局中任事之商兼招股實明練者量其才力資本俾各分任若干俾無論贏虧得失公家不過問焉此外商人有能租置輪船一二號或十餘號或數十號者均聽其報名於官官成一局又恐商情之相軋也則督以大員而齊其政令恐商利之未饒也則酌撥漕糧而彌其闕之但使商船漸多然後由中國口岸推之東南洋各島又推之西洋諸國經商之術日益精始步西人後塵終必與西人抗衡矣其利豈不溥哉一日藝植之利今華僑出洋者以綠茶兩款為大宗而日本印度意大里等國起而爭利徧植桑茶印度茶品幾勝於中國意大里佳綠之數亦幾埒於中國數年以來華僑滯而不流統計外洋所用綠茶出於各國者幾及三分之二若并此利源而盡為所奪中國將奚以自立是不可不亟為整理者也整理之道宜令郡縣有司勸民栽植桑茶蓋種桑必在高亢之地而種茶恒在山谷之中非若鶯粟之有妨稼穡是在相其土宜善為倡導而已其蠟絲之法刺茶之法有能刻意講求者宜激勸而獎進之至於綠茶出口十數年前以加稅為中國之利今則各國起而相軋一加稅則價必昂昂則運值者必去中國而適他國而稅額必為之大減夫西洋諸國往往重稅外來之貨而減免本國貨稅以暢其銷路今中國綠茶兩宗雖不必減稅亦不宜加稅但使地無閒曠則產之者日益豐而其價日益廉即出口之價日益多不特於稅務有裨亦為民興利之一大端也一日製造之利英人用機器織造洋布一夫可抵百夫之力故工省價廉雖棉花必購之他國而獲利固已不貲每歲價值之出中國者數千萬兩中國海隅多種棉花若購備機器紡花織布既省往返運費其獲利宜勝於洋人然中國雖有此議而無成政者何也創造一事人情每多疑沮其才足以辦此者苦於資本難集而一二殷商又以非所素集而不為此大利所以盡歸於洋人也竊謂經始之際有能招商股自成公司者宜察其才而假以事權謀其效而加之優獎創辦三年之內酌減稅額以示招徠商民知有利可獲則相率而競趨之迨其事漸熟利漸興再為釐定稅章則於國課必有所裨推之織氈織絨織呢羽莫不皆然夫用機器以代工作嫌於奪小民之利若洋布以及氈絨呢羽本非出自中國中國多出一分之價則外洋少獲一分之利而吾民得

自食一分之力奪外利以潤吾民無踰於此者矣是知中國之於商政也彼此可共獲之利則從而分之中國所自有之利則從而擴之外洋所獨擅之利則從而奪之三要既得而中國之富可期中國富而後諸務可次第修舉如是而輒受制於隣敵者未之有也

洋務十七 固圍上

英舊約第三條 通商約章類纂

一因大英商船遠路涉洋往往有損壞須修補者自應給予沿海一處以便修船及存守所用物料令  
大皇帝准將香港一島給予大英君主暨嗣後世襲王位者常遠據守主掌任便立法治理

愛璦城俄約第一條 通商約章類纂

一黑龍江松花江左岸由額爾古訥河至松花江海口作為俄羅斯國所屬之地右岸順江流至烏蘇里河作為 大清國所屬之地由烏蘇里河往彼至海所有之地此地如同接連兩國交界明定之間地方作為兩國共管之地由黑龍江松花江烏蘇里河此後只准中國俄國行船各別外國船隻不准由此江河行走黑龍江左岸由精奇里河以南至割爾莫勒屯原住之滿洲人等照舊准其各在所住屯中永遠居住仍着滿洲國大臣官員管理俄羅斯人等和好不得侵犯

俄約第九條

中國與俄國將從前未經定明邊界由兩國派出信任大員秉公查勘務將邊界清理補入此次和約之內邊界既定之後登入地冊繪為地圖立定憑據俾兩國永無此疆彼界之爭

中俄黑龍江定界記文

咸豐十一年五月二十一日俄國全權大臣中國大臣會齊在俄文土爾必拉即白稜河口地方兩國之大臣會同畫押用印在交界之圖上書寫俄羅斯字及滿洲字二分其一圖補入上年在京續定和約條內並四分圖與記文交界道路記文自烏蘇里河至圖們江口此四分圖內書寫俄羅斯字二分書寫漢字二分其圖四分亦補入上年在京續定和約條內此六分圖彼此相對兩國大臣全行知悉相符俄國大臣持書寫俄羅斯字及滿洲字地圖一分中國大臣持書寫俄羅斯字及滿洲字地圖一分彼此互換用印畫押又互換漢字俄羅斯字交界地圖四分彼此換給之後兩國大臣將圖四分記文二分交界道路記文二分俱行鈐印畫押將此記文道路補入上年續定和約條內永遠遵行勿替

附交界道路記文



中國與俄國詳細按着去年諾雅布爾月初二日所定和約第一條第三條內之記文和約之第一條內自烏蘇里河口而南上至興凱湖兩國以烏蘇里及松阿察二河源係舊有之河作為交界其二河東之地屬俄羅斯國二河西之地屬中國自松阿察河源兩國交界踰興凱湖直至白後河照圖上所畫紅色所寫俄文字頭定為交界即在烏蘇里河口西立界牌一個牌上寫俄國那字頭並寫上界牌漢文及松阿察河源西岸岸路上設立界牌一個牌上寫俄國亦字頭並寫上界牌漢文照依和約自白後河口順山嶺至瑚布圖河口自白後河源順小漫岡水向東流入興凱湖者係俄國界水向西流入穆楞河者係中國界至橫山會處水向北分流入興凱湖及毛河源水向南分流入綏芬河自橫山會處直至綏芬河與瑚布圖河口應立界牌白後河口北立界牌一個牌上寫俄國喀字頭並寫上界牌漢文小漫岡上向西北立界牌一個牌上寫俄國拉字頭並寫上界牌漢文橫山會處立界牌一個牌上寫俄國那字頭並寫上界牌漢文再由瑚布圖河口順璋春河及海中間之嶺至圖們江口其東皆屬俄羅斯國其西皆屬中國兩國交界圖內紅色處與圖們江會處及該江口相距不過二十里自瑚布圖河口往至上瑚布圖河之源即順山嶺照依和約在瑚布圖河西口邊立界牌一個牌上寫俄國倭字頭並寫上界牌漢文對瑚布圖河源山頂上立界牌一個牌上寫俄國怕字頭並寫上界牌漢文圖們江左邊距海不過二十里立界牌一個牌上寫俄國土字頭並寫上界牌漢文俱按照上紅色為界因此兩國地界既經分清為此特記

#### 附牌文

此次會同查勘分界原為兩國和好今地界既經議定自應按照上年續定條約設立界牌以清界綫東界定為由什勒額爾古納兩河會處即順黑江龍下流至烏蘇里河會處其北邊地屬俄羅斯國其南邊地至烏蘇里河口所有地方屬中國自烏蘇里河口南至圖們江口其東皆屬俄羅斯國其西皆屬中國上所言乃空曠之地遇有中國人住之處及中國人所占漁獵之地俄國均不得占仍准中國人照常漁獵從立界牌之後永無更改並無侵佔附近及他處之地所有東邊界內原住之中國人民其向來謀生出入行走之路應聽其便俄國人不得攔阻為此特立界牌永遠遵守兩國人民咸各知之勿違

#### 中俄塔城議定記約首段通商約章類纂

兩國大臣遵照京城議定和約在塔爾巴哈臺會同將自沙濱達巴哈起至浩罕邊界之慈嶺止兩國中間應分界址順山嶺大河及現在中國常住卡倫議定交界繪畫地圖圖內以紅色線道分為兩國交界今將議定界址地名並擬議章程開列於後

中俄塔城議定記約第一條

自沙濱達巴哈界牌起先往西後往南順薩彥山嶺至唐努鄂拉達巴哈西邊末處轉往西南順賽留格木山嶺至奎屯鄂拉即往西行順大阿勒臺山嶺至齋桑淖爾北面之海留圖兩河中間之山轉往西南順此山直至齋桑淖爾北邊之察奇勒莫斯鄂拉即轉往東南沿淖爾順喇喇額爾齊斯河岸至瑪呢圖噶圖勒幹卡倫為界此間分別兩國交界即以水流為憑向東南向水流之處為中國地向西北水流之處為俄國地

中俄塔城議定記約第二條

自瑪呢圖噶圖勒幹卡倫起往東南行至賽哩鄂拉先往西南後往西行順塔爾巴哈臺山嶺至哈木爾達巴哈即轉往西南順庫木爾齊哈喇布拉克巴克圖董塘子瑪呢圖沙喇布拉克察汗托霍依額爾格圖巴爾魯克蓋多巴爾魯克等處卡倫之路至巴爾魯克阿拉套兩山嶺中間由平地行即在哈布塔蓋阿魯沁達爾兩卡倫中間擇山坡定界自此至阿勒坦特布什山嶺東邊末處為界此間分別兩國交界即以水流為憑向東南向水流之處為中國地向西北水流之處為俄國地

中俄塔城議定記約第三條

自阿勒坦特布什山嶺東邊末處起依阿拉套大嶺往西順阿勒坦特布什索達巴哈庫克托木罕喀爾察蓋等山頂行向北水流之處為俄國地向南水流之處為中國地至向東流水之薩爾巴克圖河向西水流之庫克鄂羅木河向南流水之奎屯河源之匡果羅鄂博山即轉往南向西流水之庫克鄂羅木等河之處為俄國地向東流水之薩爾巴克圖等河之處為中國地自此由奎屯河西邊之奎塔斯山頂行至圖爾根河水從山內向南流出之處即順圖爾根河依博羅胡吉爾全屯齊魯幹霍爾果斯等處卡倫至伊犁河之齊欽卡倫過伊犁河往西南行至春濟卡倫轉往東南至特穆爾克里河源轉東由特穆爾里克山嶺山頂行圍繞哈薩克布魯特游牧之地至格根河源即轉往西南格根等向西流水之處為俄國地溫都布拉克等向東流水之處為中國地自此往西南由喀喇套山頂行至畢爾巴什山即順向南流水之達喇圖河至特克斯河過特克斯河順那林哈勒河靠天山嶺為界自此往西南分晰回子部落布魯特部落住牧之處由特穆爾圖淖爾南邊之罕騰格爾薩瓦巴齊貢古魯克喀克善等山統曰天山之頂行至慈嶺靠浩罕界為界

中俄塔城議定記約第四條

現將邊界順山嶺大河及常住卡倫議定後其邊界以外分入俄國之地原有中國烏里雅蘇臺科布多所屬大阿勒臺等山

嶺迤北舊住之烏克河等卡倫塔爾巴哈臺所屬塔爾巴哈臺山嶺迤北舊住之鄂倫布拉克等卡倫及阿拉套山迤北舊住之胡蘇圖阿魯沁達蘭卡倫伊犁所屬舊住之匡果羅鄂倫等卡倫建立界牌鄂博以前仍聽中國在彼住守統俟明年兩國立界大臣會同建立界牌鄂博時何處將界牌鄂博立畢即將何處應向內挪移卡倫限一月內挪移

中俄塔城議定記約第五條

今將邊界議定永固兩國和好以免日後兩國為現定邊界附近地方住牧人丁相爭之處即以此次換約文到之日為准該人丁向在何處住牧者仍應留於何處住牧俾伊等安居故土各守舊業所有地面分在何處其人丁即隨地歸為何國管轄嗣後倘有由原住地方越往他處者即行撥回免致混亂

中俄塔城議定記約第六條

自現在議定邊界換約之日起過二百四十日即為兩國立界大臣訂准日期俄國兩起立界大臣均赴阿魯沁達蘭喀布塔蓋兩卡中間會齊一起會同伊犁立界大臣往西南按照議定界址建立界牌鄂博一起會同塔爾巴哈臺立界大臣往東北按照議定界址建立界牌鄂博行至瑪呢圖噶圖勒幹卡倫會同科布多立界大臣按照議定界址建立界牌鄂博行至索果克卡倫會同烏里雅蘇臺立界大臣按照議定界址建立界牌鄂博至沙寶達巴哈止如遇大山以山梁劃界遇大河以河岸劃界如遇橫山橫河俱以新立界牌鄂博劃界至建立界牌鄂博時總以各址界處所水流之方向作為立界之憑擇其地方形勢建立如有大嶺行人不能越往實難堆立之處即以水流及山嶺為界其平曠之區兩國堆立界牌鄂博時中間空出二十丈作為公中之地所立界牌鄂博以左其山河所產一切物件均屬中國所立界牌鄂博以右其山河所產一切物件均屬俄羅斯國

中俄塔城議定記約第七條

明年兩國立界大臣建立界牌鄂博畢再將堆立界牌鄂博共若干處及均在何處堆立地名作記互換為憑

中俄塔城議定記約第八條

今將兩國應分界址議定建立界牌鄂博後倘有河源係在中國而流注於俄國者中國不得改截其流注之故道倘有河源係在俄國而流注於中國者俄國亦不得改截其流注之故道

中俄塔城議定記約第九條

從前僅止庫倫辦事大臣與恰克圖固畢爾那托爾及伊聶將軍塔爾巴哈臺參贊大臣與西悉畢爾總督往來行文自今勘定邊界之後烏里雅蘇臺科布多二處遇有會同俄國查辦事件應擬增添由烏里雅蘇臺將軍科布多參贊大臣與托木色米珀拉特二省固畢爾那托爾往來行文辦理其所行文件或用清字或用蒙古字俱可

中俄塔城議定記約第十條

塔爾巴哈臺所屬巴克圖卡倫迤西小水地方舊有種地納糧民莊五處該處地面按今定議界址雖已分在俄國惟該民人所種田地斷難遽令遷移應於立界後限十年內令伊等陸續內遷今經兩國大臣會同議定將一切分定界址繪圖四分圖內分定界址地名用俄羅斯字滿洲字合璧註寫兩國勘界大臣鈐印畫押並作此記約用俄羅斯滿洲等字各書寫四分兩國勘界大臣鈐印畫押一併互換兩國分界大臣各存圖誌一分記約各一分以便查辦外其餘圖誌二分合璧記約二分由兩國分界大臣自行呈送各本國總理各國事務衙門各一分以備補續京城議定條約為此互換記約可也

俄續約第一條 通商約章類纂

議定詳明一千八百五十八年瑪乙月十六日即咸豐八年四月二十一日在愛璉城所立和約之第一條遵照是年伊五月朔一日即五月初三日在天津地方所立和約之第九條此後兩國東界定為由什勒喀額爾古納兩河會處即曠黑龍江下流至該江烏蘇里河會處其北邊地屬俄羅斯國其南邊地至烏蘇里河口所有地方屬中國自烏蘇里河口而南上至興凱湖兩國以蘇烏里及松阿察二河作為交界其二河東之地屬俄羅斯國二河西屬中國自松阿察河之源兩國交界踰興凱湖直至白稜河自白稜河口順山嶺至瑚布圖河口再由瑚布圖河口順琿春河及海中間之嶺至圖們江口其東皆屬俄羅斯國其西皆屬中國兩國交界與圖們江之會處及該江口相距不過二十里且遵天津和約第九條議定繪畫地圖內以紅色分為交界之地上寫俄羅斯國阿巴瓦噶達耶熱皆伊亦喀拉瑪那倭伯啦薩土烏等字頭以便易詳閱其地圖上必須兩國欽差大臣畫押鈐印為據

俄續約第二條

上所言者乃空曠之地遇有中國人住之處及中國人所占漁獵之地俄國均不得占仍准中國人照常漁獵從立界牌之後永無更改並不侵占附近及他處之地

西疆尚在未定之交界此後應順山嶺大河之流及現在中國常駐卡倫等處及一千七百一十八年即雍正六年所立沙賓

達巴哈之界牌末處起往西直至齋桑淖爾湖自此往西南順天之直穆爾圖淖爾南至浩宇邊界為界

### 俄續約第三條

嗣後交界處有含混相疑之處以上兩條所定之界作為解證至東邊自興凱湖至圖們江中間之地西邊自沙賓達巴哈至浩罕中間之地設立界牌之事應如何定立交界由兩國派出信任大員秉公查勘東界查勘在烏蘇里河口會齊於咸豐十一年三月內辦理西界查勘在塔爾巴哈臺會齊商辦不必限定日期所派大員等遵此約第一第二條將所指各交界作記繪圖各書寫俄羅斯字二分或滿洲字或漢字二分共四分所作圖記該大員等畫押用印後將俄羅斯字一分或漢或滿字一分共二分送俄羅斯收存將俄羅斯字一分或滿或漢字一分送中國收存互換此記文地圖仍會同具文畫押用印當為補續此約之條

### 塔爾巴哈臺界約首段 通商約章類纂

塔爾巴哈臺立界大臣奎昌會同俄國建立牌博大臣穆魯木策博各遵照同治三年九月十六日兩國大臣在塔爾巴哈臺商定圖約分別紅線交界處所照各在塔爾巴哈臺所屬地方交界建立牌博今兩國大臣會同自瑪呢圖噶圖勒幹起至哈巴爾蘇地方建立牌博完竣為此兩國彼此將已立交界牌博地名起止地方及已立牌博數目並議定條例開列於後

### 塔爾巴哈臺界約第一條

自塔爾巴哈臺瑪呢圖噶圖勒幹卡倫起往東南行至賽哩鄂拉先往西南後行西順塔爾巴哈臺山嶺至哈巴爾蘇地方止此一段共建立牌博十處第一處起即在瑪呢圖噶圖勒幹卡倫地方建立牌博一處次在哈爾塔爾地方建立牌博一處沙爾布拉克地方建立牌博一處沙爾托羅蓋地方建立牌博一處察汗鄂博地方建立牌博一處克爾根達什地方建立牌博一處巴彥木爾占地方建立牌博一處庫哲滾大壩地方建立牌博一處布凱阿蘇地方建立牌博一處哈巴爾蘇地方建立牌博一處共建立牌博十處

### 塔爾巴哈臺界約第二條

同治九年七月十六日兩國大臣自瑪呢圖噶圖勒幹卡倫起至哈巴爾蘇地方止新立交界牌博十處其中間隔疏密不一凡人不能行走之地即為交界處所其立定交界東南為中國地方西北為俄國地方兩國各以此次新定界址為憑永遠遵守不可混清其餘各項事宜均照同治二年九月間兩國大臣在塔爾巴哈臺議定圖約辦理今兩國大臣會同建立塔爾巴

哈臺交界牌博各宜將交界起止地方牌博名數各書四分兩國交界大臣各將圖約鈐印畫押彼此更換為憑並畫地圖二紙兩國大臣會同畫押各鈐用印信俄國建立牌博大臣存收一紙中國建立塔爾巴哈臺牌博大臣存收一紙永昭信守

塔爾巴哈臺界約第二條

此次兩國建立牌博大臣各立塔爾巴哈臺交界牌博十處理應遵照舊章每年兩國派員會同往查一次惟塔爾巴哈臺尚未克復不能照章往查一俟塔爾巴哈臺克復後仍照舊章每年兩國派員會同往查一次

科布多界約首段通商約章類纂

同治八年科布多立界大臣奎昌會同俄國立界大臣巴布闊福各遵照同治三年九月十六日兩國大臣議定圖約分割限道界址地名建立科布多所屬西北邊疆界牌鄂博今兩國立界大臣會同自賽留格木山適中之布果素克達巴哈起至瑪呢圖噶圖勒幹卡倫止建立界牌鄂博完竣為此將兩國互相建立界牌地名起止處所及牌博數目並擬章程開列於後

科布多界約第一條

自科布多東北邊界賽留格木適中之布果素克達巴哈起向西南順賽留格木山嶺至奎屯鄂拉即往西行沿大阿勒臺山至海留圖兩河中間之山轉往西南順此山直至察奇勒莫斯鄂拉轉望東南沿齊桑淖爾邊順喀喇額爾齊斯河岸至瑪呢圖噶圖勒幹卡倫止分為兩國交界計此一段共已建立牌博二十處首起即於布果素克達巴哈建立牌博一處次接於杜爾伯特達巴哈建立牌博一處於塔布圖達巴哈建立一處博勒奇爾建立一處察幹布爾噶蘇建立一處烏蘭達巴哈建立一處巴喀那斯達巴哈建立一處薩爾那開建立一處巴爾哈斯達巴哈建立一處拜巴爾塔達巴哈建立一處庫爾楚木建立一處特勒克梯建立一處固洛木拜建立一處薩拉陶建立一處薩勒欽車庫建立一處特勒斯愛哩克建立一處鄂里雅布拉克建立一處奇普克里什建立一處察奇勒莫斯建立一處末至瑪呢圖噶圖勒幹卡倫建立一處共計建立牌博二十處

科布多界約第二條

自同治八年五月二十三日扣足三百六十六日兩國各派能幹員弁查勘新建牌博一次烏里雅蘇臺委員自賽留格木山東行至沙濱達巴哈布科多委員自瑪呢圖噶圖勒幹往東至賽留格木山適中之布果素克達巴哈每年應照此查辦俄國派官一員至賽留格木山會同烏里雅蘇臺委員查勘新立界牌一員起瑪呢圖噶圖勒幹會同科布多委員查勘新



建牌博永遠遵行其新立牌博倘有損壞之處仍應照舊各自修補

科布多界約第三條

同治八年七月初六日中國大臣奎昌與俄國立界大臣巴布闊福等自布果素克達巴哈至瑪呢圖噶圖勒幹卡倫新建界牌鄂博二十處其間疏密不一有行人不能越往之處即以山為界限所建定界址東而南面為中國科布多地西而北面為俄國地兩國各以此次新定邊界為憑永遠遵守不得混淆其餘一切悉照同治三年九月兩國分界大臣在塔爾巴哈臺議定原約辦理今經兩國大臣會同建定科布多邊界牌博各將界址起止處所牌博名目寫約各四分兩國建界大臣各於圖約上鈐印畫押互換為憑其畫地圖二張兩國立界大臣會同畫押鈐印俄國立界大臣分取一張永路信守可也

烏里雅蘇臺界約首段 通商約章類纂

同治九年烏里雅蘇臺大臣榮全遵照同治三年九月塔城和約擬定烏里雅蘇臺西北俄國所屬各處總圍內紅色之界今自薩留格穆斯克山嶺之柏郭蘇克山至沙濱達巴哈俱設有界牌立牌後兩國分界大臣即抄錄地冊界牌數目及建立界牌處所名目一併開列於後

烏里雅蘇臺界約第一條

議定俄國交界以烏里雅蘇臺西北為界自薩留格穆斯克山嶺之柏郭蘇克山東北順薩留格穆斯克山嶺至格奴額拉山嶺西末處再順薩揚斯克山嶺往北往東直至沙濱達巴哈界牌俱經兩國分界大臣定立為界柏郭蘇克界牌經俄國分界大臣會同科布多分界大臣於柏郭蘇克山嶺西設立為界即名柏郭蘇克中國界牌於烏里雅蘇臺科布多中間之柏郭蘇克山設立為界烏里雅蘇臺界牌由科布多界牌往北經俄國分界大臣會同烏里雅蘇臺分界大臣往東至塔斯克哩山嶺上設為第二界牌即名塔斯克哩自塔斯克哩往東北至珠盧淖爾由珠盧淖爾東南至哈爾喀山嶺設為第三界牌即名喀爾喀自哈爾喀山嶺順珠盧淖爾北岸至塔奴額拉南察布產設為第四界牌即名察布產從此順拉塔額山嶺西向迤莫多圖扎拉都倫烏爾圖查罕拉克喀圖四河再順他蘇爾亥山從沙克魯河往東北至庫色爾山設為第五界牌即名庫色爾自庫色爾山往西北至塔奴額拉山末處逾哈拉畢拉河靠該山角迤西初哩查河口設為第六界牌即名初哩查自初哩查河往東北順薩陽山逾瑪奴胡穆奴克霍額拉什三河由哈拉淖爾至索爾山設為第七界牌即名索爾山往東北至

沙濱達巴哈附近烏里雅蘇臺設為第八牌界即名沙濱達巴哈此處原因雍正六年恰克圖所定和約內業經建立牌此  
次俄國毋庸再行建立其附近烏里雅蘇臺上俄國所屬各處界牌俄國設立有六中國設立有八今即以此定立為界其  
餘難逾之峻嶺早經兩國分清遂援此嶺為界即總圖紅限是也自沙濱達巴哈起至柏郭蘇克山嶺按現定交界順山嶺一  
西一北即嶺之右歸俄國屬轄山嶺一東一南至烏里雅蘇臺即嶺之左歸中國屬轄現定地冊俄國與烏里雅蘇臺接壤  
之地界牌數目建立處所名目並山名河名一併備圖註明永遠勿替仍遵同治三年塔城和約辦理

### 烏里雅蘇臺界約第二條

為重整查閱界牌事應由兩國分界大臣另派員弁自同治八年五月十五日起扣至三百六十六日該員弁等應按照擬定  
處所會齊前往查閱俄國所派員弁會同烏里雅蘇臺所派員弁查閱俄國與烏里雅蘇臺接壤之地應按照定期於薩留格  
穆斯克山嶺之柏郭蘇克界牌會齊自此前往東北查至現定沙濱達巴哈界牌為止烏里雅蘇臺分界大臣派員查閱界牌  
時亦應照此辦理此章既定應行永守勿更俾免界牌遷移損壞是以兩國分界大臣將地冊錄清書寫俄國字四分滿洲字  
四分共八分並將現定交界繪為地圖二頁其內將界牌數目用俄滿文字註明該大臣等畫押用印後各持四分地圖一頁  
於同治八年七月二十八日在昌吉斯臺互換永持為憑

### 附烏里雅蘇臺界約記略

烏里雅蘇臺立界大臣伊犁將軍榮全奏議建立烏屬界牌鄂博遵照定約於同治八年四月十一日在烏克克卡倫會議  
各議所屬牌博以定兩國交界五月初四日中國科布多立界大臣奎昌俄國立界大臣巴布闊福穆魯木策博等公同酌  
議往原圖所繪之賽留格木地方為烏科交接之處會同建立牌博以便兩處分立議定後於五月二十七日順賽留格木  
山嶺同至柏郭蘇克嶺上適中之地為城立第一牌博於北科城立牌博於南俄國立鄂博於西立畢科城大臣會同俄官  
向西南立界至瑪呢圖噶圖幹為止為城大臣同俄官穆魯木策博向東北立界至沙濱達巴哈為止此嶺並無樹木亦  
無大河水勢窪窪係科屬之阿勒坦淖爾烏梁海東北邊末處即係烏屬唐努烏梁海西南邊境由此嶺向東北行約八十  
里至塔斯啓勒山於山頂同立第二座牌博此處並無樹木偏山泥淖山下有塔斯啓勒小河一道水向東南流山東南為  
中原地山西北為俄國地又向東北行約九十里至原圖所繪之珠盧淖爾東南岸約十數里哈爾噶小山上同立第三座  
牌博其東南為中原地其西北接連珠盧淖爾為俄國地又順珠盧淖爾北岸約二十餘里至唐努山南察布蘇雅嶺上同

立第四座牌博山北為中原地山南接連珠盧淖爾為俄國地此兩界間橫直並無樹木大河均係泥淖亂石沿唐努山南向西過莫多吐河扎勒都倫河烏爾吐河察罕扎克蘇吐河順哈喇蘇爾海山至沙克魯河轉向東北約二百五十餘里至至庫色爾壩係唐努烏梁海西方邊界同立第五座牌博壩上無樹巨石削劣其東為中原地其西為俄國地由此向西北約九十餘里至原圖所繪之唐努鄂拉達巴哈末處過哈喇河偏西山山下楚拉察水流之處同立第六座牌博此地泥淖太大樹木無多遠東迤南為中原地迤北為俄國地由此向北向東順原圖所繪之薩彥山過瑪納胡河蒙納克河浩拉什河由喀喇淖爾至蘇爾大壩約共一百五十里同立第七座牌博此壩並無樹木泥淖其東南為中原地其西北為俄國地由此向北向東約三百六十里餘崇山綿亘木石叢雜山脈連貫直至沙濱達巴哈堆立第八座牌博其東南為中原地其西北為俄國地以上烏里雅蘇臺共立牌博八座有牌博處以牌博為界其不能越往山嶺即以山嶺為界均以圖內紅線定兩國交界自東北沙濱達巴哈起至西南賽留格木山柏郭蘇克壩止紅綫以左均為中原地紅綫以右均為俄國地今將立定牌博數目地名山河形勢繪圖作記為憑並將現增議定條款開列於後其餘應辦事宜均照從前議定條款酌量遵辦自同治八年五月十五日起算足三百六十六日兩國各派妥靠官兵將新立牌博查看一次烏里雅蘇臺委員等由賽留格木向東至沙濱達巴哈查看科布多委員等由瑪呢圖嚙圖勒幹向東至賽留格木查看按年均應照此查辦俄國派官二員一由托木斯蓋省派出往賽留格木由新立牌博起會同烏里雅蘇臺委員等查看一由斜米省派出往瑪呢圖嚙圖勒幹由新立牌博起會同科布多委員等往查永遠遵行其新立牌博如有損壞仍照舊式即各補修將此圖記鈐印畫押互換為憑

中俄改訂條約第一條通商約章類纂

大俄國大皇帝允將一千八百七十一年即同治十年俄兵代收伊犁地方交還 大清國管屬其伊犁西邊按照此約第七

條所定界址應歸俄國管屬

中俄改訂條約第五條

兩國特派大臣一面交還伊犁一面接收伊犁並遵照約內關繫各事宜在伊犁城會齊辦理施行該大臣遵照督辦文收伊犁事宜之陝甘總督與土爾吉斯坦總督商定次序開辦陝甘總督奉到 大清國大皇帝批准條約將通行之事派委委員前往塔什干城知照土爾吉斯坦總督自該員到塔什干城之日起於三個月內應將文收伊犁之事辦竣於先期詳

設亦可

中俄改訂條約第七條

伊犁西邊地方應歸俄國管屬以便因入俄籍而棄田地之民在彼安置中國伊犁地方與俄國地方交界自別珍島山順霍爾果河斯至該河入伊犁河匯流處再過伊犁河往南至烏宗島山廓里孔特村東邊自此處往南順同治三年塔城界約所定舊界

中俄改訂條約第八條

同治三年塔城界約所定齋桑湖逆東之界查有不妥之處應由兩國特派大臣會同勘改以歸妥協并將兩國所屬之哈薩克分別清楚至分界辦法應自金峒山過黑伊爾特什河至薩烏爾嶺畫一直綫由分界大臣就此直綫與舊界之間酌定新界

中俄改訂條約第九條

以上第七第八兩條所定兩國交界地方及從前未立界牌之交界各處應由兩國特派大員安置界牌該大員等會齊地方時日由兩國商議酌定俄國所屬之費爾干省與中國喀什噶爾西邊交界地方亦由兩國特派大員前往查勘照兩國現管之界勘定安設界牌

附光緒七年中俄卡倫單

中國卡倫

一胡柏里志呼

二則林圖

三毛葛子格

四烏梁圖

五多羅洛克

六霍林納拉蘇

七巴位查

俄國卡倫

一斯他羅祖魯海圖斯基

二查罕額羅業甫斯基

三克留車甫斯基

四庫魯蘇他業甫斯基

五查蘇車業甫斯基

六杜魯勒古業甫斯基

七托克托爾斯基

八巴楊達爾噶

九阿深嘎

十鳴孽

十一烏阿勒嘎

十二庫達拉

十三恰克圖

十四哈拉呼志爾

十五治爾格臺

十六鄂爾托霍

十七伊勒克池拉穆

十八烏尤勒特

十九貝勒特斯

二十賽鄂鄂拉

二十一金吉里克

二十二攸斯提特

二十三蘇鄂克

二十四查罕鄂博自此卡倫以下兩國同名

二十五布爾噶蘇臺

二十六哈巴爾烏蘇

二十七巴克圖

二十八喀普他蓋

二十九闊克蘇山口

八

九阿深金斯基

十們森斯基

十一沙拉鄂勒斯基

十二庫達林斯基

十三恰克圖

十四博齋斯基

十五熱勒都林斯基

十六哈拉采斯基

十七哈木聶斯基

十八克留車甫斯基

十九歡金斯基

二十額庚斯基

二十一

二十二

二十三

三十霍爾果斯

三十一別靈里山口

三十二帖列克第山口

三十三圖魯噶爾特山口

三十四蘇約克山口

三十五伊爾克什唐

單內所開過界各卡可俟中國邊界官及俄國領事官體察情形報明後由中國總理衙門會同俄國駐京大臣商議酌改將查明可裁之處分別刪減或以便商之處酌量更易亦可

美續約第一條通商約章類纂

大清大皇帝按約准各國商民在指定通商口岸及水路洋面貿易行走之處推原約內該款之意並無將管轄地方水面之權一併議給嗣後如別國與美國或有失和或至爭戰該國官兵不得在中國轄境洋面及准外國人居住行走之處與美國人爭戰奪貨劫人美國或與別國失和亦不得在中國轄境洋面及准外國人居住行走之處有爭奪之事有別國在中國轄境先與美國擅起爭端不得因此條款禁美國自行保護再凡中國已經指准美國官民居住貿易之地及續有指准之地或別國人民在此地內有居住貿易等事除有約各國款內指明歸某國官管轄外皆仍歸中國地方官管轄

中法會訂越南新約第一款通商約章類纂

一越南諸省與中國邊界毗連者其境內法國約明自行弭亂安撫其擾害百姓之匪黨及無業流氓悉由法國妥為設法或應解散或當驅逐出境並禁其復聚為亂惟無論遇有何事法兵永不得過北圻與中國邊界法國並約明必不自侵此界且保他人必不犯之其中國與北圻交界各省境內凡遇匪黨逃匿即由中國設法或應解散或當驅逐出境倘有匪黨在中國境內會合意圖往擾法國所保護之民者亦由中國設法解散法國既擔保邊界無事中國約明亦不派兵前赴北圻至於中國與越南如何互交逃犯之事中法兩國應另行議定專條凡中國僑居人民及散勇等在越南安分守業者無論農夫工匠商賈若可無責備之處其身家產業均得安穩與法國所保護之人無異

中法會訂越南新約第二款



一自此次訂約畫押之後起限六個月期內應由中法兩國各派官員親赴中國與北圻交界處所會同勘定界限倘或於界限難於辨認之處即於其地設立標記以明界限之所在若因立標處所或因北圻現在之界稍有改正以期兩國公同有益如彼此意見不合應各請示於本國

洋務十八固國中

復總署論挖吳淞漲沙書

兩江總督李宗義

尋繹鈞函以吳淞漲沙之累洋人晚漬不已幾有萬難罷休之勢而董憲所及仍以該處究竟應否挑挖經費如何籌畫並是否地居險要有無妥設廠位等事分別下詢此數言中固已明示以輕重權衡之要而行止之機宜已不待躊躇而可決矣宗義於該處水道地勢商船進出情形未會親身閱歷而考證圖志徧詢眾論來酌本案事理乃知此段漲沙實難開挖而其所以不可行者約有數端請為縷晰陳之查查同治四五年間洋人請挖吳淞海口當經上海道查復略云該處尚無須挑落若為不甚經意以姑置之此亦辦理之一法迨上年繪送沙圖並由沈道指稱沙隨潮漲人力難施亦不過搪塞一時今觀龍木絕外則十四國領事合詞挾制內則英俄各使相繼要求而朱丞復詢及是否地居險要一層尤為慮深恐獨見其大現查此段淤沙坐落黃浦江與大海相接口門之內西岸為寶山東岸為川沙實為由海入蘇松等處要道自北而南入此口門不數里許其西即有內河來通此江名吳淞口亦名胡巷口今人俱以黃浦口為吳淞口其實吳淞口即在黃浦口內該淤沙自口門東偏隱伏水底南至江心沙始露出水面凡華洋大船初入口必沿西岸而行見此沙露出水面西岸水底又有淤沙各船必改依東岸行駛至此沙盡處方能暢行口門向有礮臺對設東西兩岸濱臨海口江心沙雖在礮臺之南數里其實礮臺相對之處水底已伏此沙各船行駛之處與西岸礮臺無相近也黃浦口內淺處每逢冬令潮漲之時深一丈四五尺不等潮涸之時尚深一丈五六尺不等重載洋輪喫水二丈餘者到此偶有停泊候潮之事並非各船皆然亦非通年皆然洋人現欲挖長一千七百碼寬一百碼外國四碼合中國一丈而鈞則是長四百二十餘丈寬將一十五丈其意只欲為重載洋船開一船道並不全挖殆謂此事尚無所損耳孰知其所損已多乎此沙在口內鱗亘數里多伏水底自成險阻外國大輪船有時畏淺不敢闖然而入彼之所忌正我之所利也黃浦口外水底積沙咸以為攔門之限口內復有此沙明明寬平江面而大船到此只有屈曲一綫可行之路亦可謂天險矣豈可曲徇一時之請有短垣而自毀之哉夫居今日而言設險誠不足為外人道然自通商以來外國初未嘗阻我之修武備設防汛也各局廠製造軍火輪船皆開津於西國蓋與和約本兩不相妨若仿天津辦法則上海內外砲臺正不妨隨時修葺我舊規此案儘可以該處淤沙形勢所關未便輕動正色與言推誠相告使彼

心折而語塞似屬正辦若隱忍不露彼轉煩聒不休即略事與挑彼必再求深澤而我已自失其險矣是不可行者一也查英約第二十款載明英國船隻有在中國沿海地方擱淺地方官查知即設法妥為料理等語並無將擱淺處之於泥設法挑濬之說足見中外只能各就港口之深淺酌行船載之輕重在洋商不應儘食重運以嘗試天生之提沙在中國豈能特開新途以招徠無限制之津載非但條約章程無此辦法即萬國公法亦無以此破格之故事若置約不問惟外國重載商船是利違強中國以驟興大役此端一啓則效尤者皆將於約外求開方便之門即如長江之九江以上亦多淺阻冬間重載輪船頗難行駛必須用小輪船刺至漢口他如大沽海口之擱港沙壘鹿耳門之七鯤牙輪船到彼皆難暢行若准挖此沙萬一彼復援例請挖長江大沽及鹿耳門又將何以應之是不可行者二也沈道讓令此項經費華船大者一體捐助其意蓋謂該處挑濬總於行船有益華洋均無一致此說亦未盡然黃浦為東南第一繁盛之口內地帆檣林立究之大船少而小船多長奔洪不畏擱淺往往停泊淺處榜人高卧船頭徐待潮至嗚榔自在而行令若於海口驟添中洪之險則避之惟恐不及當逢洪岸之時轉增一番戒心且中洪既寬洋船破浪進出較前更速而無異華民小船首承其敵夫吳淞者中國之海口也以中國無算民船之不利為外國數輪船之利不已噴索奪主乎昔宋王觀奏開海口諸浦而劉愨按行請開海口反有風波駕入之憂康熙年間邑人張震書云松江之牘主遏潮以拒泥沙與西北之牘蓄水以利舟楫者大異今乃以遏沙之具而為舟楫之資是使海中之潮日來江中之沙日淤即此說以參互觀之則開海口以致大潮不足為我舟楫之利亦甚明矣是不可行者三也沈道前稟吳淞口深通則宣洩無滯於水利亦為有裨等語此說亦未盡然查核松江水利成業與前人論者黃浦今昔情形均與沈道所議不相符合溯自明初松江淤塞後江入黃浦以歸海今之黃浦口所以亦稱吳淞口也黃浦所受之水即松江所受之太湖分派赴海之水也浦之通塞誠有關於蘇松水利而其要則在於助江以敵潮出清以退渾未聞其落沙以助潮也明嘉靖初蘇撫李允禎嘗用潘川爬鐵帶船以濬吳淞水道並不聞濬海口之淤泥誠以江水清而海潮渾治於上流則眾水注江以出海斯所以為宣洩也治於海口則渾潮挾勢灌入以病江是求通反以致淤而何宣洩之有然則口內各岸之捍海塘禦潮堰杜之於潮後者人之所設也口內水底之漲沙截之於潮先者天之所生地之所成人力之所弗運也查寶山地圖乃乾隆十五年所刊浦內已有此沙迄今又一百二十餘年矣並未聞黃浦口壅塞不通是此沙無大增長可知且過此江心沙以南水皆深通具見海沙之來實賴此積沙過之無礙內水之出足防外沙之入於農田水利實有裨焉况華船可行外國船亦可行所稍有阻滯者僅裝貨太重之輪船耳未辦通商以前黃浦早已有此於沙奈何僅為近日洋船之偶不便

而遂欲挖去以亡己之水利乎是不可行者四也再查上海十四國領事申陳振軒內稱此事有礙洋商貿易之事實難詳細聲明故有面見振軒再述緊要關鍵之說若有十分掣肘之處究之迭次晚漬祇為輪船過此漲沙或延時刻或添剝費二事而已除此之外無所為難也殊不知各船俱無阻礙獨此數船或為此沙所滯則亦當自反而知其故矣惟其裝貨太多喫水太深遂有過淺候潮之事海潮一日兩至耽延不過數時即或適值大汛已過而船載太重仍須再候大潮否則起剝貨物令船稍輕方得過淺此皆重載船隻常有之事然實緣於自取不能護過於淤沙蓋該口久有此沙行船者誰不知之乃明知該口之水本有淺處而來船喫水之分數偏欲過之又不依淺候汛之常規而更欲連之假令續後更有來船馬力愈大喫水愈深亦欲勉強進口則就延必益久起剝必益多又將指為該口之淺阻益甚耶儻能懽然學計準照該口之淺深酌定來船裝貨之重輕自共通暢流行毫無滯矣乃不思減裝以避淺偏欲挖沙以就船是專為數隻輪船惜費而轉令中國動鉅帑與大工尤於情理有未協也是不可行者五也大抵洋人之為是謀亦明知此沙消長無定即挖去亦必復生故有既挖以後仍用機器常川拖挖之議是開挖之時費用既屬浩大既挖之後支銷仍無了期彼蓋以為之而效其獲益在洋商為之而不效其耗費在中國樂得進此愚公移山之計該關道前稟人力難施經費難籌已足見此事之必不能成其洋人方恃其機器之足用又注意七成船鈔之可以開銷若槩置不理則辨論滋煩未必即能帖服今擬委大員會同上海道督令熟悉挖沙之洋人詳細勘度如工程艱鉅不易成功或經費浩繁無從籌措即據情知照當可知難而退立作罷論如其仍從願預從事則當根據條約逐層駁斥有此數不可行諒彼亦將頓首無辭此事願關海防形勢水利大局今承函諭轉飭確切查明以憑核辦尤不敢稍存簡率用是不避煩瑣具陳顛末惟冀早識俯賜察度裁其偏駁訂其疏失俾成完論庶足備臨時採擇於萬一耳

籌邊論三編東北邊防

姚文棟

俄自咸豐十年踰大興安嶺而南與我黑龍江為界由是東路天險全失夫烏拉嶺者天所以限東西俄踰烏拉嶺而長駕萬里直指東海搖足唾手而盡有其地大興安嶺者天所以限南北今俄踰興安必將長駕南指其欲又烏可限量古人論守江必守其江外守准必守其淮外劃江者必不能守江劃淮者不能守淮今與俄中劃黑龍江南北分守則黑龍江之險其間不足恃也明矣夫吉林控壓東海有混同江綏芬河圖們江三海口經絡其間輪舟出海五日至燕齊十日至粵越二十日至閩粵萬里往返直呼吸聞事決決乎表海之雄風也庫頁島直混同江口此如崇明之鎖鑰長江臺灣之屏蔽浙閩亦為要地

國初時此島庫綠版圖不知何年為日本竊去三易主而歸俄屏藩一境東三省境地日感遼聲於此今吉林瀕海之地及  
三海口亦且盡為俄屬矣夫以形勝之地與敵而瑟縮退處於敵人藩籬之內此所謂聚六州之鐵鑄成大錯者俄既有混同  
江海口便要任松花江行船往來腹地吉林全省危機已萌芽於此俄既有圖們江海口便駐重兵於琿春以圖朝鮮朝鮮危  
機又伏於此假如中俄有釁俄在沿海及黑龍江中輪舟往來千里若咫而我奔走於置嶺崎嶇之間文報遲延兵士困憊其  
勞逆不同無論矣尤可慮者俄以兵船梭巡平日准行之混同江中則黑龍江省與吉林聲援隔絕而黑龍江必危又梭巡平  
日行船之松花江中胡鐵花吉林來信云此  
時松花江中尚無俄船則吉林省城與寧古塔聲援隔絕而寧古塔必危夫同治初年新羅倫陷亦因回  
匪起事哈密迪化城兩處關內外聲息中斷任其蠶食而西束手不能救援今吉黑情形頗與此相類前車之鑒未雨之謀宜  
在今日蒙以為混同江至松花江中宜練水師一支於沿江三姓呼蘭齊齊哈爾阿勒楚喀拉林伯都訥各城中酌設重鎮數  
處又輔以陸地旗屯夫泰西諸國在長江中行船假無操防水師將有反客為主之勢今俄人在混同江松花江中行船事同  
一例即當仿照辦理查會典則例載順治十八年設吉林水師營又康熙十三年自吉林移駐水師營於黑龍江夫吉林黑龍  
江在 祖宗朝為腹地尚有水師防營今為邊地又值多事之秋則水師營之不可緩亦明矣况況參酌舊制不必甚費更張而  
於邊務大有裨益至吉省拉林阿勒楚喀地方江省齊齊哈爾呼蘭地方皆有膏腴可耕之地核計不下二千餘里雍正十三  
年乾隆六年十年皆有屯墾成業其地在混同江兩岸若辦理陸圍不特與水師有輔車倚角之勢又可扼守嫩江松花江兩  
口兵食胥足節節有防東徵可以安枕無憂若黑龍江與俄劃中流為界此與二國時蜀距江為守情事相類所謂沿江上  
下所在皆險而尤以額爾古納河通入黑龍江口一處為最要俄若攔入額爾古納河進踞呼倫貝爾則江省與蒙古聲息中斷  
俄得以縱橫自如江省既無自全之策蒙古亦大有危機矣

贈朝鮮人李秉粹歸國序

姚文棟

朝鮮聘貢我 朝以來 列國 列宗覆之如一家國中太饑則海運漕粟以賑之國中討賊則頒有功將士萬金以犒之我  
朝之待他國未有隆於朝鮮者也今年六月之變 皇上赫然震怒命將遣師討平其亂亦猶繼 先聖之志顧其國東  
西南三面瀕海近年海禁弛開仁川釜山元山三口與日本及泰西諸邦通商往來五洲之賈船兵艦梭織於海上而東北  
一隅與鄂羅斯隔江為隣聲息相聞今亂事雖靖共於內治外交之道均不可以不講也夫日本之規伺朝鮮數百年於茲矣  
國中人當無不知之而鄂欲逞志五洲必首發難於朝鮮則或未知也鄂之強於五洲歐亞諸國皆有戒心彼所慮者無形便

之海口且是以欲得土耳其於西不得則欲得波斯於南又不得則欲得朝鮮於東其叵測之心豈復可量朝鮮自開海禁而後識時之後傑揣摩風尚無不競談海務以策自強然愚謂海與邊並重海事近而為禍淺邊事遠而為禍深若邊海並善可也若顧海而略於邊是大不可夫朝鮮安平咸鏡二道其民鷙悍耐寒苦可用以防邊地廣而荒未得古人實塞下之意今宜移民於鏡城鍾城以北一帶之地開墾荒土以裕餉而治民為邊庭久遠之計鄂之經營東老華爾日本之經營蝦夷皆是道也抑朝鮮於我朝非獨情誼如一家也其土宇遼遠亦如一家之相依倚不破除吟域不足以保朝鮮以海道言之燕臺固仁川之應援矣而我陸路璋春一軍與慶源慶興一鎮夾豆滿江以相犄角亦如常山蛇勢第一鎮得地而力弱而我軍所駐距海太遠非用武之地將來如有鄂警宜於豆滿江口添練水師我軍渡江而南協力相守乃足以當雄敵此愚所云不分畛域者也李君沈靜有智識與子諱論素契洽於其歸國故書予之所見者告之

保護朝鮮議邊防備述  
乙酉三月

朝鮮世列東藩久資屏蔽兩遭內亂悉與戡乎字小之仁禦侮之力赴機應變之神若較處置法越一事差強人意者然而賊臣雖戮黨惡尤多日使乍臨要挾甚眾內憂外患豈一日可忘而中國所代為保護者雖善而猶恐未盡得焉夫馬山浦距高京纔百八十里是處防營扼要駐守原以通咽喉而杜窺覷乃不審形勢緩急而輕於撤防僅使數十人虛張旗鼓當客歲十月之變此要口之不為洪英植與日人襲取幸矣且洪逆等敢擅殺大臣逼脅君主者實藉日兵為之外應而日亦得假護衛之名攘高厚以蹄掌握耳我防軍既就近援助以誅亂臣而保藩主矣當坐 諭飭出使日本大臣詰日助逆脅君及拒我援師之罪俾彼知理勢兩誦而厚郵我軍士傷亡不為過也乃我不能往詰日廷而日反使伊藤來詰慢辭要索肆意欺凌不可謂非中邦有以啓之矣顧疎失於前則必思補救於後救失如何一曰救高之失一曰救我之失所謂救高之失者宜 特派明達忠實大臣一員往駐高都務與其王懲前毖後任賢去邪化俗宜民講武脩睦俾守舊開化之黨宵棄裝畏服而不敢再啓狡謀庶可內安宮禁外靖流言而永絕敵人窺伺之萌乎若我之失總在掩飾於平時而竭蹶於臨時中法事殷則移駐高之師以防法而不顧近憂日高事起又調禦法之艦以援高而實避不出積弱積玩之餘非特貽笑法人即倭奴之侮我抑又甚矣今議保護朝鮮惟堅拒伊藤要挾諸端而命張曜雷正綰兩軍門移師東渡分屯高國各要隘以示必戰如仁川為日商所萃水源亦當敵之衝馬山尤我軍人高登陸之要地於此數處均各駐重兵以制敵出入竄患彼不知難而退耶夫日之船艦砲械本不迫法國之精而欲以法之圖越者圖高亦太不知自量今法已力繼請和諒日斷不敢求逞惟駐高諸軍恐不免



日久懈生且無威信素孚如吳忠壯者以鎮撫其地慮日高暫和之際不無吝懷意見妄起猜疑致日復藉口以激禍變耳誠使我與高不務止戈息民之虛名而講內脩外攘之實政勿事張皇勿妄更變但交派瑕譽以制侵侮庶前失之南藩者今猶得收之東隅乎然上策之莫如自治人類能言之而能實力行之者鮮矣況近聞津口議和又有允撤駐高防兵俾高自護治安之說耶

上吳清卿師

胡傳

竊某以書生從戎蒙恩培植首尾未滿三載遽得之官臨民夙夜思維冀圖報稱而莫知所自竊念法夷構禍南越東南沿海各省處處備兵以防騷擾夫以中國之全力防一法夷大小強弱勢既懸殊王客劣逸情亦易見勝負所在固可預知若我設防萬餘里備多則力分師老則財竭似已犯兵家之忌處處欲保全必不能處處保全自屬意中之事東南財賦所出各省日事添兵則協濟東北之餉後必不能如額以貢於戶部東陲各防之餉勢必岌岌俄羅斯虎視朝鮮逼處肘腋乘機蠢動以蹈我瑕亦屬意中之事我師先天下之憂而憂力肩艱鉅屢請帥師赴粵而廷旨仍令駐防深樂揣其用意非特欲固畿東各口殆欲兼顧東陲各防東三省 國家根本重地一旦有事 朝廷念中外大臣熟悉邊情莫若我師必仍以東事相屬促令回防倉卒之間兵單餉絀均可深慮某在邊久偵探俄事頗悉感念恩遇時切杞憂伏查俄之謀我禍莫大於乘隙我之禦俄策莫要於搗虛其事有當預籌者謹為我師預陳之吉林以黑龍江為肩背奉天以朝鮮為藩籬而其要害之區尤在文輝與琿春二處由文輝而西至黑龍根折而南至齊齊哈爾不過千里路甚平曠由齊齊哈爾而南至吉林省城平原廣野之地亦不過千里俄夷若以輪船載兵從文輝登岸直搗齊齊哈爾窺我三姓甯古塔琿春東防各軍之背則吉林震動東防各軍慮後路絕不得回顧則全局皆震動此北路之可慮者也俄兵若由黑頂子偷渡圖門江北可抄琿春之後南可拊朝鮮之背琿春失則彼攻朝鮮無復顧忌朝鮮失則不特東三省皆為所包而直隸山東江浙沿海各省亦不能高枕而臥此南路之可慮者也惟查俄夷經營東部現在尚未周密其用意專注朝鮮其設防偏重琿春而與我三岔口黑河口接界等處均不甚留意以我吉林之防兵駐於甯古塔之七河三姓之巴彥通距彼尚遠故也俄若入寇必南北並舉以牽制我吉林之兵使不得力援琿春以救朝鮮我之禁彼在黑龍江宜於文輝添設江防築砲臺江岸堵截彼輪船之來路吉林於甯古塔添練砲隊砲車無事則隱其形使不知備有事則出三岔口直搗彼雙城海參崴以攻其所必救俄謀朝鮮海道以海參崴為根本陸路以巖杵河為根本而其接濟之兵必由黑龍江經文輝出黑河口入混同江分路一入烏蘇里河踰興凱湖登岸以達雙城一

出混同江入海繞經海參崴以達摩闊崴我黑龍江兵禦之於艾輝三姓之兵移駐黑河口不惟彼之後路絕兼可牽制彼伯力之兵使不敢動彼雙城空虛路甚平夷我攻此則彼巖杆河之陸兵必回顧海參崴之砲船亦不敢遠出而琿春之圍自解如我軍得利能奪取雙城海參崴則俄兵之在東者形勢中斷巖杆河沿海一帶之地皆在我掌握之中南路肅清轉而向北與三姓之兵夾攻伯力則吉林以東二千餘里之地均可收復從此南蔽朝鮮東制日本北禦俄羅斯均易為力不特東三省固如金湯東海可永無俄患此地利之必爭者也黑龍江地寒每歲四月望後江水始開九月望後又復凍結彼輪船可駛每歲不過五閱月我之江防一設於艾輝再設於黑河口層層堵截每歲喫緊亦不過五閱月此天時之可恃者也彼東部兵不過數千民皆新徙未有固志遠距故都數萬里聲援既斷人心惶駭大兵一臨如鳥獸散自在意中我兵陸路則由吉林黑龍江出海道則由南北兩洋來源接濟可以持久而彼則不能此又人事之可恃者也我因失吉林以東數千里形勢之地使彼更逼處此為肘腋患必驅之乃可無憂然必及早籌添黑龍江江防寧古塔砲隊乃克有濟未雨綢繆備邊之要務爭先扼要制勝之良謀我不預籌彼爭先者一得一失關係大局豈淺鮮哉我師智燭幾先統籌四表消患於未然天下之幸非獨東三省一隅蒙福也

恭報會同俄員勘界立牌繪圖補記遵 旨畫押各日期疏光緒十二年

吳大澂

竊臣等奉 命會勘吉林邊界事宜於四月十九日由琿春起程前赴俄境巖杆河會商界務前經具摺奏明在案四月二十二十六日兩次會議曾將大略情形電達李鴻章轉電總理各國事務衙門五月十三日欽奉五月初五日 諭旨李鴻章轉電吳大澂所議屢界暨牌補記繪圖各節均尚妥協即著照議畫押欽此臣等竊思琿春與俄國交界地方有界限不清之處因咸豐十一年前戶部侍郎成琦會同俄員建立木界牌八處其末處土字界牌最關緊要不知何年毀失遍詢土人無從查究查琿春轄境處處與俄接壤臣依克唐阿到任後查閱邊界自琿春河源至圍門江口五百餘里竟無界牌一個黑帽子山瀕江一帶久被俄人侵佔屢與臣吳大澂照會俄員索還佔地並迭次面商據約辨論該俄員等一味支吾延宕竟於黑帽子地方添設卡兵接通電綫有久假不歸之意旋經吉林將軍臣布元專派協領穆隆阿雙壽壽等同俄員會勘僅至沙草峯為俄人所阻未經勘畢而回臣等此次會同俄國所派勘界大臣巴喇諾伏等商議界務首重立土字牌交界之處次則歸還黑頂子要隘之地據俄員舒利經指出成琦所換地圖上界綫盡處即咸豐十一年原立土字界牌之所江東有大泡子積水為記江西與朝鮮偏險城相對該員舒利經即係當時親自繪圖監立界牌之人言之確鑿並呈出大小圖稿一牌有一牌之

圖沙草峰所立土字界牌似非無據臣等詳查咸豐十一年所換地圖內英尺一寸係俄國里二十五里中國里五十里圖上界綫末處與海口相距幾及一寸係俄里二十餘里以中國里數計之定係四十五里惟咸豐十年條約內云兩國交界與圖門江之會處及該江口相距不過二十里咸豐十年交界道路記文內亦云圖門江左邊距海不過二十里立界牌一個上寫俄國土字頭現查十一年所立土字界牌之地並未照準條約記文二十里之說臣等與俄員巴啦諾伏及覆辦論該員以為海灘二十里俄人謂之海河除去海河二十里方是江口臣等以為江口即海口中國二十里即俄國十里沙草峰原立土字界牌既與條約記文不符此時即應照約更正巴啦諾伏仍以舊圖紅綫為詞堅執不允此四月二十二日與俄員議立界牌力爭未決之情形也此外尚有應辦事宜數端舊圖內拉字那字兩牌之間有瑪字界牌記文則缺而未立條約內怕字土字兩牌之間有啦薩二字界牌地圖記文略而不詳現應補立者一也舊立木牌年久易於朽壞鄉民有燒荒之例野火所焚延及牌木難免燬損改用石牌較為堅固應換立者一也兩國交界地段太長牌博中間相去甚遠路徑紛歧山林叢雜本未立牌之地難免越界之人自宜酌擇要地多立封堆挖溝為記愈密愈詳此應辦者三也俄人所佔黑頂子地方設有準卡現應補立土字界牌該處在紅綫界內臣依克唐阿當即派員前往接收添設卡倫以清界址此應辦者四也俄員舒利經現畫分圖以英尺一寸為俄國一里計中國里二里較舊圖尤為細密臣等與該員詳加攷核分注漢文俄文應將此圖畫押鈐印中俄各存一分以補舊圖之不備此應辦者五也以上各條均於四月二十六復議界務時臣等與俄員巴啦諾伏詳細妥商各無異議惟補立土字界牌一節再三辯駁始允於沙草峰南越嶺而下至平岡盡處豎立土字牌以江道計之兩舊圖展拓十八里逕直里數不過十四里臣等派員前往測量該處距圖門江出海之口順水而下為中國里二十里計俄國里十五里陸路直量為中國里二十七里俄國里十三里半臣等自奉 諭旨允准後即於五月十九日約同俄員巴啦諾伏及舒利經克拉多馬秋算等前赴圖門江議立界牌之地親自勘明年二十日將土字石牌公同監立並用灰土石片深埋豎築以期記經久所擬文應寫滿文漢文俄文各二分另繪分圖於六月初七日繕寫完竣臣等即於是日在農杆河俄館會同勘界大員巴啦諾伏等畫押鈐印訖除將記文地圖各一分由吳大澂回京復 命時面交總理各國事務衙門王大臣存案備查外所有臣等會同俄員勘界立牌繪圖補記遵 旨畫押各日期謹繕摺由驛馳陳

再圖門江土字界牌以南至海口二十里雖屬俄國轄境惟江東為俄界江西為朝鮮界江水正流全在中國境內中國如有船隻出入海口非俄國一國所能攔阻臣等與巴啦諾伏商議數次該使總以奏請俄廷示諭為辭應俟商妥後再行定議又

甯古塔境內倭字那字二界牌均與記文條約不甚相符臣等畫押事竣擬再赴三岔口一帶將倭字那字二界牌查勘明確如應更二之處再與巴啦諾伏等妥商辦理合併陳明

會勘倭那二牌應照圖約更正疏

吳大澂

竊臣等前因甯古塔境內倭字那字二界境均與記文條約不甚相符擬赴三岔口一帶查勘明確再與巴啦諾伏等妥商辦理會經附片奏明在案臣等約同俄使巴啦諾伏等於六月初十日同赴三岔口查勘倭字那字二界牌現在小孤山頂距瑚布圖河口尚有一里並非中俄交界地方查咸豐十一年前倉場侍郎成琦會同俄國大臣議定交界道路記文內稱在瑚布圖河口西邊立界牌一個牌上寫俄國倭字頭並未載明在小孤山細詢緣由因當時河口水漲木牌易於衝失權設山頂離河較遠若以立牌之地即為交界之所則小孤山以東至瑚布圖河口一段又將劃為俄地現與俄使巴啦諾伏議定將倭字石界牌改立瑚布圖河口山坡高處正在兩國交界之地按之地圖條約均屬相符以後永無爭執再查成琦所定交界道路記文內橫山會處立界牌一個上寫俄國那字頭該處與瑚布圖河口相距約有百數十里當日立牌之處本在荒山榛莽中人迹不到之處亦無路徑可尋年久無從蹤跡中俄邊界各官均以為此牌失毀漫無稽攷光緒二年甯古塔副都統雙福與俄官廓米薩爾馬邱甯補立那字界牌在瑚布圖河口正北山上距綏芬河與瑚布圖河交會之處不及二里倭那二字牌相去太近又非橫山會處自應查明更正臣等商派熟悉邊界之員會同俄官前往查勘適甯古塔副都統谷山添派佐領托倫托呼隨同臣等履勘邊界因委該佐領會同俄員舒利經裏糧入山十餘日依水尋源披荆闢路始於六月二十日訪得木牌一座上多朽爛僅存二尺餘下有碎石平砌臺基雖字迹剝落無存按其地勢正在橫山會處迤西即係小綏芬河源水向南流其為那字舊界牌似無疑義惟山路崎嶇林木蒙翳新造石牌一時難以運往現與俄使巴啦諾伏議明先於該處原立那字界牌之地掘深數尺堅築石臺俟冬令冰雪凝厚再將那字石牌由小綏芬河拉運到山屆時由臣依克唐阿派員前往會同俄官妥為建立至那字界牌中間數百十里自應添設封堆記號以清界址現由俄官舒利經督率繪圖各員詳細測量臣等協委佐領托倫托呼瑚布圖河卡官驍騎校永祥隨同察看並慎辦理等於七月初八日回至瑣春俟各處應換石牌應繪界圖一律告竣按圖畫押鈐印畢臣吳大澂再行回京覆命所有臣等查明倭字那字兩界牌案照圖約妥為更正緣由謹繕摺由驛馳陳

俄羅斯屬地西卑利亞新造鐵路圖說

洋務十八

五

姚文棟

俄國新聞云西卑利亞大鐵路俄政府規畫已久因工程重大遷延數年至本年始定議開築分為三段自打穆斯克至額爾庫特斯克為第一段自拜喀爾湖至納爾噴斯克為第二段自烏蘇里至滿湖斯德為第三段本年六月下旬米堪羅親王赴西卑利亞一為耶喀特隣堡新開博覽會一為打穆斯克新設大學校特往二處臨視其時自耶喀特隣堡至打穆斯克之間正在鋪設鐵路自打穆斯克以求即現所規畫之三段也俄皇於六月二十日准內閣之奏特派黑龍江太守鈞羅夫伯東部西卑利亞太守依苛納奇夫將軍督辦事宜而陸軍大臣總其成限定五年竣功計自俄京聖彼得堡至提烏們五日自提烏們至打穆斯克三日自打穆斯克至額爾庫特斯克波拜喀爾湖至納爾噴斯克二日自納爾噴斯克下黑龍江至烏蘇里四日自烏蘇里至滿湖斯德一日凡十五日間可由俄京直抵滿湖斯德俄廷以此事委之鈞羅夫伯及依苛納奇夫二人者其意注重行軍不待言矣現須俟百哥拉鐵路告竣即由諸納夫將軍率領夫役往西卑利亞開辦此人熟悉鐵路事宜價廉而工速歐洲諸國所共知者也又英國新聞載波磨利之說云西卑利亞地方富於鐵炭是以俄造鐵路用費極省只雇用夫役一項每名每日六片斯一片斯即銀洋一角二分也照此計算每英里一里需用二千五百魯林合銀洋六百二十五圓此外木料更不值幾何從前美國建築鐵路依綫路順序鋪設每日可成六里今俄國不用順序之法乃係數處同時興工其嚴事當倍速即以順序六里計之五百日亦可成三千里長之鐵道况數處同時興工則歐亞二洲東西貫通往來必在指顧間矣聞西卑利亞之南方一片平原最宜畜牧雖有夫役數百萬名食用可無虞不給此項大鐵路告成俄國貿易必極盛可占亞細亞全洲之半此事非今日始知十七年前和穆百利早已言之矣近年俄國農民爭赴西卑利亞西部開墾居住絡繹不絕蓋由其地便於耕作且有畜牧之利本年八月初俄國政府下令禁民移徙前往殆因人數已滿恐有爭奪田畝之患或是俄民在歐洲者聞西卑利亞開築鐵道爭往赴工故有是令歟

案俄屬烏拉嶺以東之地總名西卑西亞亦曰悉比利亞此鐵路緣新疆蒙古黑龍江之北吉林之東與我中國大有關係亟譯之以告世之留心邊務者

洋務十九國圍下

論今南洋各島國

上海葛士澹子源輯

吳曾英

中西關鍵全在南洋今欲嚴中國門戶之防絕外夷覬覦之漸必自經理南洋始南洋之東西諸島環繞儼然海國長城殆天造地設之險以保我中夏者也漢以後職貢稱臣其球相屬南洋從無西夷患梁書天竺傳稱與安息大秦在海中交易不聞設埠也唐書訶陵傳稱大食畏悉莫之威不敢加兵不聞據土也是時嶺南海間珍寶山積中國權其賦稅以充斥天府號為南庫島國之利抑亦中國之利也迨有明中葉葡萄牙西班牙荷蘭接踵西來滿刺加地間漸及於內地之澳門西班牙兼取呂宋荷蘭則據奪瓜哇三佛齊蘇門答臘浮呢文萊馬神吉理問諸國地又從而鼓棹香港盤踞臺灣肆擾舟山普陀連逾時揚帆西遁然彼西夷巢穴已布滿南洋矣邇來英吉利法蘭西內侮之始又以南洋為逆旅其故何哉地不與中國毗連密邇而口岸斜對西國船用夾板火輪遞相接應近者一二日遠者五六日徧歷諸島諸島之達中國亦復如之方今南洋濱海之國印度全境為所有即越南暹羅緬甸素隸典屬者亦皆割地輸金大受挾制加以南洋中荒島如澳大利亞巴布亞西里百摩鹿加大小無慮數十被皆壘關招徠日漸富庶處心積慮可為寒心履霜堅冰其來有自嘗慨有明之假以澳門及置呂宋瓜哇諸國於度外者實與棄大甯東勝河套哈密同一失策元代好尚武功史弼之征瓜哇亦不為無見惜功未立耳至今日而盤踞有年欲如鄭氏之驅逐紅毛固萬不可得惟西夷迭相強弱願有六國縱橫氣象近則稱雄西土威推德奧幾與俄美並駕齊驅英法聞已稍遜至荷蘭葡葡牙於西夷中最高弱小西班牙亦非甚大其橫啞南洋將來大有變遷實可預料即如亞黑利加本英吉利屬部自華盛頓起而立國今至與諸大國抗衡我未見南洋諸島中國民人立業者億萬必無華盛頓其人也且美之開國以英人殘虐故今中國商於南洋亦多畏苦若設官其地與之立約不淮格克取敢虐我商民彼不奉約借各國公使執萬國公法與彼理論如商民中有雄傑出眾者授以領事等職俾審其山川之向背圖其幅員之廣狹測量其海道之淺深并偵探西夷動靜以聞西夷如有勾引東洋潛謀為害於中國中國得而預備此即漢家隔絕羌胡之微意也況今器械精良仿模西法海疆有事命將出師參用夷夏漢量錯有言以蠻夷攻蠻夷中國之長技也於南洋乎何有

五印度形勢游歷蜀言

黃桂林



五印度為古天竺國一名身毒幅員遼闊地勢三角形每邊六千里其間大小數十國從古不相統一明初賽馬爾罕王諦母爾本元駙馬鐵木兒之後兼併西域諸國遂南侵印度歸入版圖號曰大蒙古建都於中印度之德希城其國廣袤二萬里歲收賦稅二萬二千四百萬各國皆景仰焉正德時有葡葡亞人初至西邊海隅貿易既而荷蘭英吉利法郎機西班牙等國之商接踵而來然大蒙古之王威權重大人皆畏之其後眾子爭權內亂並起各部酋長乘間跋扈四分五裂國勢漸衰乾隆二十年孟加拉土酋與法人密約將境內之英人禁行禁錮斃其大半英人欲雪此仇調傾國之師遣大將律記利夫統之駛入安頰河竟獲全勝於是東印度各酋長望風歸服乘勝席捲中南諸部乾隆三十年復又背叛盡戮英人英遣薩伊姑底奪復疆域嘉慶十年盡驅法荷兩國駐印度之兵以據其地自是以後五印度之地歸英之囊括者十之七八蒙古王亦納款迄今後裔猶存食租衣稅徒擁虛號而已其餘各部或設官置吏夷為郡縣或輸賦納貢降為藩服英人於沿海建立三馬頭一曰孟加拉所以控其東郵二曰曼打拉薩所以扼其南疆三曰孟買所以鈐其西北又於亞加拉烏得本若信地諸部及錫蘭島俱鎮以巨酋戎以重兵特遣勳戚大臣為之總統畀以全權便宜行事每歲冬春二季駐於孟加拉夏秋二季駐於巴勒里額設英軍三萬土軍十八萬二千有奇或輪調駐防或派充工役其人半係釋教半係回教分門別戶彼此如仇互相牽制免其同心謀叛然前此兵燹之事往往有之中東二印度地勢平衍物產殷阜火車鐵路六通四達孟加拉之會城曰卡里格達實西南洋第一繁盛之區樓閣雲連水陸輻湊居民八十萬戶有地稅房稅招牌稅畜牲稅水稅百工技藝皆有捐一馬一牛必納課種種名目不勝枚舉夫賦稅如此繁重而民無怨言者何也蓋昔之土官番酋率多殘刻不知愛民誅求無藝以視英人今日之政不啻出水大而登衽席又所入之財仍為本地之用除官俸兵餉之外一切修治道路橋梁輪船輾車電綫煤燈學堂醫院之類民多便之是以人心亦頗相安南印度頻海多山內之民仍其舊俗英人不煩兵力悉俯首帖服惟西北二印度風氣剛勁好為戰爭北印度為古之罽賓西印度為古之月氏二國境壤毗連迭為興衰互相吞併今為塞哥及阿富汗兩國稱尚強大嘉慶年間塞哥王名倫亞升者獨叛教門盡絕神佛募歐羅巴人操練兵法屢越境侵擾英之藩屬道光十九年倫俎宗孫嗣立亦復雄武道光二十二年遂大舉南侵乘英人不備一戰而勝英軍大挫他部繼起效尤者眾是時英人惶惶惟恐印度不保相持兩載英將高拂罕破塞哥之軍然後請盟議和將拉維河南岸本若一部割讓於英次第削平信地以下諸反側者於是上尊號於君主蓋前時侵佔印度皆公司之所為至是始歸君主統轄馬阿富汗與英構難前後數十年或勝或負時戰時和夫抵俄人從中慙德也去歲俄遣使臣駐紮甲布城而英國使臣至則拒而不納從此不和復興兵役始

因天寒地險英軍不利既而大獲勝仗直搗甲布阿王挾其宮眷輜重退避俄境留其子阿古柏監國不久阿王病歿古柏襲位不得已降志議和割地餉業已立約罷兵奈民志不服忽於七月間倉猝變起戕害英之大員阿古柏之弟復因民心起而爭位古柏退維谷內難外寇一時交攻乃讓位於其弟夫英人之力非不足以滅阿富汗特留之以為屏蔽耳蓋葱嶺迤西回部如霍罕布哈爾基法等盡為俄羅斯所踞與印度僅隔與都哥士一山其山在巴達克珊國境內即元太祖避暑行宮所在也俄人覬覦印度之富常懷攘奪之謀遣人學習印度言語煽惑民心聯絡波斯阿富汗諸國密約詭計英人力為隄防重兵駐守隘口不敢稍懈頃聞俄軍游獵縛芻河一帶印度大帥傳諭克什米耳土酋豫為設備俄人甚怪其越俎代庖也兩雄並峙勢若秦楚龍爭虎鬥日尋干戈俄攻土魯基則英扼之英征阿富汗則俄尼之外雖結好和親而內實相猜忌也夫印度自漢始通中國武帝遣使從西南夷指求身毒為昆明所閉明帝夢金人長大頂有光明乃遣使天竺問佛道法晉唐以後中土請經求律之僧踵趾相接其間凡有三道焉一由閩南行經毒龍池躡懸經過沙河入罽賓國是為東道即晉法顯北魏慧生所行之程也一由伊犁西行歷霍罕至賽馬<sub>蘭</sub>折而東南踰鐵門渡縛芻河越興都哥士大雪山入克什米耳是為西道即唐僧元奘及元邨道人長春所行之程也一由葉爾羌西南行循徙多河而上涉葱嶺至塞勒庫兒泊再南逾印度河是為中道即唐元奘歸途所經之程也考中國用兵印度惟唐太宗與元太祖俱獲全勝貞觀二十三年遣右衛率府長史王元策使天竺以將師仁為副天竺王發兵拒之剽奪財物元策挺身走吐蕃西鄙檄召鄰國兵吐蕃以兵千人來泥婆羅<sub>即廓</sub>以七千騎來元策部分進戰茶縛和羅城三日破之禽其王阿羅那順俘男女萬二千人降城邑五百八十所元太祖親征<sub>爾喀</sub>度駐軍於雪山行宮遣將追可弗又算端至中印度窮及申河元史載有鐵門遇見角端之事憲宗之世屢命師征取印度然終以大雪山之隔鞭長莫及旋得而旋失之夫三藏之地與印度密通為鄰大山數重綿亘數千里峻嶺危峰道途險阻一至八月以後則大雪封山往來絕迹此殆天之所以界限中外也惟大吉嶺一路最為扼要由江孜南行三站至帕克里嶺即布魯克巴境又三程至塔西蘇登轉西南三程至大吉嶺約計五百餘里為往來孔道大吉嶺土酋降附於英吉利其民言語風俗與唐古特相同地勢高寒印度富商多築別墅以避暑英國設領事官一員其統兵副帥亦駐於此修建碉堡數座由大吉嶺乘馬車一日至夕力格里即登火車一夜可達孟加拉計鐵路三百邁約當華路一千里之程現在日加修治不久即可直抵大吉嶺竊觀此間別無通都大邑商貨薈萃之所乃英人不惜重費開通道路此其注意於通商藏地非一朝一夕之故矣蓋印度公司一意經營利之所在無孔不入非必盡出於英國本意也然彼知藏地為中朝所屬不敢輕開邊界但

詭計百端用重賂以要結布魯克巴哲孟雄諸番入其牢籠彼皆孱弱不能相抗惟廓爾喀一部較強地形險要民志勁勇仰仗天威僅能自保當撫以恩信藉固藩籬一旦有變足為先驅從前濟隴聶拉木絨轄喀達四隘口皆所以防廓夷其他鄰部未嘗滋事故疏於設備今時異勢殊彼為輕而此為重似宜於江孜定日帕克里等處整頓邊防以防履霜之漸至若孟加拉之東英人新闢一地曰亞山一名阿賽密長一千餘里廣三四百里北界布魯克巴東界路獅野人東南界緬甸四境多山惟蒲蘭布達江兩岸平壤膏腴近年墾地種茶漸致繁興特延閩粵茶師訓導土人毋歲出茶十萬箱然終不若華產之良也按西人地圖亞山東北境距江卡巴塘不過直徑二度約五六百里而近英人嘗言欲從亞山開路直抵滇蜀兩省較為便捷此緣舊圖之誤將藏地雅魯藏布江連於亞山之蒲蘭布達江其實藏江乃大金沙江之上源從緬甸以入海也大小二金沙江之間尚有檳榔龍川路音瀾滄諸巨流自亞山以東巴塘以西江卡之南騰越之北中間一段隔絕野番曠古以來人迹罕到其道里遠近無從稽考然審其山川之脈絡推其經緯之度數廣袤不下二千餘里山則重巒峭壁無可梯繩水則急溜奔瀧不任舟筏雖有五丁力士無所施其勇矣亞山之東南有數小部落曰格路時曰各士亞曰正得爾曰的北亞俱降附於英再南海灣有新埠曰徹地缸曰唉克雅在阿拉干部內阿拉干之東曰跋散曰漾貢曰摸兒面曰黑尼曰梯尼色領皆通商馬頭昔本緬甸屬地道光以後割隸於英自徹地缸至梯尼色領沿海七八千里英國置吏戍兵安設電綫傳遞文報悉統於印度大帥故華人但知英之據有印度財賦所出倚為外府而不知其所佔緬暹諸國海濱精華之區由印度直達星加坡聲息相通略無阻礙尤為緊要也若夫他國市埠之在印度者則有葡萄亞之科穢在科曼海灣達蒙在古塞拉的部內的玉亦海旁小地大尼之西拔普爾在孟加拉部內達郎給巴爾在加爾那得部內法蘭西之本得支黎哥黎架爾二郡俱在加爾那的部內牙那安郡在巴西爾加爾部內商得爾那哥在孟加拉部內馬哈郡在馬拉巴爾部內不過一城一邑寄頓貨物而已孟買本葡萄亞所屬後讓於英麻力普爾本大尼所屬距卡里格達四十里亦美邑也今為英人屯軍之所巴勒里界連後藏嘉慶十九年為廓爾喀所據英人以數萬金贖還之其大帥行館所在曰新拉有鐵路相通各部遇有大事仍由電報請命馬雖相距數千里而往返瞬息無異面談此五印度之大概情形也夫印度為佛教所興漢唐以來布滿天下可謂盛矣無何回教起自天方漸染葱嶺左右迄今印度之民皆舍牟尼而拜派罕鸞嶺鷄峰河山依舊舍衛鹿苑遺迹蕩然所謂慧光照於震旦而淨土反滋他族良可慨已其紅教黃教行於三藏及內外蒙古滿洲者為釋氏之別派此外惟緬暹越南三國尚遵佛教余觀釋氏以慈悲為主持齋戒殺漸致柔弱回教最堅忍冥心孤往百折不回今復益之以天主耶穌教力攻二氏三教之勢遂

若冰炭君子觀於教門之盛衰而世運之升降條焉國俗之強弱關焉或稱印度為婆羅門教實則此乃種類之名非教之名也蓋印度人分為四等上品為婆羅門凡酋長職官皆此族為之其下為兵為商為工役各世其業無相奪倫一出其類則父母國人皆非之有塗畫眉稜額角及印堂等處者大抵雕題之舊俗歟且夫五印度因方隅以命名孰東孰西非有一定之界限古今沿革分合靡常或易以蒙古語或參以回部語近世一變為英吉利語求其一一吻合不可得也余繪印度全國一從今名析於核實不敢有所穿鑿附會於其間於迤北部落與三藏交涉者特加詳審俾他日攷古者有足徵亦籌邊者有可據云爾

### 騰越邊徼

黃桂林

騰越當西南極邊為滇省門戶路通緬甸界連野番向設八關九隘駐防土練以資控馭承平日久邊備廢弛昔時緬甸貢道由虎踞關而入經孟卯隴川以達於南甸近十數年因輪船直抵新街於是商賈往來皆趨於北道由騰城西南行經南甸干崖蓋達三宣撫司四程至蠻允過此即化外野人境非大眾結伴不敢行其間有三路下為河邊路中為石梯路上為火炎山路下路較為近捷然不若上路柴草方便也約行三四日至蠻慕入緬國界又舟行一日至新街該處土民數百家漢人亦有三四百緬國設總一員英國設領事一員洋兵三十名進口之貨以棉花為大宗驟馬駝載露宿野棲最為辛苦野番出沒無常往往攔路要索肆行劫掠竊觀野番散處山谷每寨十餘家或數十家不等較之藏地人烟猶為稠密且多勤力耕作但未有酋長不相統屬英人每以重路要結野番併遣教士深入山寨前數年曾在新街招募野番擺夷多人安置海濱山島開墾荒地又印度東境之亞山本條駱駝野人之族英人新闢其地種茶栽桑日漸富庶其間有一綫之路可通孟養而達騰越徼外前明時置寶井於孟養故設銅鑿巨石萬仞諸關皆通寶井之道也其迤北之茶山麻里從前本有土司後為野人所逐按之輿圖大金沙江以東路江以西江卡以南騰越以北中間廣袤二千里重岡疊嶽悉為野番人迹罕到西人嘗欲開通其境不但琥珀象牙靈翡翠三百寶產於其中且多五金礦藏焉方今緬國孱弱迥非昔比沿海精華繁盛之區被英人蠶食殆盡輪船上駛於新街操其利權公使駐紮於及城遇事掣肘新王嗣位以來彼此尤多齟齬不久必啟兵端我中華疆圉攸關似宜先事籌備規復關隘招撫野番不致為他人之所用亦免擾我行旅可否將南甸營都司移駐蠻允其野人山二百餘里添設塘汛數處以資保護又海珀江源遠流長自千崖以下地勢平陽水寬至數十百丈不等至新街會合於大金沙江惟有淺灘數處若稍加疏濬即可通行舟楫不惟平時商賈甚便一日邊徼有變轉餉甚易元代征緬亦以舟師制勝蓋順流

而下有建瓴之勢往歲英人滋事甚恐中華約會緬人進攻印度之地也

西域形勝

黃楸材

出嘉峪關外至哈密分為南北二路中隔騰格里山即天山也綿亘五千餘里直抵葱嶺南路為回部八城北路為烏魯木齊伊犁及庫爾喀喇烏斯塔爾巴哈台統稱新疆其建置道里具詳官書姑不具論惟就葱嶺外者言之自伊犁西南行經特穆爾圖泊于七百里入霍罕境古之大宛國也納林河中境西流折西北注於鹹海都城曰尋思干西契丹建牙於此元初置阿母河行省以控西域諸國所屬之城東曰馬爾噶朗曰霍什嫩北曰納木干曰安集延高貴所萃故擲名其西北之霍占科拉普塔什罕等城久已割隸於俄羅斯近年復為俄人所誘舉國降附之查新疆南境霍罕之路有二一由喀什哈爾西行陟葱嶺經奈曼布魯特游牧過喀喇庫兒泊以達於霍罕計程一千四百里一由葉爾羌西南行循徙多河而上葱嶺經塞勒庫兒泊折西北至克什南又北過觀賀羅境以達於霍罕約計二十日程雖皆山路崎嶇然沿途同莊煙戶稠密水草方便較之伊犁北路砂磧曠渺無垠者有間矣由霍占渡河西南行七百餘里至賽馬爾罕為康居故城其地居四達之衝從古者名康居盛時煙戶十萬或作渴末建一作悉萬斤又名邪迷思干皆一音之轉也西契丹置河中府元封駙馬塞因帖木耳於此至明中葉遂霸西戎北併俄羅斯南兼五印度幅員萬里號曰大蒙古王即四洲志所稱莫臥爾者是已莫臥爾即蒙古人於古兒之轉音尋思干賽馬爾罕二城因譯音相近往往混合為一不知相距千有餘里一為大宛故都一為康居故都明史謂賽馬爾罕為漢屬賓國魏默深力辨其謬蓋是時賽馬爾罕跨有北印度克什米耳屬賓實隸其封內特明史沿王圻續通考之說未能區別耳由賽馬爾罕東南踰鐵門渡緡蜀河歷博羅巴爾達克山而入阿富汗國廣袤三四千里兼有月氏高附厥達諸國之地東倚印度河北負大雪山即興都哥士山元太祖征印度駐軍於此四境險塞風俗勇悍樂為戰爭所與鄰者又多強國南界俾路芝西界波斯北界布哈爾東北界塞哥東南與英吉利所屬之信地本若夫牙文錯盡皆勁敵日尋干戈當月氏之盛也西踰哥蘭森以侵安息東跨印度河而割塞哥及其衰也或稱藩於波斯或降附於罽賓此三國者境壤毗連迭為強弱互相兼併所謂疆場之邑一彼一此初無一定之界限也波斯國名最古南枕海灣即波斯灣一名墨生北面大澤即裏海一名加斯比安海分十二部落臣擅權各世其職舊時建都伊士伯興今遷於得希閣城勝兵二十萬長於擊刺多養刺客以伺敵人並於裏海設立水師戰艦以資防護西北一隅與俄國藩部高加索相接其耳利乞那格什乞等城為俄所佔東境哥蘭森部內有眉什異城即元史所稱木乃奚國眉什異之東為哈烈國一名黑臘又名亞加業坦元駙馬塞因帖木耳遣其子哈魯沙據此城境宇日拓漸成強國明



時西域諸國貢使每序哈烈於首其後波斯轉強降為附庸今又入於阿富汗而波斯屢起師征之哈烈求助於英俄乃免然北境與機哇布哈爾密邇為鄰恐終為俄人捷足先得也波斯之西為土耳其其國分二部東部在亞細亞洲西部在歐羅巴洲都城曰君士但丁建於口口海峽扼兩海之咽喉據二洲之衝要自古必爭之區俄羅期久懷併吞之志而英法普奧諸國惡其相逼合從聯約相與併力拒俄而保土以維歐洲均勢之局丙辰年六國公使會盟於巴黎城俄國兵船不得出地中海他國兵船不得入黑海乃近歲普既與俄交歡法敗於普一蹶不振奧則自顧不暇於是從散約解而土耳其基女主執政國多內亂俄人得以乘間抵障肆其蠶食英人獨力難支亦坐視而不能救矣希臘埃及二國本土之藩屬後皆背叛而自立英與俄屢助之蓋袒護同教之民不欲受制於回同也然而土國之存亡於歐洲大局攸關昔則惡其強而抑之今則憐其弱而扶之倘一旦無土俄人出黑海而與諸國爭南洋之利權欲求旦夕之安其可得哉考土耳其波斯皆古安息地境其南之亞刺伯則條枝也一稱天方為回教祖國自派罕默德叔立教門漸染西域蔓延於五印度暨葱嶺東西天山南北一入其教冥心堅守百折不回每七日禮拜其王為臣民講論殺敵者授福死敵者生天逞刃尋仇奮不顧身雖英與俄據有其地終不能變其教而移其俗也至若西北一帶游牧部落逐水草無定居皆哈薩克種類分左右中三部散處於裏海鹹海騰格里海及額爾齊河兩岸氈帳毳幕轉徙無常其都會曰達奇司丹曰布哈爾曰機窪頗稱繁盛今皆為俄人所脅降且夫俄羅斯地跨三洲控弦百萬挾其詐力以開疆闢壤為事自烏拉嶺以東曰西比利亞延袤萬里直抵黑龍江俄人不煩一兵一餉可誘而降之過來尤極力經營於中亞細亞西人稱西域為中亞西亞建造火車鐵路由布哈爾東北經賽馬爾罕霍罕塔什罕等城至札木干分而為一東經伊犁西境折北至波那丁司科順額爾齊河而下以達於阿本司科一西經達奇司丹沿納林河北岸至鹹海折北而西至阿林伯克復分為二一西南沿烏拉江而至裏海之格昭城一西北經索麻拉以達於馬司孤都城此外如窩雅江高加索部內新建鐵路不一而足統計俄國境內共有鐵路四萬餘里六通四達皆近二十年內所成者去歲復議增修一路由俾格什克沿裏海而南經波斯哈烈以達於阿富汗特遣大將高福滿統領重兵駐紮霍罕南以窺伺印度東以覬覦新疆其陰謀詭計狡焉思逞夫豈一朝一夕之故哉同治初年乘回部之亂竊據伊犁得寸則寸得尺則尺今欲索還此豈口舌所能爭者夫伊犁為新疆精華北路門戶俄人實逼處此終為邊患及早圖之興修鐵路添設電報乃足以長駕遠馭保固疆圉非然者迢迢萬里奏報藉轉餉勞劬雖有知者亦難為謀或曰工程浩大難籌鉅款吾謂中華財力之富十倍他國人民之眾百倍他國綜五歲而計之以驛遞之費添設電報而有餘以轉輸之費建造鐵路而無不足南北二路地勢平坦易於施工



咫尺之士必且聞而怪之然而古今異宜世變日新豈循途守轍者所可與議天下大計乎因繪西域地圖不禁慨然言之以俟焉邊者之採擇焉

恭報撤師日期並調度劉軍安置越民情形疏光緒十一年

雲貴總督岑毓英

竊臣於光緒十一年三月十三日曾將照約停戰撤兵仍嚴密整備並將未經停戰以前剿撫情形奏報在案十四日接奉二月二十二日電寄諭旨本日已將停戰日期諭知岑毓英矣現距撤兵期近劉永福一軍必須妥為安插將士或在邊界屯軍抑或別籌調度該督務須熟思審處先行奏聞候旨定奪又於二十日接奉初六日電寄諭旨張之洞電奏擬令劉永福屯紮思欽一帶等語所籌尚未定奪著該督與岑毓英商辦等因欽此欽奉之下遵即派員前赴陸安州傳劉永福到營面詢該員始以重遷為詞經臣再三開導示以國恩曉以利害該員當即遵從惟乞隨帶四五營由雲南前赴粵西南甯府暫紮或防恩州或防欽州候旨調遣並乞賞給盤費糧餉臣已准其先帶兩營到防後再行添募兩三營計前後粵東解到劉營銀六萬兩節次發過銀三萬兩尚存銀三萬兩以之發交該營盤費尚可敷用該員旋即折回保勝料理而越民之仍紮山西興化河內之各府州縣地方者聞法和議已成或散或留漫無歸束前經臣營發給之槍械旗幟呈繳十無二三應請飭下總理各國事務衙門傳諭法人此項旗幟槍械條未經停戰以前發給目下無從追取將來越法有事不得藉以為詞臣前奏請宣興以西之地悉歸滇疆非特爭居險要亦以安置流離現在撤師早已屆期尚未奉到批諭其未散之越勇尚紮原處日久不撤誠恐別生衅端臣念其散無所歸暫令且居館司安平一帶而興化巡撫阮光碧山西布政阮文甲率其部民到營求見自願入居三猛地方自安耕鑿瑣尾情形殊堪憫惻當經臣宣布天恩發給撫恤銀四千兩飭令各安生業臣一面陸續撤師飭總兵丁槐督率定遠十三營靖遠五營入紮開化提督王永安督率平遠七營入紮馬白關提督何秀林總兵朱洪章督率良字十營及綏遠十一營啓字四營煥字十營武字四營定字四營入紮蒙自道員岑毓賢會同總兵豐修綱督率懷遠新到八營德字十營甲字五營保字六營分紮南溪河口及新街各地方仍擬協都司何元鳳督率元字十三營暫紮文盤州遊擊梁松生督率安邊六營暫紮安平陸安遊擊張世榮督率安邊八營暫紮河陸安陸以資鎮壓越中之難民一俟越民得所即行裁撤臣擇於二十七日帶同營務處道員湯聘珍率懷遠正後四營誠字一營自館司關起程前赴文盤部署置到保勝當看劉永福行止並加敦俟當即入關伏念臣督師關外兩載有餘兩省之吏治營伍皆須商同撫臣整頓案牘之填委積壓亦待清釐擬將撤回各營整頓嚴守各隘後應否即回臣衙門辦理一切恭候聖訓飭遵至中外通商事件臣賦性迂

直業所未諸應請 旨飭下北洋大臣李鴻章派與法國頭目執習人員來滇尋辦再由臣商同撫臣張凱嵩擇派司道一員  
隨同經理以重和好而專責成

英緬兵爭現擬籌布邊防疏 光緒十一年

雲貴總督岑毓英

竊臣於光緒十一年十月十三日曾將札委副將袁善李文秀前往緬地坐探緣由謹會同撫臣張凱嵩附片陳明并飛札騰  
越龍陵兩廳就近密探情形相機防範隨時馳報去後隨於十一月十六七等日先後疊據騰越鎮總兵朱洪章騰越廳同知  
陳宗海稟報據住緬商號報稱英人索要緬甸寶石木場等廠並欲於阿瓦新街兩處各駐英兵千人緬人不從該國王擬  
於十月十六日前赴西滾地方親督緬兵與英人開仗又據報十月十三日有英輪一隻由新街折回涼貢行至模臣地面被  
緬員截住當將掌船之夏必且麻林古里等四人拿送阿及城收管該國王並派緬官赴進姑不廠印度商人孟孟德家搜獲  
所存槍礮緬兵原定十月初八初十等日進發忽於初七日晚連夜即發水陸各兵及列省營勇亦於是夜前進初八日瑞藍  
繆溫厄格巴繆溫繆洗曼均各帶兵萬餘由陸路分赴蠟門洞烏洞曼各地扼守並聞有在齊棒外開仗小勝之說總兵等  
查明蠟洞烏洞曼三處皆洋緬交界之要地而緬人尚能固守英人必不能上佔新街惟英人前在新街設堂教學生徒從者  
不少難保不應聲而起該地毗連滇界自應遵諭嚴防刻已密飭邊關隘卡撫夷頭目人等嚴加防範現值農隙挑糶精壯團  
丁齊集操練用備不虞并聲明入募即新街別名各等情前來臣查英緬既啓兵釁滇緬交界誠恐奸宄乘竊發難經諭飭  
沿邊地方文武齊集兵團相為守望但無重兵鎮懾不足以固眾志而靖戎心查有新授貴州古州鎮總兵丁槐現在駐紮馬  
白關一帶防營該總兵籍隸迤西且在騰越辦理軍務多年於該地險隘人情向背以及土司野境甚為熟習當即函商撫臣  
撤令總兵丁槐率帶關外撤回勝兵二千餘員名前赴騰越與總兵朱洪章相機籌布擇要扼防並聯絡鄉團暨各土司防守  
足資警備復查滇緬交界沿邊二千餘里以騰越一面為衝途騰越入緬之路六條以蠻允一路為捷徑沿邊由西路而南而  
東皆野人山寨布列於九隘之外參錯於縣八七土司之間由蠻允又分三路入緬或二百里或一百七十八里皆係野人之  
地該野人言語不通衣服飲食異別殊嗜嗜不歸中地約束亦不受緬人管轄英人常以利餌亦未深得其心若不乘時撫綏  
籠絡一旦為外人煽惑隱患不可勝言臣查湖南鳳凰廳貴州松桃廳各徭苗向喜滋事自設立土目以後頗獲相安現在邊  
界野人自設頭目雄長域外若使人前往撫諭授以土都司守備千總把之職令各部勤其覓就我範圍庶不至為外人驅使  
每歲俸薪糜費有限而裨益無窮臣愚昧之見是否有當相應請 旨飭遵自下緬北多事野人毗近臣查有永昌人遊擊銜

都司杜惠陽騰越人監生劉開信素為野人深信因即會商撫臣密飭該二人前往招撫正在籌布間適接兩廣督臣張之洞電稱十月二十八日英京來電英兵已攻踞緬都擄緬王流至印度欲廢其君令歸英屬等語臣營尚未接到邊報未審是否確實緣臣營距省十三站省距騰越二十四站騰越距緬都又十餘站道路遼遠且緬北惶亂商信罕通前派副將袁善李文秀往探行期尚未能達既據電稱英已入踞緬都該副將等未便令其前往恐生疑竇當即飛報該副將袁善李文秀速即折回另派與緬地熟習之騰越舉人張成廉前往密探一面飭催丁槐前赴騰越會同朱鎮商酌布防沿途以遣散勇丁為名陸續分起就道不准稍涉張皇足以仰紓宸廑除將籌辦各情懇由兩廣督臣張之洞電奏外所有英緬兵勇現擬籌布邊防以資微備緣由謹會同雲南撫臣張凱嵩恭摺由驛馳奏

善議廣西邊防請移駐提督添設鎮道各緣由疏光緒十二年

張之洞  
李東衡

竊臣等於光緒十一年七月二十八八月初二等日先後承准軍機大臣字寄光緒十一年七月初五日奉 上諭鎮南馬白二關為桂滇入越邊要處所等因欽此仰見 聖主鞏固邊防精核武備之至意臣等無任欽服當即公同詳加籌議伏查廣西南邊綿亘三千餘里原設隘所一百零九處分卡六十六處至越南之諒山高平宣光等省接壤山菁紛歧路路可通而鎮南關至龍州一路較為寬平故曩為中越使命商賈往來之通衢東出太平南甯西出歸順鎮安之總匯且自龍州以東河灘漸廣舟行下水直達潯梧其視全桂腹地東省上游據有建瓴之勢實為兩粵利害所關係當此款議既成外防游匪內靖伏戎鎮南一關尤為中外鈴轄 聖諭所謂扼緊要隘重兵者無以易此惟南關固居極衝而關之中後關之左右各路均須擇要設防而後氣力不行單薄不致有腹背受敵肘腋乘虛之慮大要分為三路鎮南關口及關以內之關前隘再近內之憑祥土州為中路白關以東明江廳轄之由隘甯明州轄之羅隘思陵土州轄之爰店隘上思州轄之百崙隘剝機隘為東路白關以西龍州廳轄之平而水口兩關下凍土州轄之布局隘岷花隘歸順州轄之頻峒隘龍邦隘小鎮安廳轄之平猛峒隘剝淦隘百懷大隘等為西路以上各隘皆須屯兵中路最急東路隘口較少西路地段較長原有防軍三十二營勢極僅能聯絡現在餉需極絀須籌經久之計而越境游勇蔓延全邊未靖又值勘界未定之時未便示人以弱勢難多議裁減茲於本年三月起認真汰留裁去八營併為二十四營以十二營專防鎮南關中路以四營分防東路六營分防西路路寬者築臺安礮路窄者設卡安濠甚僻者掘斷禁阻戎所聚造地營營外多栽刺竹無事則各分守地督飭操練有事則酌量緩急抽調赴援俟冬間界務大定再當裁去四營中路酌減兩營西路酌減兩營以節餉需以後全桂大勢注重邊防宜有大將親臨控制調度

擬請將廣西提督田柳州移駐龍州原有提標制兵五營擬撥中軍參將一營隨來龍州以資策遣而符體制將原屬新太協之龍憑營都司改為龍州城守營遊擊隸於提標照例設該遊擊中軍守備新太協駐紮太平府距龍最近應併將新太協副將率其所轄左營都司植壽營都司共兩營改為專屬提督毋庸轄於左江鎮其新太協右營守備一營應即裁汰柳州東屏桂省北控黔苗疆緊要擬請添設柳慶鎮總兵一員鎮守柳州慶遠義甯融懷等處地方駐紮柳州府以提標存留左右兩營遊擊改為鎮標左右兩營左營即為該鎮中軍提標左右兩營應俟邊軍規模詳定後即行裁汰所汰之兵發給一年餉銀兵米俾資改業官弁遇缺另補並撤柳州城守營都司一營附近之慶遠協副將義甯協副將融懷營參將率其所屬各營俱統轄於柳慶鎮其沿邊常駐之二十營提督為總統其以下亦宜酌設分統人員現在提臣蘇元春條奉 旨督辦邊防之員熟悉邊情深孚眾望一切自應統歸調度以後若提臣不兼督辦者亦宜於防勇內指定十營屬於提督本標以厚兵力龍州開闢通商重兵所萃宜有文職大員同任邊事擬請設太平歸順道一員總轄全邊駐紮龍州廳以左江道所屬太平府全境暨東邊南甯府屬之上思州西邊鎮安府屬之小鎮安通判歸順州隸之沿邊統屬一道以期聯絡一氣上思州即撥歸太平府屬小鎮安歸順距太平較遠應升歸順州為直隸州小鎮安改為鎮邊縣加通判銜屬於歸順州該道兼轄太平一府歸順一直隸州所有漢土廳州縣土司管理整飭邊防監督關稅以及經理一切中外交涉事宜設道庫大使一員總管關稅瑣務應用繕譯委員由該道選擇調委惟查左江道駐南甯轄泗鎮南大四府鹽法道駐省轄桂平梧鬱四府州今左江道既撥出太平一府而鬱林州遠在全省東南一隅距南甯止五百餘里距省將及千里督察難及諸多不便該州屬之博白陸州等處毗連廣東高廉素為匪徒出沒之區擬撥鬱林直隸州改屬左江道以協形勢而資治理其需餉之數沿邊水土惡劣瘴癘薰蒸百物昂貴與腹地情形迥異與向年防剿土匪尤相懸殊若照內地桂勇餉章萬難得力應照從前 奏案正勇月餉三兩二錢以及營哨各費俱照現章合計邊軍二十營加以軍火軍裝轉運製造修葺臺壘電局雜支各費以及遣處游勇撫恤邊氓所費不資而軍火尤為鉅款每月至少亦需銀六萬兩現就本省儘力搜羅再能此後釐金不致短收地方安謐每年可得三十萬兩計每月仍短銀三萬五千兩無可再少日前二十四營所需尚不止此數若非分省接濟無從支持查現准戶部咨以後滇餉除四川原解練餉抵捐兩項共銀二十八萬五千兩照常抵解外再由湖南月協銀二萬兩口月協銀二萬兩四川月協銀三萬兩是滇省一年外協的餉已有八十八萬五千兩之多廣西所請協餉僅四十二萬尚不及雲南之半實係刻苦節省免致部撥為難惟有仰懇 天恩飭部指撥近省有著之款可否仍照從前西征協餉近日東北協防經費考成按月

源源撥解以濟急需而免遲誤所慮者新約原有法稅較輕之議關稅開收以後三聯疊暢行沿江釐金必然大減彼時稅釐能否相敵尚不可知擬請 飭部於此項關稅留充協餉除該關費用外免撥他用若稅多於釐則請減協餉稅釐並絀則續請加撥應俟屆時據實 奏明請 旨辦理至通省綠營馬步戰守兵丁原額六萬二千七百一十五名同治四年五年兩次裁減一萬零九百八十二名迨十二年與光緒元年三年三次復補新增六百五十二名較之原額裁將及半所存實不為多茲擬將提標裁汰前後兩營新太協裁汰左營一營其內地勇丁疊次裁減尚有水陸二十餘營散布防邊常惠不敷近日懷集貴縣博白等縣疊出聚匪滋擾之事未敢過涉空虛現復將腹地防勇騰挪裁撤兩營各營長夫一律裁減以冀稍實節省此外兵勇一時實難再裁其沿邊之新太協鎮安協上思營都司各營將徐如體察或就龍州現存勇營內改勇補兵或裁兵留勇藉此日分防之舉即為將來併省之階此外無論兵勇如有可裁之處自當行之以新力圖樽節以期減一冗食之軍即省一艱難之餉至改勝軍以補新額誠為經久至計但綠營規制細密其間分汛地段挑拔章程俸薪等差推補缺項一成不易必須周詳貫通方無窒礙目前猝難定議且綠營積習驟難更改久在 聖鑒之中而兵餉自有通行例章邊關喫緊處所若照綠營辦法則恐難資飽騰若改稱練軍比照直隸練軍章程餉數並不能減其與勇名異實同而轉成常設之標營永久之經費竊擬俟兩三年後體察敵軍距邊遠近各隘緩急餉源盈歉內地仗募能否漸清邊腹通籌或高能再加併省倘作為額兵規制既難猝定即不便屢改似只可就目前事務力量斟酌維持如有因事變通隨時議奏較為活便據廣西藩臬兩司會同善後局司道核議會詳前來臣等疊次往復函電熟商並將圖說郵寄參考意見相同謹遵 旨先行繕晰覆陳並將沿邊要隘分布重兵駐防處所繪圖貼說恭呈 御覽其添設鎮道等官建置經費事及改撥標兵營汛詳細章程暨其餘未盡事宜仍俟陸續陳 奏

會奏移設裁改邊要各缺疏 光緒十三年

竊臣等上年具 奏籌議廣西邊隘分營扼禁請撥的餉酌核督駐所添鎮道以資分任各節奉 旨該衙門議奏等因欽此旋經兵部會同吏部戶部議 奏欽奉 諭旨刷印原奏咨行到臬當經轉飭議覆去後茲據署廣西布政使凌夔銘署按察使周鶴會同善後局司道籌議詳覆並據廣西提督臣蘇元春咨轉據該管將守備等節次票覆該提督逐加考核先後造具清冊呈送前來由 臣秉衡與臣元春商定具稿咨送 臣之洞核辦查原咨詳內稱柳州府提標額設制兵六營一千二百六十名除分防外存城八百餘名現在中營移駐龍州擬裁去前後兩營所留左右城守三營僅留五百十六名若照原撥汛防之

張之洞  
李秉衡



永福雒容象州柳城馬平等州縣屬境二十一處則存城兵額較少不敷操防擬將中爐所管之永福縣城守深定黃冕寨沙鹿寨五汛改歸桂林營就分防前後兩營所管之雒容縣城守中渡洛垢高嶺象州城中大東馬平縣穿山等七汛左右兩營所管之馬平縣振柳白沙三都鷄公五都流山柳城縣城守太平等八汛改歸柳慶鎮左右兩營及柳州城守營分別派防其各汛在郡城之左者撥歸左營在郡城之右者撥歸右營其土博魚窩下吉三汛前因匪徒滋事於光緒三年添設現在地方安靜應即裁汰歸八五都汛以省繁冗又中路之振柳白沙山三汛附近城南應歸城守營就近管理訂各汛派出兵一百七十五名存城尚有四百一十一名擬於裁汰前後兩營內挑留十四名合成六百名仍分六戰四守每百名內設馬兵六名以符舊制其鎮標左營兼管中軍差務較繁擬撥二百五十名右營擬撥二百名其餘一百五十名歸入城守營所有存留各兵應在五營內一併挑選務期精壯足額毋任疲冗充數餘者即作為前後兩營游擊悉予裁汰惟左營游擊所轄原有千把各員今既兼管中軍較之左營尚少千總一員自應一併添設又柳州城守營都司所轄原有千把外額六員向無防汛今既派有分防不敷差委應添設外委一員額外二員即在前後兩營員弁內酌撥其永甯州守備一營原歸提標中營應改隸鎮標左營管轄至龍州城守營游擊所有原防苛村汛水口關兩處悉仍其舊應設守備一員千總一員把總二員外委二員額外二員即在原營員弁內挑補並添設下凍土州防汛以臻周密又新太協右營應行裁撤所有該營守備原駐之明江廳及各弁分防之甯明海淵思陵等汛應由檀轟營弁兵接替撥提標中營弁兵填防平西關鎮南關由隘三處以補龍憑檀轟兩營所遺之額其餘該兩營及左營原防各汛悉仍其舊又上思營都司向隸左江鎮管轄亦係責任邊防原奏未經議及並應將該營都司改為專屬提標以歸畫一此外尚有平樂協副將全州營參將賓州營參將桂林營游擊四協營向歸提標舊轄應照原制無庸更改除新設龍州城守營中軍守備原係內地部選之缺今移駐龍州煙瘴地方亦應改為煙瘴題調缺其餘改撥各缺均應仍照舊制辦理其建造移設提督道員以下文武各衙署應由西省籌撥經費另行奏咨辦理此遵照部議查明移改營制並續擬分撥之詳晰情形也至所擬新設太平歸順兵備道一員控制邊關經理中外交涉諸務責重事繁非精明幹練熟習兵事邊情之員弗能勝任擬請作為衝繁難邊要兼煙瘴題調缺酌照廣東雷瓊道直隸津海關道湖北漢黃德道之例由外酌量奏請升調揀補歸順州知州缺原繁難兼煙瘴題調要缺今升為直隸州管轄鎮邊一縣擬請仍作繁難煙瘴要缺由外揀員調補五年俸滿在任候升小鎮安通判一缺原係煙瘴要缺今改為鎮邊縣屬於歸順直隸州擬請作為繁難煙瘴要缺由外揀員調補三年俸滿在任候升並添設道庫大使一員鎮邊縣典史一員擬均作為煙瘴調缺三



年俸滿在任候升其餘上思鬱林等州僅係撥隸別無更張其缺分自應照舊並提案擬給該道及道員庫大使鎮邊縣知縣典史各員庫俸役食銀兩暨添移裁改各營之俸餉等項銀兩分別核明造冊備查其餘未經添改各營毋庸備造以省繁牘此遵照部議體察地方情形酌定逐項缺分之詳晰情形也至小鎮安通判改為鎮邊縣該處應試童生向入鎮安府學者今為歸順直隸州屬縣自應另設學額擬請歲科每試取進四名廩生二名增生二名四年一貢武試童歲取進四名該州縣均係科歲併行即令就近附在鎮安府城考棚校閱並擬援照崇善凌雲天保等縣併歸太平泗城鎮安等府學兼管成例將鎮邊縣生童由歸順直隸州學正兼管毋庸另設該縣訓導以節糜費又上思州改歸太平府轄向之赴試南甯者自當改赴太平惟太平考棚狹窄未能容納多人應令上思生童仍赴南甯考試俟該處籌款另建寬展考棚後再行飭赴太平考試此又改設縣治另定學額就近赴考兼管之詳晰情形也所有新設之柳慶鎮總兵一缺應請 旨迅賜 簡放其新設之太平歸順道一缺俟部議核定缺項後即當由廣西撫臣會同督臣酌量撥員分別升調請補以便舉辦一切事宜所有鎮道暨此外添設各缺均請 勅部頒發關防印記以資信守其餘未盡事宜應俟該鎮道等到任察看情形陸續詳請 奏辦至廣西協餉解未足額臣之洞已飭廣東藩司陸續竭力籌解其各省欠解數目業於上年十一月會同 奏明應請 勅部查照前奏指撥的餉以濟要需所有籌議移設邊要文武各缺一切詳晰事宜暨編撥營伍添設學額請 旨簡放總兵議擬提調道員各緣由除將圖冊分別咨部外理合會同督辦邊防廣西提督臣蘇元春廣西學政臣李殿林合詞恭摺具 奏

照會法使恭思當文 光緒十三年 總署王大臣

現本王大員與貴大臣將光緒十二年三月二十二日會議中越邊界通商章程十九款並光緒十一年四月二十七日議立中法新約十款公同商酌所有約章內有未盡事宜及稍須修改之處業經彼此詳商意見相合續訂商務專條十款界務專條四款即將擇期畫押尚有彼此應聲明者三端特為陳列

一按照前約中國可在北圻各大城鎮設立領事官現經彼此商酌中國允許此等領事官目前暫從緩設俟後兩國查看該處地方情形再行設法

一俟中國在河內海防兩處設立領事之時法國始可於滇桂兩省城設立領事

一中國所允法國於龍州蒙自兩處設立之領事官及變耗設立之領事官屬下一員係屬陸路通商處所不可仿照上海等處通商口岸設立租界以上三端彼此言明雖未列入續約專條與約文所載遵行無異特備文照會應請貴大臣照覆存案

可也

附續議界務專條四款

一將各國勘界大臣之節略並所繪界圖均親自畫押者現在互相校閱各無異議

一其間有兩國勘界大臣意見不合之處及光緒十一年四月二十一日和約第三款末節所載改正之處照以下所開三條

辦理

一廣東界務現經兩國勘界大臣勘定邊界之外芒街以東及東北一帶所有商論未定之處均歸中國管轄至於海中各島照兩國勘界大臣所畫紅線向南接畫此線止過茶古社東邊山頭即以該線為界茶古社漢文名萬德在芒街以南竹山西南該綫以東海中各島歸中國該綫以西海中九頭山越名格多及各小島歸越南若有中國人民犯法逃往九頭等山按照光緒十二年三月二十二日和約第十七款由法國地方官訪查嚴拿交出

一滇越邊界第二段從小賭咒河南岸狗頭寨照圖上甲字起由狗頭寨自西直抵東計五十餘里北邊聚義社即聚美社姜肥社即義肥社歸中國南邊有朋社歸越南至圖上乙字處從乙字至丙字亦由西抵東中越邊界路經二河其二河并歸一河入大賭咒河又名黑河從丙字往東南約十五里至丁字以北之南丹地方全歸中國從丁字往東北至猛峒下村即圖上戊字處按圖上所畫從丁字至戊字界綫其南之南燈河漫美猛峒山猛峒中村猛峒下村全歸越南其北全歸中國從猛峒下村戊字起經清水河入大河之處即圖上己字以河中為界從己字至庚字以大河中為界河西之船頭歸中國河東之偏馬寨歸越南從庚字往北至辛字經老隘坎至白石崖中間各有一半白石崖老隘坎以東歸越南以西歸中國由辛字往北順偏保卡北保中間入大河之北小河東岸直往北高馬白即圖上壬字即接第三段勘界大臣所畫定之處

一滇越邊界第五段自龍膊寨雲南越南邊界經龍膊河到清水河入龍膊河之處為止此處圖上甲字由此界自東北往西南至綿水灣入養江河之處為止即圖上乙字按現畫界即清水河綿水灣河歸中國自乙字由東直抵西遇藤條江在大樹脚以南為止北段界綫以南歸越以北歸中國圖上丙字自丙字起到金子河入藤條江之處為止以河中為界圖上丁字從從丁字起經金子河計程三十餘里又由東至西抵圖上戊字處北界遇在猛蚌渡以東入黑江之小河圖上己字從戊字至己字以河中為界從己字往西以黑江之河中為界照兩國勘界大臣畫定界圖並照以上所畫綫由大清國地方官長及大法民主國欽派駐越大臣遠派官員前往會同辦理安設界牌事宜現畫定界圖二分每分三張乃兩國欽差大臣畫押用

印者圖上新界以紅綫為界雲南界圖並註有法國阿等字中國甲等字以便易於識認

澳門租界改歸葡國永遠居住立約尚宜妥議緩定疏光緒十三年

兩廣總督張之洞

竊臣於光緒十三年三月廿四日承准總理衙門咨稱洋藥稅釐并徵新章香港與澳門會辦各節於光緒十三年二月十三日奏奉 硃批依議欽此恭錄咨行到粵查原奏內稱竊查洋藥自印度販運來華駐於香港澳門分赴各口銷售必須英葡兩國相助稽查方可杜偷漏統越之弊上年正月間奏請 飭派道員邵友濂會同總稅務司赫德前往香港與英官會商辦理查知港地雖為扼要尚須澳門會辦始能得力澳門自前明嘉靖時即經葡國佔居歲輸租課迨至 國初知該處被佔已久難以收回遂改稅課為地租總令輸銀五百兩按年完繳自道光廿九年以後併此項銀兩亦未交納近年該國屢求通商業已訂約通商因澳門之事爭論未定輒作罷論刻下因洋藥稅釐併徵一案非與葡國商辦則澳門之偷漏無從巡緝是以十二月間開辦併徵之後即密飭赫德派稅務司金登幹就近前往葡國徐圖辦法茲據赫德申稱現已准葡國外部電信一派使來華相議通商條約二葡國水駐澳門管理一切三葡國不得讓其地於他國四所見香港如何辦法澳門亦類推辦理以上四款澳門可即由稅務司金登幹在彼畫押為據一面照會英國使臣持改葡國派使來華議約并飭駐澳門洋官即照所議開辦各等語查澳門久為彼國盤踞今縱不推其永遠居住亦屬虛文又徒於稅務多添窒礙并無收回澳門之實際倘能議約有成則權有專歸稅務可期無關向之偷漏稅課者今可設關向之收納叛亡者今可緝匪向之拐騙丁口者皆可安插稽查而且與新加坡等埠鄰近藉可通達消息尤為得力再查葡國貧困日甚如法美德俄各國皆有財力無不垂涎澳門冀以巨款購得其地為駐兵之所是不讓其地於他國一層尤應於議約之先切實聲明杜絕覬覦相議各節似宜照行請 旨飭下兩廣督臣遵辦并札飭總稅務司飭金登幹先行畫押至同治年間原定未換條約各款今昔情形不同所有應增應刪各節應該國使臣至華詳細核議隨時另行請 旨辦理等語臣惟葡人僞居澳門歷有年所總署因其久假不歸且慮他國垂涎陽資其權稅緝奸之力陰禁其併吞竊據之謀原所以曲示羈縻裨益國計所以臣初見港報尚覺將信將疑未幾接到總署來文方知成謀已定迫切傍徨不知所喻數日以來通籌利害竊恐羈縻之意難善滋長之患方多茲事重大有不得不懇陳於 聖主之前者查澳門為香山縣管轄距省城三百餘里陸路可通實為廣東海面門戶非如瓊州之孤懸海外亦非如香港之矗立海中葡人乃盤踞多年不交租銀不守界址然亦幸中國之不屑與較至聖權量力我之可以逼葡葡之不足病我事理至明今因事要求曲徇其請還就立約在葡人始願不及即他國亦相顧驚疑夫因練軍而始籌餉必先損權

可慮一也葡人之住澳本以圍牆為界牆外民田戶籍悉隸香山管轄葡人逐漸越佔又屢向界外村民勒收田房租鈔迭據旺廈村紳民聯稟赴懇經臣先後委員勸明照會葡官查禁在案各為租界猶得加以詰問明立提防若竟畀以管理一切之權將此後近地人民盡歸葡屬以後水界附島葡皆視為固有是其政令既行於澳中管轄得及於澳外界限混淆潛滋暗長可慮二也中國濱海各省租界林立一切管轄辦案權判章程幸有公法可循條約可守雖暫無退還之舉亦莫生覬覦之心今有澳門為例則日後諸強國乘機伺便接踵效尤拒之則有厚薄之嫌應之則成滋蔓之勢且此次英葡同一幫緝英人倡議之事德色尤深葡則成效未見已有先施爽約收利能無厚報可慮三也粵民僑寓澳門者何止數萬往往兩地置產兩地行商無從限數至於商民盜匪往來如織尤無紀極西例凡生長於某國之地即可隸籍為某國之民領取票據特為護身符遇有犯事地方官不能以華法治之即如光緒十一年南海縣民何回生現隸民籍家有職官人所共知乃英領事來文又居香港冒入英籍公然據為英國屬民前車可鑒查英國稽議較嚴猶不能無冒濫給票之弊葡國貪鄙陋劣若以澳門歸其管轄奸民得以巧於冒籍四出作奸葡國必漁利相幫紛紛輸案違範官法不行可慮四也澳門數盜匪奸由來已久自臣到任後所有照會葡官提究要犯雖不無往返駁詰亦均陸續交出以視港官之杜留員弁勒詔訟師糜費曠日或交或不聽憑洋官辦理往往始終不交出者難易較殊租界與屬地辦法不同確有明驗今若改歸管轄以後不獨拐騙人口難以相查彼之事權愈專我之隔越愈甚可慮五也葡據澳地未立條約利益不能與各國同沾葡人犯事可歸地方官審辦通商以來未聞有葡人遊歷傳教之條彼族將藉長為營利之計將來凡涉教案必有歐洲之人所不屑為者葡人則緩為之可慮六也葡人貧困日甚各國垂涎澳門誠如總署所云冀以巨款購得為駐兵之所然名為租界環瀛共知猶未敢公然取求顯千名義今改歸葡轄我縱能禁葡人之不得轉讓豈能保各國之不以力爭設竟效併吞之故智不取之於我而取之於人葡為自主之國而無可求援中國為局外之觀而無從庇設澳門最近有垣此後水陸籌防均難措手實為肘腋之患非獨唇齒之憂可慮七也有此數弊雖併徵得效利害兼權似亦不能無過慮特是草約已立勢難中止微臣愚陋竊思今日補救之策約有五條一曰細訂詳約查冊雖經金登幹畫押而詳細條約應刪應增仍須與葡使到華會同總署核議請旨辦理其永駐澳門一案原因商辦徵稅格外見讓租銀非畫地歸葡者且約有不得轉讓他國之文可見澳門係中國讓與葡國居住仍係中國疆土應聲明讓與葡國永遠居住免其租銀不得視為葡國屬地其不讓地於他國一案應聲明澳門仍中國疆土葡國不得讓於他國如此則我有讓地之名而無損權之實仍與立議毫不相背既可關葡人之口亦不至生他國之心一曰畫清界限有

水界陸界何謂陸界東杭山西南濱海是為澳其原立之三巴門水坑門新開門舊址具在誌書可考彼所營礮路兵房均屬格外侵佔應於立約時堅持圍牆為界不使尺寸有踰彼有所在租界外之地本屬可有可無我讓則彼取我爭則彼棄斷不至因此遂棄前議何謂水界公法載地主有管轄水界之權以礮碼能及之處為止若兩國土地毗連中隔小河以中流為界此條指各國自有之地及征伐所得者而澳門本係中國之地不應准其永遠居住葡人只能管轄所住之地宜明立規條約款所有水道准其船隻往來不得援引公法並管轄水界一曰界由外定准葡住澳免其租銀水界仍是中國所有自無水界之可分陸界至舊有圍牆為止葡人於同治初年將圍牆拆卸希圖滅跡然牆可折而舊址終不可毀將來約有成議似應由粵省督撫臣就近派員會同葡使親往履勘詳查舊址公同立界俾免影射踰越一曰核對洋文查赫德申稱所訂草約四條與澳門新報所載者文義輕重懸殊第一條派使來華相議通商條約洋文內悉與葡國別處屬地無異字樣草約內澳門字樣凡三見洋文皆作澳門及澳門附地二字意極含糊不難將圍牆外至旺廈村陰吞在內即附近小島毗連村落皆可作附地觀至謂與葡國別處屬地無異一語措辭亦謬雖洋報所載未足為信要其有意蒙混藉圖侵佔傳說必非無因既與總署奏案不符亦非奉旨准其駐澳本意應請飭下總署先將草約文詳細對防其狡混而免侵越一曰暫緩批准凡對議批准權在朝廷各國之通例英國煙臺條約光緒二年所立有批准之案直至上年始行議定成案可據自應明與之約定約後須俟稅釐款項大增拐騙逃亡捕犯諸事均有明效可徵兩國始行批准在彼得售奢願以上五條皆就原約之中力籌萬全其間自必有總署所已經籌及者亦容有澳門情形總署所未能深悉者謹竭管蠡所及以備挽救之資竊葡人至貧至弱素為各國所輕食用則仰資貿易則專仗粵商其於粵尚不能無所顧忌今既允其立約并准其永駐澳門凡港報所載又有利益均沾之條是葡人所獲已多即此次洋藥有所刪增亦足贖其願望況所陳各端皆在草約立論未定當有變更應請飭下總理衙門於葡使來華之時就臣所陳細為辨論極力堅持彼能就我範圍自可照此立約若其不從是棄約出自葡國草約自可任作罷論香港徵稅章程仍照舉行而於拱北關多設巡船前山廠多派巡丁各陸路截緝漏私當在無多而葡人必大有所不便利害相形不數年間彼終不能不就所議來立約章如此則所損於釐稅者少所全於大局者多矣



洋務二十培才

宋西學議

馮桂芬

傳稱左史倚相能讀三墳五典八索九邱孔安國曰九州之志謂之九邱詩列十五國之風康成譜序云欲知源流清濁之所處則循其上下而省之欲知風化芳臭氣澤之所及則旁行以觀之孔子作春秋有取於百二十國實書伊古儒者未有不博古而兼通今綜上下縱橫以為學者也顧今之天下非三代之天下比矣周禮算經有四極四和與半年為晝半年為夜等說後人不得其詳周禮職方疏神農以上有大九州後世德薄止治神州神州者東南一州也騶衍談天中國名曰赤縣神州中國外如赤縣神州者九當時疑為荒唐之言顧以炎武不知西海大西洋即西海彼時已習於人口職方外紀等書已入中國顧氏或末見或見之而不信皆未可知今則地球九萬里莫非舟車所通人力所到周禮禮疏騶衍所稱一一實其地據西人輿圖所列不下百國此百國中經譯之書惟明末意大利大里亞及今英吉利兩國書凡數十種其述耶穌教者率猥鄙無足道此外如算學重學視學光學化學等皆得格物至理輿地書備列百國山川阨塞風土物產多中人所不及昔鄭公孫揮能知四國之為子產能舉晉國實沈臺駘之故列國猶有其人可以中華大一統之邦而無之乎亦學士之羞也今之習於夷者曰通事其人率皆市井佻達游閒不齒鄉里無所得衣食者始為之其發奮其識淺其心術又鄙聲色貨利之外不知其他且其能不過略通夷語聞識表字僅知貨目數名與便淺文理而已安望其留心學問乎惟彼亦不足於若輩特設義學招貧苦童穉兼習中外文字不知村童活潑穎悟者絕少余嘗於吾鄉鄉塾義塾中物而色異敏之士數十年無所得而又漸染於夷場習氣故所得仍與若輩等今欲米西學宜於廣東上海設一繙譯公所選近郡十五歲以下穎悟文章倍其庸庸餼住院肄業聘西人課以諸國語言文字又聘內地名師課以經史等學兼習算學一切西學皆從算學由西人十歲外無人不學算今欲米西學自不可不學算或師西人或師內地人之知算者俱可聞英華書院聖海書院藏書甚多又俄裏道光二十七年所進書數百種存於方略館宜發院擇其有理者譯之由是而歷算之術而格致之理而制器尚象之法兼綜條貫輪船火器之外正非一端如歷法從古無數十年不變之理今時憲以乾隆甲子為元承用已逾百年漸多差忒甲辰脩改墨守西人舊法進退其數不足依據必求所以正之聞西人見用地動新術與天行密合員是可資以授時又如河工前造百龍搜沙之器以無效而輟聞西人海港刷沙其法甚捷法用千匹馬大火輪置船旁可上可下於潮退時下其輪使附於沙而轉之沙四飛隨潮而去凡通潮之地皆宜之黃河水性



皇朝通志卷之九十一  
漕運  
漕急更無處不宜自下流進運而上積日累月鏗而不舍雖欲復由地中行之舊不難此不特黃河可用北河亦可用即南運河徒陽等處亦可用且東南水利久不治數日之霖積月不退宜於通潮各海口如法濬之使水流迅駛則上流雖不濬而自可收事半功倍之效是可資以行水又如農具織具百工所需多用機輪用力少而成功多是可資以治生且他凡有益於國計民生者皆莫奇技淫巧不與焉三年之後諸文章於諸國書應口成誦者許補本學諸生如有神明變化能實負之行事者由通商大臣請賞給舉人如前議中國多秀民必有出於夷而轉勝於夷者誠今日論學一要務矣夫學問者經濟所從出也太史公論治曰法後王本前為其近己而俗變相類議卑而易行也愚以為在今日又宜曰鑒諸國諸國同時並域獨能自致富強豈非相類而易行之尤大彰明較著者如以中國之倫常名教為原本輔以諸國富強之術不更善之善者哉且也通市二十年來彼酋之習我言語文字者甚多其尤者能讀我經史於我朝章吏治輿地民情類能言之而我都護以下之於彼國則懵然無所知相形之下能無愧乎於是乎不得不寄耳目於卷蕙諛妄之通事詞氣輕重緩急輾轉傳述失其本指幾何不以小嫌釀大衅夫馭夷為今天下第一要政乃以樞紐付之若輩無怪彼己之不知情偽之不識議和議戰沈不得其要領 國家之隱憂也此議行則習其語言文字者必多則必有正人君子通達治體者出其中然後得具要領而馭之

地理全志作於癸丑年書中於日本國記其欺侮亞墨利加觸石漁船詩思報復於安南圖極惡其識防之嚴推稅之緩靖邊重於緬甸國有晉吏橫征之怨未幾日本安南皆有兵端可見彼國書不可不觀若能知其未詳之所書得必倍多

陸道又在是如謂六合之內論而不議封故見而限咫聞恐古博物君子必不爾也

酌議同文館章程疏總署王大臣

竊臣等前因製造機器火器必須講求天文算學議於同文館內添設一館招取滿漢舉人思拔副巖優貢生前項正途出身之五品以下京外各官考試錄取延聘西人在館教習並聲一切章程俟奉 旨允准後再行詳細酌定奏請施行等因於十一月初五日具奏奉 旨依議欽此欽遵在案臣等伏查此次招考天文算學之議並非矜奇好異震於西人術數之學也蓋以西人製器之法無不由度數而生今中國議欲講求製造輪船機器諸法尚不藉西士為先導俾講明機巧之原製作之本竊恐私心自用徒費錢糧無裨於實際是以 臣等衡量再三而有此奏論者不察必有以 臣等為不急之務者必有以舍中國去而從西人為非者甚且有以中國之師法西人為深可恥者此皆不識時務之論也夫中國之宜謀自強至今而已亟矣識時務者莫不以採西學製洋器為自強之道疆臣如左宗棠李鴻章等皆能深明其理亟持其說時於奏牘中詳陳之上年間李鴻章在上海設立機器局由京營揀派兵弁前往學習近日左宗棠亦請在閩設立藝局選少年穎悟子弟延請洋人教以語言文字算法畫法以為將來製造輪船機器之本由此以觀是西學之不可不急為肄習也固非 臣等數人私見矣或謂雇

貨輪船購買洋槍各口均曾辦過既便且省何必為此勞績不知中國所當學者固不止輪船槍礮一事即以輪船槍礮而論雇買以應其用計雖便而法終在人講求以得其源法既明而用將在我蓋一則權宜之策一則久遠之謀孰得孰失不待辯而明矣至以舍中法而從西人為非亦臆說也查西說之源根實本於中術之天元彼西士自為東來法特其人性情敏密善於運思遂能推陳出新擅名海外耳其實法固中國之法也天文算學如此其餘亦無不如此中國創其法西人襲之中國僅能駕而上之則在我既已洞悉根源遇事不必外求其利益正非淺鮮且西人之術我 聖祖仁皇帝深鑒之矣當時列在臺官垂為時憲書容并包 智周無外 本朝掌故亦不宜數典而忘況六藝之中數居其一古者農夫成卒皆識天文後世設

為厲禁知者始鮮我 朝康熙年間特除私習天文之禁由是人文蔚起天學盛行治經之儒皆兼治數各家著考證其精語曰一物不知儒者之恥士子不出戶舉目見天顧不知列宿為何物亦足羞也即今日不設此館猶肄業及之況乎懸的以招哉若夫以師法西人為恥者其說尤謬夫天下恥莫恥於不若人查西洋各國數十年來講求輪船之製互相師法製作日新東洋日本近亦遣人赴英國學其文字習其象數為仿造輪船張本不數年後亦必有成西洋各國雄長海邦各不相下無論矣若夫日本最爾國耳尚知發憤為雄 中國徂於因循積習不思振作恥孰甚焉持因期至其入將來或可突過其入耳

今不以不如人為恥而獨以學其人為恥將安於不如而終不學遂可雪其恥乎或謂製造乃工匠之事儒者不屑為之臣等尤有說焉查周禮考工一記所載皆梓匠輪奭之事數千百年疊序奉為經術其故何也蓋匠人習其事儒者明其理理明而用宏焉今日之學學其理也乃儒者格物致知之事並非強學士大夫以親執藝事也又何疑乎總之學期適用事貴因時外人之物議雖多當局之權衡宜定臣等於此籌之熟矣惟是事屬創始立法宜詳大抵欲履課程必須優給廩餼欲期鼓舞必當量予升途謹公酌擬章程六條繕呈 御覽恭候 欽定再查翰林院編修檢討庶吉士等官學期素優差役較簡若今學習此項天文算學程功必易又進士出身之五品以下京外各官與舉人五項貢生事同一律應請一併推相招考以資博採

一請專取正途人員以資肄習也查天文算術義蘊精深非夙知數學用心之人難以漸窺底蘊與算習外洋語言文字之學生不同前議專取舉人思拔副歲優貢人及由此項出身人員今擬推廣凡翰林院庶吉士編修檢討並五品以下由進士出身之京外各官俾充其選緣該員等研經有素善用心思致力果專程功自易服官者由京外各衙門保送未仕者取具同鄉京官印結及本旗圖片徑赴臣衙門呈由臣衙門定期試以策論等項考取送館學習其各省保送人員程途遠近不齊難

以久候應俟咨送到時陸續考試以免耽延至京外各衙門咨送此項人員務須擇其年在三十以內者方可咨送如平日講求天文算學自願來館學習藉資印證以精其業者其年歲亦不可拘

一請飭各員常川駐館以資講習也查成事必由居肆力學務在親師本館留學各員必須朝夕在館講習開難方可積漸見功若朝出暮歸往來蹀躞則晨夕之荒功不少而心思亦以不傳今議在館學習人員無論京外均一概留館住宿飯食由臣衙門備給其出入由該館提調設立號簿隨時登記以便稽查至各本衙門如有應送差使以及考試等事仍准照舊辦理以期兩不相妨

一請按月考試以稽勤惰也查在館學習人員果能專心致志自可日起有功惟其功勤惰之分亦必隨時考察用資策勵今應俟該員等學習半年之交按月出題考試一次由臣等親到校閱分別甲乙優者記功劣者記過功過分而勤惰見相形之下奮勉益生

一請限年考試以觀成效也查三載考績朝廷課吏之方誠以功力積至三年優絀無不立見今議每屆三年舉行大考一次分別等第高等者立予奏獎並酌量差遣試用下等者照常學習俟下屆考試再行察看

一請厚給薪水以期專致也查此次留學各員難保無寒暖之士必須優加體恤乃可冀其用志不紛今議在館各員除飯食由臣衙門備給外每月仍各給薪水銀十兩俾資津貼庶內顧無憂而心益專一矣

一請優加獎叙以資鼓勵也查該員等學習三年試居高等足見其平日用心勤苦始終不懈自應格外優獎以為後之留學者勸今議此項人員均准各按升階格外優保班次以示鼓舞而廣招徠

擬選聰穎子弟出洋習藝疏

曾國藩

竊臣國藩上年在天津辦理洋務經前江蘇巡撫丁日昌奉旨來津會辦屢與臣推商擬選聰穎幼童送赴泰西各國書院學習軍政船政步算製造諸書約計十餘年業成而歸使西人擅長之技中國皆能諳悉然後可以漸圖自強且謂攜帶幼童前赴外國者加四品銜刑部主事陳蘭彬江蘇候補同知容閔皆可勝任等語臣國藩深韙其言曾於上年九月本年正月兩次附奏在案臣鴻章復往返函商竊謂自斌椿及志剛孫家毅兩次奉命游歷各國於海外情形亦已類其要領如興圖算法步天測海造船製器等等事無一不與用兵相表裏凡游學他國得有長技者歸即延入書院分科傳授精益求精其於軍政船政直視為身心性命之學今中國欲敏士意而精通其法則當此風氣既開似宜亟選聰穎子弟攜往外洋肄業實力講求

以仰副我 皇上徐圖自強之至意查美國新立和約第七條內載嗣後中國人欲入美國大小官學堂習各等文藝須照相待最優國人民一體優待又美國可以在中國指准外國人居住地方設立學堂中國人亦可在美國一體照辦等語本年春間美國公使過天津時臣鴻章面與商及允俟候照到日即轉致本國妥為照料三月間英國公使來津接見亦以此事有無相詢臣鴻章當以實告意願心許亦謂先赴美國學習英國大書院極多將來亦可隨便派往此固外國人所深似於願和好大局有益無損臣等伏思外國所長既肯聽人共習志剛孫家毅又已導之先路計由太平洋乘輪船運達美國月餘可至當非甚難之事或謂天津上海福州等處已設局仿造輪船槍礮軍火京師設同文館選滿漢子弟延西人教授又上海開廣方言館選文童肄業似中國已有基緒無須遠涉重洋不知設局製造開館教習所以圖振奮之基也遠道肄業集思廣益所以收遠大之效也西人學求實濟無論為士為工為兵無不入塾讀書其明其理習見其器躬親其事各致其心思巧力遞相師授期於月異而歲不同中國欲取其長一旦遠圖盡購其器不惟力有不逮且此中奧窔苟非徧覽久習則本原無由洞澈而曲折無以自明古人謂學齊語者須引而置之莊嚴之間又曰百聞不如一見此物此志也况誠得其法歸而觸類引伸視今日所為孜孜以求者不更擴充於無窮耶惟是試辦之難有二一曰選材一曰籌費蓋聰穎子弟不可多得必其志趣遠大名質樸實不牽於家累不入於紛華者方能遠游異國安心學習則選材難 國家帑項歲有常額增此派人出洋肄習之款更須措辦則籌費又難凡此二者 臣等亦深知其難第以成山始於一簣蓄文期以三年及今以圖庶他日繼長增高稍易為力爰飭陳蘭彬容閱等悉心酌議加以覆核擬派員在滬設局訪選沿海各省聰穎幼童每年以三十名為率四年計一百二十名分年搭船赴洋在外國肄習十五年後按年分起挨次回華計回華之日各幼童不過三十歲上下年力方強正可及時報效聞前聞算甯波子弟亦時有赴洋學習者但止圖識粗淺洋文洋話以便與洋人交易為衣食計此則入選之初慎之又慎至帶赴外國悉歸委員管束分門別類務求學術精到又有繕譯教習隨時課以中國文義俾識立身大節可冀成有用之材雖未必皆為偉器而人材既眾當有瑰異者出乎其中此拔十得五之說也至於通計費用首尾二十年需銀百二十萬兩誠屬巨款然此款不必一時湊撥分析計之每年接濟六萬尚不覺其過難除初年盤川發給委員攜帶外其餘指有定款按年預撥交與銀號陸續匯寄事亦易辦總之圖事之始固不能予之甚吝而遠望之甚餘况遠適異國儲才備用更不可以經費匱乏之淺嘗中輟近年來設局製造開館教習凡西人擅長之技中國頗知究心所須經費均蒙 諭旨准撥亦以志在必成雖難不憚雖費不惜日積月累成效漸有可觀茲擬選帶聰穎子弟赴外國肄業事雖稍異意實相同謹將章程十二條恭呈

御覽合無仰懇天恩飭下江海關於洋稅項下按年指撥勿使缺乏恭候 命下 臣等即飭設局挑選聰穎子弟妥慎辦理如有章程中未盡事宜並請 敕下總理衙門酌核更改 臣等亦可隨時奏請更正

派員攜帶幼童出洋並應辦事宜疏

北洋大臣 李鴻章

竊 臣等擬選聰穎子弟前赴泰西各國肄習技藝以培人材業於十年七月初三日專摺會奏在案旋准總理衙門覆奏不分滿漢子弟擇其質地端謹文理優長一律送往每年所需薪水膏火准於江海關洋稅項下借撥等因知照前來伏查挑選幼童出洋肄業固屬中華創始之舉抑亦古來未有之事所有攜帶幼童委員聯絡中外事體重大擬之古人出使絕域雖時地不同而以數萬里之遙雷之二十年之久非堅忍耐勞志趣卓越者不足以膺是選查有奏調來江之四品銜刑部候補主事陳蘭彬夙抱偉志以用世自命挹其容貌則粥粥若無能絕不矜才使氣與之討論時事皆洞燭幾微蓋有遠略而具內心者又運同銜江蘇候補同知容闈前在花旗等處最久而志趣深遠不為習俗所囿同治二年曾派令出洋購買機器該員練習外洋風土人情美國尤熟遊之地足以聯外交而窺秘鑰以上二員上次摺內業經奏明均堪勝任相應請 旨飭派陳蘭彬為正委員容闈為副委員常川駐紮美國經理一切事宜此時不敢遽請遊敘將來辦有成效再由 臣等從優酌保至挑選幼童應在上海先行設局頭批出洋後即挑選次年之第二批又挑選第三年第四年各批與出洋之員呼吸相通查有鹽運使銜候補知府劉翰清淵雅純篤熟悉洋務業經檄令總理滬局事宜所有駐洋及在滬兩局中外大小事件由陳蘭彬等互相商辦各專責成茲將 臣等前奏所未及者酌擬應辦事宜開列清單恭呈 御覽仰懇 天恩 飭下總理衙門核覆施行

附出洋應辦事宜六條

- 一 挑選幼童不分滿漢子弟年十二歲至二十歲為率收錄入局由滬局委員查考中學西學分別教導將來出洋後肄習西學仍兼講中學課以孝經小學五經及 國朝律例等書隨資高下循序漸進每遇虛昴星等日止劄一委員傳集各童當講 聖諭廣訓示以尊君親上之義庶不至囿於異學一切童選定後取具年貌籍貫暨親屬甘結收局註冊在滬局肄習以六個月為率察看可以造就方准資送出洋仍由滬局送冊報明通商大臣轉咨總理衙門查考至洋局課程以四個月考驗一次年終分別等第報查其成功則以十五年為率中間藝成後遊歷兩年以驗所學然後回至內地聽候總理衙門酌量器使奏明委用此係選定官生不准半途而廢亦不准入籍外洋學成後不准在華洋自謀生業
- 一出洋委員及駐滬辦事所有內外往來文件應刊給關防洋局之文曰奏派選帶幼童出洋肄業事宜關防滬局之文曰



總理幼童出洋肄業滬局事宜關防均經臣刊刻飭發以資信守

一每年八月頒發時憲書由江海關轉交稅務司遞至洋局恭逢三大節以及朔望等日由駐洋之員率同在事各員以及諸幼童望闕行禮禱爛儀節而昭誠敬

一出洋辦事除正副二委員外擬用繙譯一員教習一員查有五品銜監生曾恆忠究心算學兼曉沿海各省土音堪充繙譯事宜光祿寺典簿附監生葉鴻濬文筆暢達留心時務堪充出洋教習事宜由臣檄飭遵照屆時同正副委員一併前往

一每年需用經費查照奏定章程於江海關洋稅項下指撥洋局用款下年應用之項於上年六月前由上海道籌撥銀兩眼同稅務司匯寄外洋交駐洋之員驗收其滬局用款即交滬局總辦支銷惟原奏係二十年内共用一百二十萬金約計每年須六萬兩而細加推算分年應用之款參差不齊不能相符六萬之數如首數年滬上設局幼童齊住用款較鉅第四年竟至八萬九千六百餘兩未數年幼童已歸用款較減第十九年僅需一萬三千四百餘兩此外各年遞推亦皆多寡懸殊茲有陳蘭彬等核開清單某年應用銀若干交江海關道署存照按年寄洋仍由該道分析造報以昭核實

選派閩廠生徒出洋習藝並酌議章程疏

北洋大臣李鴻章  
南洋大臣沈葆楨

竊臣徐楨前於同治十二年十一月奏陳船工善後事宜摺內請於閩廠前後學堂選派學生分赴英法兩國學習製造駕駛之方及推陳出新練兵制勝之理速則三年遲則五年擬令船廠監督日意格詳議章程經總理衙門議請 敕下南北洋大臣會商熟籌等因奉 旨依議欽此欽遵在案旋因臺灣有事倥偬未及定議上年 臣等籌議海防摺內於出洋學習一事斷斷為不謀同辭及臣日昌臣賢誠先後接辦船政察看前後學堂生內秀傑之士於西人造駛諸法多能悉心研究亟應遣令出洋學習以期精益求精 臣等往返函商竊謂西洋製造之精實源本於測算格致之學奇才迭出月異日新即如造船一事近時輪機鐵骨一變前模船身愈堅用煤愈省而行駛愈速若不前赴西廠觀摩考索終難探製作之源至如駕駛之法近日華員亦能自行管駕涉歷風濤惟測量天文沙綫遇風保險等事仍未得其深際其駕駛鐵甲兵船於大洋狂風巨浪中布陣應敵離合變化之奇華員皆未經見自非自身親斷難窺其秘鑰查製造各廠法為最盛而水師操練益為最精閩廠前堂學生本習法國語言文字應令赴法國官廠學習製造務令通船新式輪機器具無一不能自製方為成效後堂學生本習英國語言文字應即令赴英國水師大學堂及鐵甲兵船學習駕駛務令精通該國水師兵法能自駕鐵船於大洋操戰方為成



效如此分途學習期以數年之久必可操練成才儲備海防之用至學生中有天資傑出能習礪學化學及交涉公法等事均可隨宜肄業惟人數既多道里遠遠非遴選賢員派充監督不足以資統馭而重責成查有三品銜候選道李鳳苗學識闊通志慮遠大於西洋輿圖算術及各國興衰源流均能默討潛搜中外交涉要務尤為練達實屬不可多得之人以之充派華監督必能勝任至訪詢各國官廠官學安插學生延請洋師仍應有情形熟悉之才員聯絡維持主客方無隔閡臣葆楨原奏所稱正一品銜閣廠監督日意格前已回國經臣等催調來華商辦一切該員久襄船政條理熟諳於船廠學生情誼亦能融洽以之派充洋監督必可勝任六月間李鳳苗日意格二員來津稟商臣鴻章適有烟臺之役即攜該員等同往飭令籌議章程滇案結後曾將該員等所議各節抄送總理衙門核奪茲經臣等再四討論復與李鳳苗日意格切實核減學生員數以三十名為度肄業年限以三年為度責以成效嚴定賞罰出洋經費分年匯解約共需銀二十萬兩此項經費必應籌定有著之款臣鴻章前議由閩省撥南北洋海防項下酌提動用先儘釐金撥解釐金不敷即在閩海關四成洋稅項下就近湊撥旋准福州將軍臣文煜咨稱閩關四成洋稅最無存款俟第六十五結屆滿再行核數撥解等因新授閩浙督臣何璟過保定時臣與面商一切亦深以為然茲由臣日昌函致臣鴻章議定由閩省釐金項下籌銀十萬兩閩海關四成洋稅項下籌銀五萬兩船政經費項下勻撥銀五萬兩是此項二十萬之數均已議有著落查照分年匯解章程第一年七萬三千兩有奇第二年六萬有奇第三年五萬八千兩有奇並游歷及成文教育修金等費隨時核計撥匯關力雖甚拮据必能酌量緩急以符定議應請於海防額餉內作正開銷查西洋各國均以中國遣人赴彼學習為和好證驗前派幼童赴美國英使即有該國太書院極多將來亦可隨時派往之語秋間滇案議結時臣鴻章面告威安瑪以擬遣學生赴英學習該使允侯總理衙門知照到日轉致本國外部九月間威安瑪回國過晤臣復與商明照辦惟該國兵船定例稍嚴聞日本近時已有七人在英兵船學習臣在煙臺聞視洋操即見有日本武士在英國鐵甲船隨同操演今議學生分班送往又有郭嵩壽等駐英商辦當無礙難之處至法使白來尼屢以日意格辦船有效為言此舉亦該使所深願現擬令該監督率同學生於明年正月啓行應請 敕下總理衙門迅速分別知照英法駐京公使令其轉達本國妥為照料臣鴻章於本年二月間因洋員李勤協回國之使派令武弁卞長勝等七人同赴德國軍營學習技當時未派監督心甚懸念此次李鳳苗出洋飭令該員接二月一次由輪車馳赴德國兼查下長勝等功課並請總理衙門酌量照會德國駐京公使一體知照辦理近自同治十二年籌遣幼童赴美學習之後上年日意格回國臣葆楨遣學生數名隨往游學本年臣鴻章又遣下長勝等赴德國學習此次又派李鳳苗等率領學生分

赴英法兩國從此中國端緒漸引風氣漸開雖未必人人能成亦可拔十得五實於海防自強之基不無裨益毋謂將臣等議  
船政學生出洋章程及經費數目分繕清單恭呈 御覽仰懇 飭下總理衙門核准施行

附選派船政學生出洋肄業章程十條

一奏派華洋監督各一員不分正副會辦出洋肄業事務俟帶生徒到英法兩國時兩監督同察看大學堂大官廠應  
行學習之處會同妥插訂請精明教習指授如應調赴別廠或更換教習仍須會商辦理其督課約束等事亦責成兩監督  
不分畛域如遇兩監督分駐英法之時則應分投照顧其華員及生徒經費歸華監督支發洋員洋教習及華士業經費歸  
洋監督支發每年底由兩監督將支發各數會銜造報凡調度督率每事必會同認真探討和衷商榷期於有成萬一意見  
不合許即據實呈明通商大臣船政大臣察奪

一選派製造學生十四名製造藝徒四名交兩監督帶赴法國學習製造此項學生既宜另延學堂教習課讀以培根柢又  
宜赴廠習藝以明理法俾可兼程並進俾收速效以備總監工之選其藝徒學成後可備分廠監工之選凡所習之藝均極  
極新極巧倘仍習老樣則惟兩監督是問如有他廠新式機器及礮臺兵船營礮廠應行考訂之處由兩監督隨時酌帶  
生徒量給其第一年除酌帶量給外其餘生徒可以無須游歷第二第三兩年約以每年游歷六十日為率均不必盡數同  
行亦不必拘定時日

一選派駕礮學生十二名交兩監督帶赴英國學習駕礮兵船此項學生應赴水師學堂先習英書並另延教習指授礮  
水雷等法俟由兩監督陸續送格林回次把士穆德大學院肄業其間並可帶赴各廠及礮臺兵船礮廠游歷約共一年再  
上大兵船大鐵甲船學習水師各法約二年定可有成但上兵船額可撥日本派送肄業之例陸續撥充分班派送五六人  
其未到班者仍留大學堂學習既上兵船須照英國水師規制除留髮外可暫改英兵官裝束其費由華監督歸總費項  
下支給內有劉步蟾林泰曾二名前經出洋學習此次赴英即可送入大兵船肄業

一製造生徒赴法國官學官廠學習駕礮學生赴英國格林回次把士穆德學堂並鐵甲大兵船學習應請總理衙門先行  
分別照會駐京之英法公使咨會本國外務院准照辦理其英國學習各事或由中國駐英 欽差大臣就近咨商辦理  
兩項學生每三個月由華洋監督會同甄別一次或公訂專門洋師甄別並由華監督酌量調考華文論說其學生於閒暇  
時宜兼習史鑑等有用之書以期明體達用所有考冊由兩監督彙送船政大臣轉咨通商大臣備核其駐洋之期以抵英

法都城日起計滿三年為限未及三年之前四個月兩監督考驗學成者送回供差其中若有數人將成未成須續學一年或半年者屆時會同稟候裁奪總以製造者能放手造作新式船機及全船應需之物駕駛者能管駕鐵甲兵船回華調度布陣並有專門洋師考取給予確據者方為成效如一切辦無成效將監督議處

一製造駕駛兩項學生之內或此外另有學生願學礦務化學及交涉公法等事者由兩監督會商挑選就其才質所近分別安插學習支給教習修金仍由兩監督隨時抽查功課令將逐日所習詳記送核亦以三年為期學成後公訂專門洋師考驗確實給有的據送回供差

一兩監督及各項生徒自出洋以迄回華凡一切肄業功課游歷見聞以及日用晉接之事均須詳註日記或用藥水印出副本或設循環簿遞交互換總以每半年彙送船政大臣查核將簿中所記由船政抄咨南北洋大臣覆核或別國有便益新樣之船身輪機及一切軍火水陸機器由監督隨時探明覓取圖說分別繪譯務令在洋生徒考究精確實能仿效一面將圖說彙送船政衙門察核所需各費作正開銷

一各項生徒如遇所訂教習不能認真指教或別有不便之處應隨時訴明華監督會同洋監督察看確實妥為安置若該生徒無故荒廢不求進益有名無實及有他項嗜好者均由兩督會商分別留遣嚴究其員生每月家信二次信資以及醫藥等費作正開銷或延洋醫或延駐洋欽使之官醫或應另請添撥醫生均於到洋後酌定萬一因攻苦積勞致有不測之事則運回等費作正開銷並給薪費一年半仍酌量情節重罰附 奏以示優卹如有開計丁憂學生在洋守制二十七日另加卹賞飭該家屬具領

一此次選派生徒應由監督湖查考蹟詳加驗看如有不應出洋濫收帶往不能在官學官廠造就以致別回者其回費由監督自給倘生徒赴洋後有藉詞挾制情事因而別回者即將挾制實在情形稟請抵華後查明懲究如答不在監督者仍開報回費實係因病遣回者不在此例

一兩監督和衷會辦當互相體察萬一華監督有敷衍塞責等情弊而洋監督不行舉發或洋監督有敷衍塞責等情弊而華監督不行舉發者各各相等查有扶同確據即分別照會咨行隨時撤換不必俟三年期滿如果事事實際生徒多優異者將兩監督專摺 奏請獎叙

一此次所議章程總以三年學有成效為限若三年後或從此停止或另開局面均由船政大臣通商大臣會商主裁外人

不得干預

續選開廠生徒出洋疏

北洋大臣 李鴻章

竊臣鴻章於光緒二年十一月會同前南洋大臣沈葆楨等 奏明選派開廠前後學堂製造學生十四名擬從四名駕駛學生十二名分赴法國官廠及法國水師學堂鐵甲兵船學習製造駕駛之方及推陳出新練兵制勝之理所需經費由閩省撥南北洋海防經費內酌提動用旋議定閩省撥金項下籌銀四分之一閩海關四成洋稅及船政經費項下各籌撥銀四分之一按照章程分年匯解該學生等出洋後均能悉心考究窺見門徑雖所造深淺不同尚不為故步所域多已學成期滿陸續回華其駕駛學生出色者則有劉步蟾林泰曾等製造學生出色者則有魏瀚陳兆翱等經臣等量材器使或派管駕蚊船快船或在船政差遣及派往外洋為鐵甲船監工其餘亦分任要務各効所長惟現值整頓水師研精船械規模日擴事事需才尤覺不敷分布臣鴻章於光緒五年九月會同沈葆楨奏明閩局出洋生徒應予蠲聯就學以備後起之秀而備不竭之需奉 旨允行在案查船政前後學堂生徒初次選擇三十人出洋已拔其尤其續入學堂者年資稍淺遴選較難然育才之要宜使迭出而不窮日新之功不可一得而自盡臣鴻章與臣兆棠往返咨商擬定續選前學堂學生八名後學堂學生六名出洋肄業並擬分撥經費銀十萬兩陸續匯解出使大臣兼肄業監督李鳳苞收支并請由出使英法大臣曾紀澤會同督率照料惟查後學堂學生內有許兆箕等四名先經臣鴻章調赴天津添充水師學堂教習及威遠練船教練水手皆有要差礙難遽令出洋現計後學堂學生僅有二名合之前學堂學生八名共有十名先行儘數派員送至香港登舟出洋餘俟選擇得人續派前往所需經費仍應由福州將軍及福建督撫臣與臣兆棠查照成案分年勻撥接濟

條議一則

薛福成

自中外交涉以來中國士大夫拘於成見往往高談氣節鄙棄洋務而不屑道一臨事變無所適從其號為熟習洋務者則又唯通事之流與市井之雄聲色貨利之外不知其他此異才所以難得也今欲人才之奮起必使聰明才傑之士研求時務而後可昔漢武帝詔舉茂才異等可為將相及使絕域者似宜略仿此意另設一科 飭令內外大臣各舉所知亦不必設有定額其新科進士大挑舉人優拔貢如有洞達洋務者亦許大臣保薦仍學習河工之例別為錄用其用之道如臆識庸儂辯論橫生者宜由使熟讀條約操守廉潔者宜稅務才猷練達風骨峻整者宜海疆州縣求之既早斯用之不窮彼士大夫見聞既熟亦可轉移風氣不務空談矣

國家懷形所暨環幣所通殊方異類至於十餘萬里於是講求經濟之學者以通知各國語言文字為當務之急數十年來中外多聞強識之士為合璧字典數千百種或以典彙多少為經或以音韻為末或以西洋字母為序亦既詳且博矣然而說字義者多談文法者少則聲韻諸韻則音具輪轉不缺而無寸毫以制輻蓋終不可行焉余嘗欲取英國文法譯以華言闡駁影暇因循遂已汪君芝房所學遂於余談說既洽因以屬之開月而成冊雖觀縷證據本速原書然名目綱領大致已備亦急就之奇秘啓蒙之要帙也丁君冠西手是編示余乞弁以言士大夫方持不屑不潔之論守其所已知拒其所未聞者曰事非先聖昔賢之所論述物非六經典藉之所記載學者不得過而問焉夫先聖昔賢之論述六經典藉之記載足以窮盡宇宙萬物之理若道而不必賅備古今萬物之器與名學者於口耳之所未經遂概然操汎汎悠悠茫無實際之莊論以唐塞之不亦泥乎上古之世不可知蓋泰西之輪槓旁午於中華五十年來未有之枵局也天變人事會逢其道其是非損益輕重本末之別聖人之所曾言學者得以比例而評臨之其飲食衣飾之異政事言語文學風俗之不同竟啻湯武周孔之所不及見聞當時存而不論後世無所迷焉則不得不就吾之所已通者擴而充之以通吾之所未通則考求各國語言文字誠亦吾儒之所宜從事不得以其異而諉之不得以其難而畏之也今之學者不恥不智顧且為虛矯夸大之辭以自文飾一旦有事朝廷不得賢士大夫折衝樽俎之才而用之則將降而求諸庸俗駸儉之間詩書禮義無聞焉唯貨利是視其於交際之時措施之方庸有當乎抑或專攻西學不通華文鑿其貌則華產也察其學術性情無以異於西域之人則其無益於國事亦相侔耳自同文館設而英才輩出之二患者庶幾其有歟焉芝房與左君子興皆館中通英之文生佼佼者年富而助學兼營而並營亦既能曲證旁通啓牖後進宏紀澤始於歐羅巴洲求才於館以匡助予予興所然就道芝房方欲以詞章博科第則姑辭不行二君者出處不同其為志趣之士則一也異日者館中生徒斐然有成或以幹濟聞或以文藻顯中國聲名文物粲倫道義先聖昔賢六經典藉之教未始有損也而復益以海國人士深思格物實事求是之學則謂是編為岷源之濫觴焉可也

與葛子源書

姚文棟

日昨奉尊翰并大著樓閣海國圖志說一首均已拜讀我國在道光時洋商埠頭以廣州為第一其一切交涉事務亦萃於兩廣總督衙門默深濶游此邦得縱觀積年卷牘旁採見聞是以有海國圖志之作三十四年來局面又一變矣上海固昔日之廣州也而洋務中文涉事務又移於北洋衙門吾輩生長滬江間見不患其隘更得縱觀北洋卷牘乃可續成此書然此猶是



一家言也方今五州廣通繙譯輩鄙意欲仿外洋通例設立地學會聯合四方同志為一局互相考求又與各國地學會中通信往來廣徵書籍此即西人所云交換智識之法移通商局面運之於學問一途集五洲才人之心思為吾一國之利益行之數十年歐美情形必洞若觀火矣豈不勝於鑽研漢文故紙一手一足為烈者耶若思慮深生於今日吾知其亦必出於此策也日本地理兵要一書鄙意蓋為規復琉球而作今將例言及目錄抄出寄閱倘椽筆製一序冠之大妙或代徵之同學諸子以張我軍想必有以報我也

上曾倭條陳摘錄二則

張煥綸

三曰暇時延見西儒以備諮訪彼中官吏固宜優接矣然交涉事多彼此畛域豈能盡泯若閑暇時延見西士接以溫詞款以虛衷彼必樂於自獻優游靡飲漸可得彼國之竅要西人在中國廣設學堂有誇美舉而彼中亦有樂請中國書籍者宜為別設一院擇中士教之則彼將不得擅美事既惠而不費國主聞之且必感悅數年之後有能通華文者勸其繙譯彼國書籍悉以傳播中國當獲感名諒亦樂從且泰西清議之權力與國敵異時設有難事或可稍得其助如此費省而益多事近而效久又人己兩利者也

五曰宜選譯西國政教書籍以備採擇今之論西國者曰貨財之雄礮械之利而已宣知西國制勝之本不在富強其君民相視上下一體實有暗合於儒者之言則其為政教必有斐然可觀者今所譯僅有機器格致各種書籍謂國家感衰繫乎風俗人才而風俗人才尤急於蒙養西國孩童皆有書院猶得古者小學之意今雖設有出洋局貲費鉅難繼所養僅百人豈能家喻戶曉不如取各國學校書院章程繙譯成書寄歸中國請先於通商各埠請家養書院取古人教子弟之法而略以西法參之冀漸推廣其實視出洋為省而其功必宏遠矣教者政之本教成則政立矣外如醫學及農家種植各書亦宜廣為採購此古人輔軒采風之義也

救時芻言四則 上南皮張制軍

廣求邊才

張煥綸

今日所求邊才非第在識西字習西學而已要以洞悉各國政教大端強弱大致性情好尚所在今日所以撫馭懷接之道何者為要何者為緩何者宜親何者宜防何者在所必爭何者在所不必爭總之識大體規遠圖而不務急功上也其請悉西國律例軍陣戰法器械利鈍城壘堅否隨機應變才堪驛應者次之其熟諳西語算學化學機器學及航海開礦各技者又次之



今日所得類又次者耳宜進求之

洋務摺請發鈔

昔人言學者不可不觀官報以知時務今之學者多不知外情由於洋務摺子之不發鈔不發鈔之故蓋慮機密事情為外人刺知也然數年來所謂密諭密摺往往中人未及知外人早知之且故刊之報章之以揶揄我然則洋務之不發鈔不足蔽外人之耳目適足錮我中土志士之學識而已即或事在當機未便遽洩何不於事平之後將首尾文責刊刻頒布或謂事有匿瑕含垢權宜一時者宜之不示唇舌不知今日洩省成風正坐上下夢夢怡然以為太平耳正須宣示之俾知外人如此其強暴國家如此其受侮我皇上以愛惜民命之故如此其匿瑕含垢而不忍輕於一試則天下之士無論智愚賢不肖皆當振堂而談攘臂而奮矣眾志成城西人不足取也

請續瀛寰志略或海國圖志

有志之士欲知時務官報既無可觀各種日報又多推測約略之談或兩報而彼此互爭或一報而前後歧異未可據為典要竊謂自魏君作海國圖志徐中丞作瀛寰志略以後迄今又數十年矣其中如普法之戰俄土之戰俄人爭黑海之舉跨黑龍江之舉爭伊犁之舉法國之易君主為民主普皇之統一日耳曼西班牙之蕩平湯高麗英法兩國亞拉巴麻之致英俄人探北冰海之役紅海地中海之開通大西洋太平洋之開通南北亞美利駕之交戰印度之尊奉英主為皇帝羅馬教皇之衰傷金山之禁阻華人意法兩國之鑿山通道英法兩國之跨海為橋英人之禁烟奴秘魯之禁豬仔俄皇美總統之被刺荷蘭之征亞齊英人之開新金山日本臺灣之役琉球之役日本薩長土三藩勤王之役將軍慶喜歸大政之事廢列藩封建設縣郡之事西鄉隆盛之亂日本開拓北海道之役高麗守舊黨之亂法越之戰馬達格斯之戰英法按及之爭秘魯智利之戰咸豐末年天津之役同治初年天津教堂之役雲南馬嘉利之案廣東烏石山之案各國新簡出駐使臣領事之案凡此等類皆宜譯補以貺承學之士

請譯西律以教華官

近日華洋會訊每多齟齬其故由華官不諳西律故西官得上下其手以遂袒護之私中國律例既顛倒於部吏之手今又操縱於西員之口民有不困者乎生以為會訊之員宜先究西律試舉一瑣事證之有一華員乘馬車撞西人所坐馬車大損之華員失色謂公索賠同坐一人急操西語辨論久之西人反出金修華人車而去觀者駭愕蓋其人諳西律華車駛行本合法

曲在西人故也可知據律以爭西人莫能敗也宜咨請總署商請各國公使參酌中西訂為定律律所不載不得援以為爭其於華民所全不少

### 論考試

李東沅

三代以來風俗敦龐取士之途鄉舉里選惟重實學至行寬其途以求士故野無遺賢嚴其制以用人故朝無佞倖進降而唐宋嚴於取而實於用始當考試斤斤然拘於一格至今因之無論文武總以科甲為重謂之正途否則胸藏韜略學貫天人皆目為異路其取士也隘則豪傑每有沈淪其用士也寬則庸佞不無忝竊故舉世奮志功名者悉從事於此老而不悔竟有鬚齡就學白首無成尚何暇他顧哉聞西國設有數科量材取士雖王子國戚欲當水師將帥者無不兼習天輿地球格致測量諸學初編行伍以資練習文案則自理檣礮則自燃即至賤至粗之事皆不憚辛勤而畢試之及功名遂致仕聞居亦不廢立說者書以期傳於當時垂於後世至曠師醫士無不精於格物通於化學訟師亦需深明律例考有文憑方准行世無論何學總期實事求是坐而言者可起而行焉中國之士專尚制藝上以此求下以此應將一生有用之精神盡銷磨於八股五言之中舍是不遑涉獵洎登第入官而後上自國計民生下至人情風俗及兵刑錢穀等事非所素習悍膺民社措治無從皆因仕學兩歧以致言行不逮也然則文科可廢乎曰非也千古綱常名教經濟學問皆從經史而出悉由文義所生惟須分列四科拔尤表薦一曰考證經史以規實行二曰策論時事以觀卓識三曰兼試詩賦以驗其才華四曰博詢政事以考其吏治拔真才以資實用不愈於空言無補之帖括乎至武科設於武后之時專以騎射技勇見長與文科並重而世之習武者祇求入彀博取科名即默寫武經亦僅如小考文章之恭鈔 聖諭而已試以兵法開卷尚屬茫然迨夫仕途既入舉凡訓練弁卒與夫水陸攻守之策陰符手通之書宣然罔覺即使射穿七札力舉百鈞要亦匹夫之勇耳一旦臨敵將何恃而不恐哉是不教而驅之戰也邇來蕩平小醜建立大勳皆非武科中人則其所習非所用也明矣然則武科可廢乎曰否今戰守所資藉以出奇制勝者不外乎水師火器今中國既已舉行惟機器尚製造未精輪船尚駕駛未熟礮礮尚施放未巧行陣尚步伐未齊即有諳練之人亦苦不足於用誠能分門別類取精用宏當於武科中亦列三等以取將才一詢山川形勢軍法進退以觀其論略二問算學格致機器製造以窮其造詣三考測量槍礮高低命中及遠以盡其能事其能集數長者不次超拔以示獎勵專工一藝者量材授事以廣旁求不愈於僅嫻技勇騎射者乎然而欲作人才先規教養今之學校書院專事舉業而外邦之風俗政事一概不知且深以西學為可鄙欲求一洞識時事兼習中西者實難其人况當今海禁大開藩壁無撤歐洲各國無不肩

度較擊五市通商各特富強相為要揆更宜練兵修政選將籌畫斷非醉草可以嚇懾圍棋自堪破敵時也鄙見宜仍司馬光十科之法添設一科頒行天下省會除小學堂外各設書院敷請精通泰西之天球地輿格致農政船政化學理學醫學及各國言語政事文字律例者數人或以出洋之官學生業已精通返國者為之教習所選學生自十餘歲至二十歲為限須先通中西文字就其性之所近肄業四年升至京都太書院力學四五年如果期滿道詣有成考取上等者即授以職銜派赴總理衙門海疆督撫或船政製造等局當差或充出使各國隨員如舉博學鴻詞之例凡入院諸生每年納束修百元如書院膏火不敷由該地方官籌款補足以冀漸開風氣實力研求倘有別出新裁造成一器於國計民生有益者視其利之輕重准其獨造數年並給頂戴以資鼓勵如此則聞風興起人材眾多又何須朝廷遴選幼童肄業泰西致糜巨款乎夫幼童萬里從師學業自卜其精進惟少染外洋習氣性情或因而變遷亦似非養正之道也誠能變通舊制教育英才為國家宣勞為海疆保障大用大效小用小效又豈待文章華國感誇鳳翔之才武藝超羣即別鷹揚之選也哉

### 附論洋學

泰西各國學校規制大略相同而布國尤為明備其學堂有鄉而城而郡而都各有層次初學鄉塾分設各處由地方官捐建經理國中男女無論貴賤自七八歲起皆須入學至十五歲為小成鄉學之費每人限七日出一本納城學之費每月出一喜林本納喜林皆西國銀名喜林約中國銀一錢六七分如或不敷由地方官捐補至大學院學業繁重東能體力克副而願學者聽其肄業院費每季不過出十五喜林美國人不論貧富皆入官家書館讀書其經費捐自房租每百抽十兩學以序分不容雜等文館則兼教組纂女紅設有專條使之用心學習熟中十分十餘班考其勤惰以為升降其沈淪末班不能遷升首班者不得出院學藝鄉塾之上有郡學院因材授學專教格致重學史鑑歷學算法他國語言文字及藝術所必用之書再上有實學院院有上下分十三班考工計程以定進止院中師長上等者皆進士班考選者當之上實學院院考得首班入選大學院肄業下院考得首班入技藝學院再進有仕學院蓋欲其學優而仕也此院大抵十八歲以上方能就學每考僅十餘人若入選則賜文憑入大學院次等入師道格物武學等院大學院之堂院必名望出眾才識兼優者方膺此任院中各種書籍規儀器物無一不備一經學二法學三智學四醫學總學者係論教中之事故不復贅述法學者考論古今政事利弊異同如何損益又奉使外國如何脩辭或通商事宜有關國例者詳加論討然後入衙門考取聽候簡用智學者格物兼性理文字言語諸事醫學者分六課首以格物統費全身及內外諸部位次論經絡表裏功用次論病源製配藥品次論胎產接生次須考

選又技藝院學自汽機電報採礦陶冶製練織造等事格物院與技藝院同條共貫大抵多發源於算學算學則以幾何為宗器料齊備使學者討論而窮究之其最要者為力學化學考覈其微又格金石植物胎卵溼化各物如何而化如何而生觀天則有測步鏡儀而算學為最要船政院為行船航海之學先通外國語言文字並天文地理算學若涉大海茫茫無涯涯學此則隨處可知船在經緯幾度分各處潮汐之遲速大小各處海口水道之深淺礁石之有無風雨如何趨避器機者兩表蓬桅之類如何得宜考選後為副舵工閱歷有年再考為正舵工果能操縱自如方充船主如有失誤有司同船政司勘驗若船主措置不善則概其職傾產賠償如其人事已盡天實為之則船主與舵工免議武學院課式與實學院同但多武藝兵法御馬諸務初經拔取准充弁員及其精嫻纏紳十總果屬才識出眾勇力超羣則調詣都城大院再習上等兵法如算量圖畫地利與各國水陸戰法至水師則測風防颶量星探石辨認各國兵船識別各處沙礁先授末職拾級而升通商院則以數學銀學文字三者為宗更有農政院丹青院律樂院師道院宣道院女學院訓習院訓童瘠院訓孤子院養廢疾院訓罪童院餘有文會夜學印書會新聞館別有大書院九處書籍甚富盡人可以進觀但不能携書出院每歲發國帑經理生徒入院肄業三四年聽其去留歲出費銀十五磅至管理各大學院每省派有主院兩員諸院悉隸文教部使國中人民無一棄材各有裨於公私以廣其用誠法度之至善者也夫欲制勝於人者必盡知其成法而後能變通變通而後能克敵且彼萃數國之人材窮百年之智力擲億萬之資財而後得之泐為成書公諸人而不私諸己廣其學而不秘其傳今中國所設之同文院廣方言館已歷有年而於格致講學尚未深通其所製造全仗西人指授不過邯鄲學步而已何能別出心裁創一奇巧之兵船造一新捷之火器哉且又從不講求西國律例凡交涉案件莫能辦理如延西國訟師代我辨論則又恐從中袒護不能力斥其非此數端皆中國所必需尤當遏其漏卮啟其秘鑰將西國有用之書條分縷析譯出華文頒行天下各設書院人人皆得而學之院師擇請西儒或出洋首選之官生以充其任以中國幅員之廣人才之眾竭其聰明智力何難駕出西人之上哉而奈之何甘於自域也

議覆謝祖源奏請練習洋務人才疏

光緒十二年

十二月初六日欽奉 諭旨謝祖源奏時局多艱請廣收奇傑之士游歷外洋一摺着該衙門議奏欽此由軍機處恭錄行知到臣衙門欽遵覆議伏查該御史原奏內稱自同治年間遣使外洋除使臣由朝廷特簡外其隨員或取在館供事及肄業官生學術既未淹通氣局尤多猥瑣即所延幕友亦僅專司文牘並無瑰奇磊落之材其中出色人員不過學習機器通譯語

言久之習與性成甚至有樂效其飲食起居使其軍馬衣服者其人殊未足虞異日干城之選臣愚謂國家帖括取士經濟即寓乎文章今翰詹部屬中不無抱負非常者可否令出使大臣每國酌帶二員給以護照俾資游歷一年後許其更替願留者聽其才識出眾者由出使大臣密保既備他日使臣之選亦可多數員熟悉洋務之人等語臣等維使絕域者必資異材習邊情者存乎實歷今外務日繁誠宜廣為儲材以收羣策羣力之效總理各國事務衙門查自奏請簡派出使以來其始原藉聘明鄰國名賢得游歷殊方周知其國俗地形強弱夷險以及練兵制器權商開礦諸要務既而規模漸定分遣使臣駐紮由該使臣選派參贊領事等官分駐通商洋要動驗記載各情隨時稟報又有出洋學生以資練習北洋大臣復屢派武弁工匠陸續前赴各國船廠礮廠學習技藝用意不為不周歷年奉使及參佐人員亦多取材於曾任翰詹部屬之人查出使隨員向由使臣自行奏帶跋涉萬里更換不易必須為地擇人以責養成而效指臂其不能拘定京外現任候補候選人員惟材是任勢不得不然也若夫供事學生由各該使臣奏帶出洋者取備繕寫文移編譯書問而已其機宜重大事務何嘗取辦於未狹使盡去此曹則筆札之繁古人之選豈能概貢之使臣一身且其中未嘗無可造之材即或有沾染外洋習氣者亦可由該使臣隨時督察分別撤參以示懲儆至該御史請於翰詹部屬中由出使大臣酌帶每國二員一節竊惟周禮九數疇人命官考工五材庶士分職班固志前代藝文於經典外列叙兵書術數方技諸略此皆專門利用之學聖人不廢原夫古時造士器數之學本與義理之學並重故足以通經致用官效其能近世士大夫非無才識聞通學問淹博之人而限於方域囿於見聞語及環球各國交際之通例富強之本計或鄙夷而不屑道所謂少見多怪其勢然也夫外洋測算竊自中法制器相材源於考工營陣東伍乃古者司馬法步伐進退之遺開採五金仍於周禮卅人之官測繪地輿亦昔人裴秀成法禮失求野豈彼智而我獨愚特中土習為游談其平日留心講習者良少耳是以欲周知中外之情勢必自游歷始然各國事理與中國不同彼之藉游歷以傳教者無論已其他或默計中裔相通道里或私繪山川形勢或考求物產盈虛或陰測煤鐵礦苗非空夢跋涉者且彼土之人強力堅忍置之雪山冰嶺而不辭中土之人筋力柔脆偶涉瘴癘風濤而生畏况不習西國語言文字即身歷其地亦與喧嘩何異今人於海疆牙錯之形直有鑿鐵之數一切利病尚或未能瞭然心目而遽欲舍己云人忽近圖遠安必其有實濟乎就目前而論我之所亟唯在察敵情通洋律詰製造測繪之要習水師陸戰之法講求稅務泉務茶商牧礦諸事宜雖未能遽底於精深亦當先得其大要查出使各國大臣不乏差遣之員外國每年中例有避暑不辦事之月又多賓祭燕閒之日相應申請飭下出使各國大臣隨時分飭各員遊歷境內考覈記載分別講求並督出洋武弁學生等學習各項技



藝勳並行以收實效該員等本月支薪水毋庸另給經費至朝臣部屬中如實有制器通算測地知兵之選啟樸耐勞志節  
超邁可備出洋遊歷者可否請旨由下翰林院六部覈實保薦並咨送總理各國事務衙門酌數再行奏請發往各國游歷  
由出使大臣就近照料應需出洋薪裝旅費時由總理各國事務衙門酌定數目在出使經費項下發給所有臣等謹覆緣由謹  
合詞恭摺具奏

會同學取士疏 光緒十三年

竊光緒十三年三月二十五日軍機大臣欽奉 慈禧端佑康頤昭豫莊誠壽恭欽獻崇熙皇太后懿旨御史陳琇鑒奏請將明習算學人員

量才科甲出身並游歷人員准按原賞來籍管缺出准令游歷人員兼充監戒田購用機器各摺片着該衙門會同吏部禮  
部妥議呈奏醇親王奏議者一併與議欽此欽遵會議仰見 聖慮周詳慎重名器造就人材之至意欽佩莫名查該御史原  
奏稱中外交涉以來言西學者機器船政等局同文方言學館其淵藪也由洋學會於測繪製造一切具有師法特述其議論  
不免怵於先入為主之說以事為公致法外洋通者 詔各部院奏保出洋游歷竊意查該人員會可藉此練習洋務而遷  
延三月保送未聞則留心西學者難其選也 臣愚以為西法雖名目繁多皆權輿於算學洋務後算學入於泰西諸學雖不  
必有身兼數器之能而測算既明不難按圖以索國子監原設算學比年各省學臣亦如算學可否仰懇 飭下各該學政

於歲科試報習算學之卷實予錄以右卷咨送總理衙門復勅作為算學生員屆鄉試時除頭場三場仍試四書五經文外其  
三場照繙譯鄉試例策問五題專習算學再照官卷例另編字號於定數外的中數名會試亦如之中式後請于京職遇有游  
歷員缺即令出洋赴泰西各書院學習學成旋真充洋務及出使等項差使如此則進非他途不為時論所輕既非若空言  
洋務者之或未周知復不至如左袒泰西者之易滋流弊等語 等維造才取士之法貴與時為變通潮魚同治五六年總

理衙門奏為監生准其鄉試皆充補繙譯官均經奏奉 諭旨允准原奏誘掖鼓勵開以進身之途使之日起有功至鄉會試  
場取士向有依法難於率議更張故道光中兩廣督臣祁璜奏開奇才異能五科內有製器通算一門咸豐初年御史王茂蔭  
亦曾言之同治九年閩浙督臣英桂等奏開算學科先後部議皆以格於成例中止特是九數居六藝之一周禮以之興賢能

明算例六科之中唐制以之程選舉我朝 欽定數理精微儀象考成諸書尤為萬世學算之準繩故定制於國子監額設算  
學肄業生滿蒙漢各若干人分年教授是天文算法本學人所當重而習之者為以 列聖開物成務 睿識深遠考採西洋  
之巧算融入中法之精微以制器而論則 御製天體赤道諸儀既已邁古樂令即下至行軍火器之利亦當俯采西法康

皇月經世文寶編 卷二百五 洋務字 十



中遇征討之役 命欽天監官南懷仁湯若望造炮隨軍此其明證而世人或目算學為西學殆未之深察也且即以西學而論其人材半出於格致書院以理法擴其聰明亦半出於水師練船以閱歷堅其膽識而不特考校文字一日之短長以進退之三角八線幾何代數誠為西學根本然西學以測算始實未嘗以測算止故近年南北洋船政各處設立製造管駕武備水師學堂擇其藝成者入練船學習又拔其尤者充補水師員弁以期造就人才有裨實用良以西藝亦非算術一端可盡而從事於天算者未可遂謂之練習洋務也惟查製造各學未嘗不探源於算術誠有如該御史所稱名目雖繁權輿於此者欲盡取西學之所長殆必以算學為先導但使選舉有法亦可資激勵而廣招徠臣等就原奏所陳公同商酌試士之例未容輕議變更而求才之格似可量為推廣擬請 旨飭下各省學臣於歲科試時生監中有報考算學者除正場仍試以四書經文詩策外其考試經古場內另出算學題目果能通曉算法即將原卷咨送總理各國事務衙門復勘注冊俟御試之年按冊咨取赴總理衙門試以格物測算及機器製造水陸軍法船砲水雷或公法條約各國史事諸題擇其明通者錄送順天鄉試不分滿合員四等字號如人數在二十名以上統於卷面加印算學字樣與通場試子一同試以詩文策問無庸另出算學題目其試卷由外簾另為一束封送內簾比照大省官卷之例每二十名於額外取中一名但文理清通即為合式如並無清通之卷任缺無濫卷數雖多亦不得過三名以示限制其錄科之卷總理各國事務衙門於揭曉以前咨送禮部備查至會試向年另編字號之例凡由算學中式之舉人應仍歸大號與該省士子合試憑文取中如此則搜求絕無乏中仍不改科舉得人之法似亦獎勵人才之一道至學堂練船中學已有成己得官職或不願投考者仍歸該管大臣核計年勞保獎與考試一途兩不相妨此項人員若於會試中式後得用職恭候 點派數員作為同文館纂脩俾專講習嗣後或游歷外洋或充出使等差均可隨時奏派因材器使庶洋務非託空言而得力與藝成而下者自有閒矣

粵省創設水陸師學堂以儲厚材疏 光緒十三年

張之洞  
吳大澂

竊惟古今人材皆出於學學之為事講習與歷練兼之近日海防要策首重水師兵輪次則陸軍火器外洋諸國於水陸兩軍皆立專學天文海道輪算學機砲械管營工作製造分類講求童而習之畢生不徒其業是以稱雄海上我 朝聖武恢闔中國人材所萃將才何一不備兵法何一不精特是時勢不同船砲機算諸端至今日而巧者益巧烈者益烈若欲因時制變固非設學不可近年天津福州皆設水師學堂而天津兼設武備學堂以練陸師誠以二者不可偏廢也廣東南洋首衝邊海蕪蕪應儲水陸師器使之材較他省為尤急光緒三年前督臣劉坤一捐銀十五萬兩奏明生息為儲養洋務人才之用光緒六

年前督臣張樹聲撫臣裕寬於省城東南四十里長洲地方就前欵內撥銀建造學館分派教習考選學生肄習西洋語文算法用項取之前次息銀特以限於費絀定額較少此外有關兵事諸端未能肆及臣之洞到任後察看該館生徒學業尚堪造就改名博學館於奏請籌辦閩粵兩省開設學堂各務摺內聲明在案臣等審度時勢公同籌商擬即就其地改為水陸師學堂並須添購地段增建堂舍教習所以區功課而臻完備其水師陸師均各額設七十名先挑選博學館舊生通曉外國語文算法者三十名為內學生再遴選曾在軍營歷練膽氣素優之武弁二十名為營學生再擬選業已讀書史能文章年十六以上三十以下之文生二十名為外學生無論生監俱准就學其水師則學英國語文分管輪駕駛兩項管輪堂學機輪理法製造運用之源駕駛堂學天文海道駕駛攻戰之法其陸師則學德國語文分管馬步槍砲營造三項內學生取其繙譯已曉算法已諳營學生取其兵事已歷膽氣已壯外學生取其志向已定文理已通惟營學生外學生兩途年齒較長學習外國語文稍有不便應於洋教習之外添用華繙譯一名轉相解授以便領悟其房舍則分為水師講堂水師操場陸師講堂陸師操場陸師馬步砲操場其規制課程畧仿津闈成法復斟酌粵省情形稍有變通大抵兼採各國之所長而不染習氣謹求武備之實用而不尚虛文堂中課程限定每日清晨先讀四書五經數刻以端其本每逢洋教習歇課之日即令講習書史試以策論俾其通知中國史事兵事以適於用在堂者一律仍准應文武試以開其上進之程其營學生外學生兩途年歲不必甚幼庶可辦其志趣氣質不致虛庸庸下之才語文但取粗通不必以此一端耗其心力自力總期由粗入精必不使遂末遺本水師學成之後撥入練船另設練船正教習槍砲帆纜教習測算教習四員皆用洋弁在船課讀即在中國沿海口岸游行認真練習一年之後再選其才藝尤長者分赴外國學堂兵船學習其陸師則三年學成後擇尤出洋分赴各國學堂陸軍練習水陸均令每年九月在堂三月在船在營遇有外洋有事擬照西國通例前往觀覽以資考鏡實事現在購買地基添造學舍興築場廠約估需銀六萬餘兩每月員弁薪水華洋教習薪水學生膳費丁役工食約需銀五千兩按之津闈章程已屬節省堂中應用書籍機器隨時添置除博學館原有每年息銀六千餘兩外應於海防經費項下開支粵省度支極絀豈敢更增用款然為此儲才要務不得不竭力成之惟學堂事屬創始總辦者非有熟習大員未易勝任查有二品銜分省補用道吳仲翔才識沈毅思慮精詳前充福建船政提調十餘年船政始規皆其創辦嗣經北洋大臣李鴻章調赴天津委辦水師學堂亦著成效現在請假回籍經臣等函邀來粵詢商一切相應請 旨將吳仲翔發交臣等差委擬即委令總辦水師學堂事務以資熟手至洋教習擬用三員水師駕駛洋教習一員查有福建船廠英員李家在閩期滿堪以調充陸師語文測算兼操練正洋教習一

員粵省現有德弁歐拔次堪以充補其副教習一員應由臣等咨商德國出使大臣向外外部遊訂此外應設漢教習十一員水師則駕駛操演洋文各一員華文三員陸師則英文幫教二員德文幫教一員華文二員其稽查各堂及經管錢糧文案各委員酌用此舉現經臣等詳加籌度飭據廣東布政使高崇基會同海防善後局司道擬議章程詳請具奏前來除咨明海軍衙門總理衙門暨戶兵二部外謹合詞恭摺具陳

請設廣方言館疏

李鴻章

竊臣前准總理衙門來咨遵議設立學習外國語言文字學館為同文館等因伏維中國與洋人交接必先通其志達其欲周知其虛實誠偽而後有稱物平施之效互市二十年來彼酋之習我語言文字者不少其尤者能讀我經史於朝章憲典吏治民情言之歷歷而我官員紳士中絕少通習外國語言文字之人各國在滬均設立譯館一二員遇中外大臣會商之事皆憑外國譯官傳述亦難保無偏袒捏架情弊中國能通洋語者僅恃通事凡關局軍營交涉事務無非履覓通事往來傳話而其人遂為洋務之大害查上海通事一途獲利最厚於士農工商之外別成一業其人不外兩種一廣東甯波商夥子弟能達游間別無轉移執事之路者輒以學習通事為通逃數一英法等國設立義學招本地貧苦童稚與以衣食而教肄之市兒村巷來厯難知無不染洋淫習氣亦無不傳習彼教此兩種人者類皆資性蠢愚心術卑鄙貨利聲色之外不知其他且其僅通洋語者十之八九兼識洋字者十之一二所識洋字亦不過貨名價目與俚淺文理不特於彼中兵刑食貨發弛治忽之大費焉無知即遇有交涉事宜詞氣輕重緩急往往失其本旨惟知籍洋人勢力播弄挑唆以遂其利欲蔑視官長欺壓平民無所忌憚即如會辦防堵一節聞粵通習漢語之大首晤談尚不遠乎情理而瑣屑字件勢不能一一面商因而通事假手其間勾結洋人為分肥之計誅求之無厭排斥之無理支銷之無藝欺我輩嗜逞其簧鼓或遂以小嫌釀大釁洋務為國家懷遠招攜之要政乃以樞紐付若輩之手遂至彼己之不知情偽之莫辨操縱進退訖不得其要領此非細故也京師同文館之設實為良法行之既久必有正人君子奇尤異敏之士出乎其中然後盡得西人之要領而思所以駕馭之綏靖邊陲之原本實在於此惟是洋人總匯之地以上海廣東兩口為最種類較多書籍較富見聞較廣語言文字之粗者一教習已足其精者務在博采周咨集思廣益非求之上海廣東不可故行之他處猶一齊人傳之說也行之上海廣東更置之莊嚴之間之說也臣愚擬請仿照同文館之例於上海添設外國語言文字學館選近卅年十四歲以下資稟穎悟根器端靜之文章聘西人教習兼聘內地品學兼優之舉貢生員課以經史文藝學成之後送本省督撫考驗請作為該縣附學生准其應試其候補伍貳

佐雜等官有年少聰慧願入館學習者呈明由同鄉官出具品行端方切結送局一體教習藉資熟料學成後亦酌給升途以示鼓勵均由海關監督等試辦隨時察覈具詳三五年後有此一種讀書明理之人精通番語凡通商督撫衙門及海關監督應添設翻譯官承辦洋務者即於學館中遴選承充庶關稅軍需可期核實而無賴通事亦稍斂迹矣夫通商綱領固在總理衙門而中外交涉事件則兩口轉多勢不能以八旗學生兼顧惟多途以取之隨地以求之則習其語言文字者必多人數既多人才斯出彼西人所擅長者推算之學格物之理制器尚象之法無不專精務實洵有成書經譯者十纔一二必能盡閱其未譯之書方可探蹟索隱由粗顯而入精微我中華智巧聰明豈出西人之下果有精熟西文轉相傳習一切輪船火器等巧技當可由漸通曉於中國自強之道似有裨助